

中 通

國 覽

中國通覽序

爲學之要。蓋有兩端。欲學爲人。當知世界之事。欲
民。當知本國之事。對萬物言曰人。對國家言曰民。
欲學爲民矣。則凡國家之所以養我治我。而使我國
遂其生而完其職者。皆不可以不知也。上海教育會
社嘗譯日本國民教資料一書。余取而讀之。嘆彼志教
其國人之所以爲民者甚至。竊謂中國學堂亦不可無
是書也。今大學堂頒行章程。所舉功課。獨缺是事。意編
纂教科書者未必及之矣。然吾爲民者。又烏可不亟亟

先學爲民也。中國通覽。日本某君所著。其言我國地理官制政體時事綦詳。商務印書館主人譯以行世。雖未必犁然悉當。然大致要不刺謬。讀之亦可以稍知中國之事。夫以中國之事。而中國人不能自言之。事固可恥。然使他人言之。而我猶不能知之。則不更有可恥者乎。不能知本國之事。又焉能知世界之事。吾願與吾國民一雪此恥也。光緒二十九年閏五月涉園主人序。

中國通覽上編目次

第一章 總概

第一節 中國之位置及稱號

第二節 四邊疆域

第三節 全國之面積及人口

第四節 人種及性行

第五節 在外人口

第六節 國內分域及各域面積人口

第七節 地勢及山脈

第八節 本都域內之山岳

第九節 四大流及諸大河

第十節 六大湖

第十一節 海岸半島岬角海峽

第十二節 諸島嶼及避風港

目次

商務印書館印行

12768

第十三節 黑潮及湖沙

第十四節 氣候

第十五節 天災及蝗害

第十六節 歷代年數

第二章 本部十八省

第一節 中國本部之位置及疆域

第二節 分域及十八省概表

第三節 直隸省

第四節 江蘇省

第五節 安徽省

第六節 山東省

第七節 山西省

第八節 河南省

第九節 陝西省

第十節	甘肅省
第十一節	福建省
第十二節	浙江省
第十三節	江西省
第十四節	湖北省
第十五節	湖南省
第十六節	四川省
第十七節	廣東省
第十八節	廣西省
第十九節	雲南省
第二十節	貴州省
第二十一節	國都北京
第二十二節	南京
第二十三節	中國本部之南北

第二十四節 各省地之別名

第三章 二十五港

第一節 各港總表

第二節 各港大別

第三節 中日條約港

第四節 駐劄各港之各國領事

第五節 寄居各港之外國人及商店數

第六節 寄居北京及各港之日本人公私異用

第七節 上海

第一項 居留地人口

第二項 居留地制度

第三項 居留地警察及義勇兵

第四項 居留地裁判及會審衙門

第五項 上海之內外貿易

第八節	漢口
第九節	天津
第十節	廣東
第十一節	福州
第十二節	甯波
第十三節	重慶
第十四節	九江
第十五節	蕪湖
第十六節	鎮江
第十七節	宜昌
第十八節	芝罘
第十九節	牛莊
第二十節	溫州
第二十一節	廈門

第二十二節 汕頭

第二十三節 九龍

第二十四節 北海

第二十五節 瓊州

第二十六節 龍州

第二十七節 蒙自

第二十八節 淡水

第二十九節 雞籠

第三十節 安平及打狗

第三十一節 香港

第三十二節 澳門

下編

第一章 組織政事機關

第一節 政體

第二節 帝室

第三節 中央政府

第一項 內閣

第二項 辦理軍機處

第三項 六部衙門

第四項 總理各國事務衙門

第五項 都察院

第六項 理藩院

第七項 通政使司

第八項 翰林院及詹事府

第九項 寺監及太醫院

第四節 地方官

第一項 總督及巡撫

第二項 鹽政大臣及鹽運使

第三項 布政使及按察使

第四項 府尹

第五項 道員

第六項 海關監督及督理織造

第七項 將軍副都統大臣

第五節 新置官職

第二章 海軍

第三章 八旗及常備軍

第一節 禁旅八旗

第二節 畿輔駐防八旗

第三節 禁旅練軍

第四節 東三省駐防八旗

第五節 各省駐防八旗

第六節 新疆駐防八旗

第七節 蒙古兵

第八節 俸餉

第九節 軍器

第四章 新式軍器製造所

第一節 造船廠

第一項 馬尾船政局

第二項 江南造船廠

第二節 兵器製造局

第一項 上海江南機器局

第二項 天津兵器局

第三項 南京機器局

第四項 廣東兵器局

第五章 驛站及漕運

第一節 驛站

第二章 權運

第六章 歲入及諸稅

第一節 鹽稅

第二節 茶稅

第三節 農稅及地丁銀

第四節 新海關稅

第七章 郵便

第八章 電信

第一節 中日兩國海底電線

第二節 寄報要件

第三節 電話線

第九章 輪船及輪船公司

第一節 上海各輪船公司及其航路

第二節 日本郵船公司之定期航

第三節 由日本至中國各港之三航路

第十章 鐵道

第十一章 南船北馬

第一節 內部水運

第二節 運河

第一項 揚子江以南之運河

第二項 揚子江以北之運河

第三項 臨清州以北之運河

第三節 內部陸運

第四節 陸行及陸運之要具

第十二章 外國貿易

第一節 外國貿易小沿革

第二節 外國通商締約年月

第三節 中國各港之貿易額

第四節 外國直輸出入價額

第五節 輸出輸入之實際

第六節 中日貿易小沿革

第七節 日本與中國直接貿易諸港

第八節 輸出於日本三大品

第九節 輸出於朝鮮之貿易

第十三章 銀行及商店

第一節 中國銀行

第二節 外國銀行

第三節 銀行紙幣

第十四章 農工庶業

第一節 農業

第二節 農產物

第一項 茶

	第二項	棉花
	第三項	鴉片
	第四項	蠶絲
第三節	工業	
第一項	紫檀細工	
第二項	製糖菓	
第三項	織布及紡績業	
第四項	河北製鐵所	
第四節	漁獵海產物	
第五節	牧畜	
第一項	牧馬	
第二項	牧牛	
第三項	羊豚	
第六節	山林	

第七節 鑛業

第一項 石灰坑

第二項 金銀鑛

第三項 銅鑛及諸鑛

第十五章 教育

第一節 學校之區別

第一項 家塾

第二項 義學

第三項 書院

第四項 府縣學

第五項 國子監

第六項 官學

第七項 洋式學校

第八項 海軍陸軍學堂

第二節 考試

第一項 歲試

第二項 鄉試

第三項 會試

第四項 殿試

第三節 學政

第四節 學事雜記

第十六章 宗教

第一節 儒教

第二節 道教

第三節 佛教

第四節 白蓮教

第五節 喇嘛教

第六節 回回教

第七節

天主教

第八節

耶穌教



中國通覽上下編目次終

商務印書館

中國通覽上編


第一章 總概

第一節 中國之位置與稱號

中國位於亞細亞東部。為世界一大帝國。起於北緯十八度二十分至五十度十六分。發於東經七十三度達於百三十四度。誠東亞陸上之要鎮。中國稱號。原無一定。凡主權者代其世。即隨主權者付以名稱。如夏殷周秦漢唐宋元明等號。皆其例也。今國號曰清。二百五十年前。國朝世祖順治。由滿洲南入中國。討滅前明宗室。創業垂統。國號大清。蓋表明其勘定明末亂。一掃干戈。騷擾之紛塵。新開清平世界之意義也。

第二節 四邊疆域

茲取中國四邊疆域而畧敘之。東北帶烏蘇里黑龍江二大江水。對接俄領黑龍江沿岸州。北西接興安嶺及阿爾泰之大山脈。與俄領西伯利亞之西南部諸州地相連。西沿蔥嶺天山。入於土耳其斯坦之境。西南由喜馬拉亞大山脈。鄰於印度支那諸邦。度印支那為南亞之一大洲。東西瀕海。北至朝鮮鴨綠江。南盡東京灣。極東與日本相對。南與呂宋水波相望。又有二大屬島橫於近海。一臺灣。屹立於閩海東南。一瓊州。盤踞於粵海南方。



香港澳門。雖向爲中國領土。自千八百三十八年。鴉片戰爭一役。香港割讓於英國。此不僅爲中國失一大要口之恥辱。且失東洋最要之貿易門戶矣。澳門自明朝怠棄。國勢再衰。曖昧模糊。被葡萄牙人奪去。北東割滿洲九十萬三千方里之地於俄。西哈密爾之要部。亦被俄軍占領。蒙古爲中國之屏藩。沙漠萬里。所以限俄人者。以邊要有所恃也。昔日驍武絕倫之名。素爲外人所懼。近年各藩籬。疲弊貧弱。日甚一日。剛健之風。埽地殆盡。俄人乘入邊境。牢絡烏梁海南北。侵掠喀魯倫河東西。漸奪膏腴。雜居無限。一旦有事。而卡倫鄂博。悉被淪陷。十年前張之洞之對俄策。亦既言之。沙漠南北。隱藏猛鷲。危險形狀。在轉瞬間。南西邊疆。往年中法之激禍。既經破裂。爾來禍脈不絕。不惟溯洄江河。近年暹法一戰。眉公河東。滙數千方里。已入法國版圖。英法劃定利害衝突之交邊線。東向侵漸之政略。夙夜不怠。中國朝廷。亦足以寒心矣。南方沿海之地。僅保小康。然杞憂者見居留地自治制之發達。膨脹。隱然爲將來一敵國。是無容疑議矣。西伯利亞茫茫五千里。徹然貫通。鐵道工程。更於東三省促迫邊防軍務。數年以來。使中國政治家之頭腦。偏汲汲於北部鐵道之急成策。不復顧慮他事。嗚呼。中國四邊疆域。事故多矣。危險甚矣。

第三節 全國之面積及人口

中國土地廣袤。人口衆多。世界罕匹。先敘其面積。據日本參謀本部之中國地志。有三千九百十萬方里。據幾痕氏亞細亞地志。有三千四百五十萬方里。又據政家年鑑。有三千二百二十萬方里。而實面積有三千二百七十四萬方里。南北長有八千八百里。東西六千百里。較歐洲。其過正一倍有半。人口凡四億零六百二十二萬六千餘。實當全世界人口四分之一。比於歐洲大陸之人口。其過殆一億零六百二十二萬六千餘。誠可驚也。

第四節 人種及其性行

今中國種族中。十分之九爲蒙古種之變性者。其與他種相混者極少。又別有一種名苗族。其性悍好武。嘗與漢族由中國之南北。互進中原。平分其地。各占一半。其勢相當。一日觸突相接。致生爭鬪。屢經戰役。漢族制勝。苗族取敗。遂被驅逐於深山窮谷。不得復出。至今尙極野蠻。古來中國政府。以苗蠻諸族。爲梗化之民。常置於法度之外。或曰古舜竄三苗於三危。此其後裔也。漢族自驅逐苗族以後。漸次蕃衍於江淮。爲中國文化之中心。開廣大之邦土。統衆多之民族。建立最古帝國。已上下五千餘年矣。夫邦

土廣大。民族自然衆多。規模自然雄壯。勢力自然強大。至其結果。大者愈大。小者愈小。有極富者。有極貧者。有至強者。有至弱者。無論何事。無不見消極積極兩端。事物之狀態既如此。而人之氣稟性行。亦不得不傾此兩端。蓋自然之勢也。中國人之特質。富於忍耐。利藪所在。垢穢勞苦。無不爲之。殆不解羞恥。困難爲何物耳。至利盡時。前後判若兩人。勞逸固所欲擇。而溫容寬雅禮義德行之風。掃地盡矣。誰謂中國人爲能忍性者耶。又誰謂中國人不忍之性質多耶。由忍性移於不忍性。由不忍性移於忍性。是真中國人之特質。蓋中國人原染保守之性習。目前新規事物。總難動其心意。而該事物之足以投其嗜好者。卽採用之。如水就下。沛然莫禦。不見夫喫阿片煙者之狀乎。初則投其嗜好。雖頗不易。一經知味。卽元氣消亡。生命財產蕩盡。仍深耽之。吞雲吐霧。燈畔獨眠。呼吸於懶怠之天。嬉笑於病魔之室。縱令屈爲奴隸。叱爲牛馬。亦惟以阿片爲樂。若不復有身家性命之憂者。嗚呼。是非其特質之一現象乎。夫電線之飛信。鐵道之迅軌。鐵艦之防海。人人見之。無不知其銳利而採用之。獨中國人無此意念。偶有二三先識之士。主張採用此等利器。而謗議百出。道然嚮然。百方以阻礙之。已而驗試實功。卽兼程急設。不舍晝夜。故十數年間。電線達於四境。鐵道進於北部。海軍艦隊之狀。刮目可

觀。誰謂中國人爲保守偏性之人民耶。又誰謂中國人爲急進偏性之人民耶。保守而不必保守。急進而不必急進。兩端一轉。此爲中國人民。此爲極端性之人民歟。

第五節 在外人口

中國人種卽漢族。其蕃殖力及傳布力甚著。久爲宇內所共稱。人口三億。未幾達於四億以上。且移殖於漢族國境之外。其傳布種屬於世界也。遠在三千年前。如箕子於朝鮮。徐福於日本。此爲人所共知。此外由內地移住塞外。及外蕃諸邦者尤衆。現住於長城以外諸部落。或滿洲與甘肅西方等處。漢族及其後裔。有一千三百萬人。至近時移住海外之盛況。實有可驚。僅以南洋諸島。印度海沿岸各地計之。其數已達一百萬以上。加之南北美洲。凡散在地球各方。亦不下三百萬人。此等移住之民。久在移住之地。其後歸航本國。皆積資財。每年歸送本國之金額。不下二千萬元。其經桑港銀行。送入本國之金額。約一千二百二十萬元。由此推之。將來漢族傳布膨脹。正未可量也。

第六節 國內分域及各域面積人口

由歷史上行政上之關係。劃分中國域內。先分本部屬部大部。更區畫其屬部如左。
滿洲 此地係盛京吉林黑龍江三省地。稱爲東三省。卽國朝發祥之地。根本樞要

之所也。

蒙古 此地係漠南漠北之地。稱為內外蒙古四十六部。及其遊牧部落。北方對於俄羅斯為中國屏藩之域。

伊犁 此地古為西域。依天山分為三支。所謂山南者。即天山南路也。所謂山北者。即天山北路也。所謂山東者。即天山東路也。更稱為新疆全域。西人呼此地為同加里亞。蓋十三世紀之時。暴掠南歐。以加爾瑪之故國。準噶爾之名名之乎。

西藏 分前藏後藏二大區。屬喇嘛法王管理之。各部之面積人口。表示於左。

分域	面積	人口
中國本部	10,333,694 方里	38,363,000
滿洲屬部	2,819,339	4,150,000
蒙古屬部	10,033,607	1,880,000
伊犁屬部	4,511,081	6,000,000

西藏屬部

五〇六九四八〇

六〇〇〇〇〇〇

計

三二七五二五

四〇七三三〇〇

第七節 地勢及山脈

中國全地。占喜馬拉亞山系之東南部。爲廣漠之大平原。阿耳泰山。互於蒙古之北。天山連其西。興安嶺綿其東。直趨中國本部。與陰山共包繞戈壁大沙漠。崑崙山亦由喜馬拉亞山而出。橫於蒙古西藏之境。連互本部之西北。跨黃河之域。與北嶺相接。而南嶺由西藏之東南部而東。遮斷四川湖南江西雲南貴州兩廣之間。以上諸脈。皆發於中央亞細亞之帕米爾高原。概由西而東者。帕米爾高原。爲地球上最高之地。西人呼爲地球之屋脊。又崑崙山脈。名稱不一。高度亦不一。南山一名祈連山。高一萬三千六百尺。其次爲阿爾金。高一萬三千五百尺。其次爲賀蘭山。一名阿拉善。高一萬一千六百尺。此外如陰山興安嶺長白山等。皆此山脈之異處而別名也。其脈組織本部之全地。有三大支脈。卽北嶺南嶺是也。北嶺脈。由阿爾全部而分。一分疆於柴達木原之南。奔波於黃河揚子江之水源間。更由此連於東。爲本部岷山。爲秦嶺。爲伏牛山。由陰山部而分。蜿蜒於山西之地者。卽太行山脈。踰黃河至於河南。與北嶺山脈相接。界於河

南湖北兩省。又南嶺脈。由巴顏喀喇而起。至橫斷山脈而分。區畫揚子江珠江之水域。即由雲貴廣西充於東南沿海各地。此部山脈。並行奔馳。爲苗嶺。爲大庾嶺。其東端入於海。再出而爲舟山羣島。連於阿爾泰山脈黑龍江之北岸者。中國人稱爲外興安嶺。其一由中國西東向。蜿蜒起伏。終接於興安嶺。其內由蒙古通於西伯利亞。有高峻山道。天山由葱嶺至於西北。悉屬俄領。獨東部分伊犁之南北。單行而列。所謂天山東部。橫絕其西。由沙漠達土魯番。又達於烏魯木齊及伊犁河。有著名之道路。下分全國地勢。爲山岳部。邱陵部。平原部。今可就各部記其形狀之大概如左。

一山岳部。西藏新疆蒙古雲南四川貴州陝西山西及滿洲之北。奔於南西。馳於東北。屬於大山脈之傾斜。其本部雖皆菁篁地。然適於耕耘者亦不乏。往往有人口稠密之都府。稱爲豐饒之地。屬部有大曠原。

二邱陵部。屬於揚子江以南。如福建江西湖南兩廣等地。其山勢有赴於海之狀。其高度達於雪線以上者殆稀。

三平原部。直隸山東江蘇安徽河南浙江各省地。爲東北大平原。屬於黃河揚子江之下流水域。北起於長城。南經河南之慶德府。至於湖北之荊州府。自此而東。沿揚子江

經漢口以至海。各處雖廣狹不同。大率平原地積有一萬千七百五十方里。自北緯三十四度至三十五度。平地漸闊。與黃河平行。及於東西百五十里。尙南進至揚子江沿岸之地。殆及於二百五十里。要之西南與西北部。山岳重疊。地勢頗高。東南與東北部。邱陵毘連。獨屬於中央一面。無一物遮蔽眼界。自古稱此地爲中原。大小河川。悉東流而朝宗於海。

第八節 本部域內之山岳

本部域內之山脈。亦由中央亞細亞高地而來。分三大支脈。以組織地勢。一由四川甘肅之境。綿亘於陝西山西。入於滿洲。劃界爲本部外藩。名崑崙山脈。二由雲貴省。綿亘於兩廣。延於湖南江西福建浙江之境。以南部北部爲分界。稱爲北嶺山脈。三由湖北蟠屈於湖南貴州之間。至於安徽江蘇。脈勢頗弱。波浪奔走。以入於海。稱爲南嶺山脈。其方向卽如前所述。雖自西向東奔馳。而自北取於南向。定諸大河之水源及劃國疆者。稱爲橫斷山脈。爲大行山脈。由崑崙本脈之陰山部分派爲三山脈之一。起於察哈爾高地之西部。南向而充於山西直隸西部之地。踰黃河入於河南。連續於北嶺脈之伏牛山。其最高有達於雪線者。恆山爲五嶽之一。亦屬於此。燕山脈亦其一也。磅礴於

乘乾河與灤河之間。長白山部。蔓延於吉林全部。南連朝鮮。其西南經盛京省東南部。爲金州半島。更有列島錯峙。踰海而來。山東諸山與有名之泰山。亦屬此部。岷山由四川省跨甘肅省。更發數支盤礴於全省內。其西北盤錯於黃河右岸者。爲西傾山脈。其南分嘉陵江岷江之水域者。爲雪欄山脈。又東南走於陝西四川界。達於湖北省界者。爲巴山脈。秦嶺脈起於甘肅秦州東南。橫斷陝西中部。北爲渭水之域。南爲漢水之域。直入河南。接伏牛山部之熊耳山。其間有高峰峻嶺數座。大抵以秦嶺之名名之。古來南北孔道所通。凡自北而南者。無不經此山脈。如太白終南太華諸山。皆屬於此。太華亦稱西嶽。爲五嶽之一。伏牛山起於河南省嵩縣。至支脈之東北。走於伊汝兩水之間。是爲嵩山。踰黃河接於太行桐柏岐嶺皖山等。皆屬本脈。又橫斷山脈。由西藏之北部。亘於四川省西北疆。定中國諸大流之水源。其方向全反對於崑崙脈。總之由北而南。自四川貫於雲南。達於南亞諸國。南嶺脈。由橫斷脈之雲嶺部而分。區畫金沙河底兩江之源域。東至雲南府。羅列滇池左右。自此東亘貴州之南。分揚子江與西江之水域。其形勢散漫。獠苗多居於此。故又云苗嶺。又東至於湖南兩廣。有五嶺。由廣東經福建江西之界。奔波入於浙江。爲仙霞嶺。入於海。又出而爲舟山羣島。大庾嶺亦屬此脈。

第九節 四大流及諸大河

中國內地橫斷於南北。東流有二大長河。北曰黃河。南曰揚子江。與白河珠江相併。爲中國之四大流。其水域廣大者。揚黃二河也。而最有便益者。惟揚子江。揚子江亦名長江。又名大江。發源於西藏雪山。三流合一。而爲木魯烏蘇河。東南流入喀木。經巴塘之西。而爲巴楚河。轉流於東南。入於本部域內。爲金沙江。由雲南達於四川。經甯遠敘州瀘州重慶夔州諸府。入湖北省。由夔州東至宜昌西。稱爲峽江。或云鎮江。江身狹隘。絕壁千仞。奔流電激。所謂巫山三峽之險是也。過湖北至江西之九江府。經安徽江蘇。入黃河。統計其長。凡二千八百海里。直徑千八百海里。水量閎深。冠於世界。黃河亞於揚子江。發源於青海。當地稱爲喀屯河。流至甘肅省。始稱黃河。以河水黃濁而名之。由甘肅之西甯府界。東北流至蘭州府。折而北東。沿於長城。過甯夏府。北向凡四百三十海里。爲蒙古高原之北端。從陰山東轉流下二百海里。繞內蒙古之內。爲大灣曲。其內云河套。由河套之北端。南流再入長城。過山西至陝西省界。凡五百海里間。不容大支流。南流至孟門山之下。懸流千尺。崩浪激怒。是爲黃河第一險之處。名龍門。極南而經潼關。東流經河南之孟津。其地平沙。水勢散漫。泥沙相混。色愈黃濁。居此一帶。難免水患。

自開封府抵於海。凡三百五十海里。古來河道。遷徙無常。今由該省蘭儀縣之東。貫運河。隨大清河故道。統計其長。凡二千五百海里。上流流勢迅激。行舟不便。下流漲溢。汎濫。古來遭非常水患者。不勝僂指。轉運因有揚子江。故用黃河者少。世皆以黃河爲中國患。實非謬也。珠江卽廣東河。南部有一最要大江。由東江北江西江合流而成。從前珠江之名。惟以廣東之下流稱之。其本流爲西江。西江有二源。一發源於貴州。名北盤江。一發源於雲南。名南盤江。入於廣西。經泗城府西北。合爲江水河。至象州。納柳江爲都泥江。至潯州。納鬱江爲潯江。至梧州。納桂江。而東流爲西江。北江發流於梅嶺。入於廣州。分爲二派。一合西江東派流於東南。由獅子洋虎門等處入於海。爲北江本流。其他由廣州合於西江爲珠江。又分流於東南二派。稱爲白河北河。天津河。又北運門。古之所謂潯河者。發源於長城外五郎海山。入於長城。與潮河相合。過通州至天津。統計其長凡二百七十里。支流皆趨於直隸。他若大清河合下流永定河鳳河。入於白河。統計其長凡三百七十海里。爲直隸北部最便之水流。牙河上流。稱爲泇沱河。由山西達直隸。東流至天津。由紅橋入於白河。統計其長凡三百海里。衛河卽運河也。由河南入山東。至臨清州之北。與運河合流。北流百五十海里。至於天津。會於白河。統計其長凡

三百海里。此外河流大者不少。如東三省之遼河。福建之閩江。湖北之漢水。浙江之甬江。皆著名之大流也。

第十節 六大湖

中國地積廣大。而湖澤池沼頗少。其可記者惟六大湖。如洞庭、鄱陽、太湖、洪澤、滇池、洱海是也。洞庭爲第一大湖。湖南諸水之總匯也。湖界東北屬岳州澧州。西南屬常德。東南屬長沙。而巴陵、龍陽、容華、安鄉、沅江、湘陰諸縣。皆環其外。湖面長百八十里。廣九十里。由漢江百五十海里之上流。與揚子江歧流處。漑於湖之同江。名三江口。五海里達於湖口。由湖至江。其航路沿君山之左。隨流而入於湖峽。君山凡三千尺之高峯也。注入此湖。河線大者。爲湘沅資澧微五水。惟湘沅資三江。支流最多。灌溉湖南全省。爲緊要江流。鄱陽湖。乃古所謂彭蠡者。名鄱陽。始於隋。湖面長二百五十二里。闊五十里。上下周圍凡四百餘里。江西之羣川皆注之。尙有無數島嶼。其鞋山頗稱勝境。南康府在湖西岸。富水漲時。可以遮障南風。至冬季湖水乾涸。露出泥土。太湖亦名五湖。又名震澤。水量宏受。暴風時。波濤洶湧。行舟甚險。大小島嶼。點綴湖上。如觀畫圖。洪澤湖。一名富陵湖。蟠於江蘇安徽之間。江蘇則屬淮安。安徽則屬泗州。曾受淮水。接於黃河。以分

注其水之關鍵。湖口各處築立堰壩。雖控制淮黃二河之流勢。猶患屢潰。近今黃河變道。形勢亦因之而異矣。滇池一名昆明池。又名大海。周回凡七十二里。灌於雲南府附近之耕植地。洱海一名洱水。以湖形如人耳。故有此名。南北十三里。東西二里半。深五十五尋。在雲南之大理府。若遇大雨。水量忽增二尋。充溢而入陽平江。又合瀾滄江。北之上關爲河首。南之下關爲河尾。均爲大理府之要塞。湖中有三島四洲。斷崖壁立於東岸。土人呼爲分水崖。南之淡水爲河北之鹹水爲海。其區別卽在此。又屬部稱天山南部。爲羅布湖。長三十五里。濶十五里。湖大而水淺。不與他水域相通。

第十一節 海岸半島岬角海峽

中國海岸。自東朝鮮之鴨綠江口起。西至廣東欽州。約千餘里。由揚子江以北。凡直隸、盛京、山東、諸省一帶之海。謂之黃海。由揚子江以南。至臺灣海峽以北之海。謂之東海。閩粵諸省之海。謂之南海。黃海北部。廟列島以內之海。謂之渤海。又云北海。遼東海灣入其北。直隸海灣入其西。渤海灣爲中國沿海中最大要灣。長百二十里。由旅順岬至山東角。三十里間爲海口。其中灣澳不少。便於泊船。如營口、天津、芝罘等處。爲最要之港門。芝罘卽煙臺之東。有威海衛港。盛京省東南端。與金州之旅順口相對。扼渤海之

口。即爲中國北洋艦隊屯泊所。他若黃海有膠州灣。東海有象山港。台州灣。南海有泉州。圓頭。漳浦。海門諸灣。又有銅山。碇石。小漠。墩頭諸港。及其他貿易諸港。今可詳說其二十五港部。半島大者有三。一屬山東登州府。東向伸出海面。一屬廣東雷州府。南向伸出海面。一屬盛京之金州。海峽之大者。在臺灣及瓊州。臺灣海峽。闊五十里。長百餘里。南面波濤險惡。瓊州半島。長十五里。闊五里。暗礁羅布其中。行舟極險。又岬角之大者。山東登州府萊城縣。有山東角。揚子江口南水道之南界。低平原之南。有揚子角。又廣東廉州府合浦縣南。有冠頭岬。其他大小岬角。不遑枚舉。

第十二節 諸島嶼及避風港

中國近海。島嶼極多。最大者爲臺灣島。在福建東南海中。南北百里。東西最廣之處三十里。面積三千四百九十二方里。人口二百五十萬。其次爲瓊州島。一名海南。在廣東省雷州之南海中。由東北至西南。約七十里。由西北至東南。約四十里。瓊州府。在島之北端。黎母山連亙於內部。峻峻之地頗多。中有五指山爲最險者。生黎多住此處。所謂黎者。化外之民。不服從國朝政令而獨立者。稍知向化者。謂之熟黎。羣居各島。總之本島近海。夏季屢起暴風。船舶一動。即遭危險。崇明島在揚子江口。長十六里。闊二里。地

勢平廣。人口五十餘萬。屬崇明縣。澎湖二十一島。大小不等。在臺灣海峽中。當臺灣縣之西。皆有居民。島之大者。卽澎湖島及漁翁島。澎湖島長五里。西南有兩泊船灣。漁翁島在澎湖島之西。長二里半。闊一里半。有大澳。便於泊船。前明洪武年間。盡徙其島民。廢其巡司。墟其土地。嘉靖時。海寇曾據爲巢窟。萬厯間。日本征韓之際。明廷增設戍兵於澎湖。天啓間。蘭人高文律。乘戍兵懦弱。奪領澎湖。襲漳泉沿海之地。要求互市。明軍進勦而復其地。至國初。又爲鄭成功所占據。成功沒後。始歸中國。廟列島在直隸海峽中。其數十五。南北分列。最大爲長山島。舟山列島由浙江省東海岸接近之處起。長約六里。周圍約二十六里。舟山其最大者也。設定海縣廳於此。海壇島在福建省興化灣之西。南端爲海壇角。東端爲海頭。置鎮兵於此。以警海防。此處爲臺灣海峽之南口。乃入福建之門戶也。廈門島在福建東南岸之鎮海角。圍頭之間。諸島之最大者也。其詳見二十五港條下。南澳島在閩粵接界之東南海中。東西六里。南北最廣處約三里。島內多漁民。有鎮兵駐劄。屬於福建廣東兩省提督。大濠島在香港西。長七里。闊約三里。地勢高而峯多。總攬中國海沿岸。暴風俄發者。非爲奇事。航海船舶。不可不知避風之港灣。今列其避大風之港灣如左。

東龍

大鵬海

油頭

南澳島

銅山港

廈門

金門島

澎湖（一名丕斯加多列島之馬公港）

雞籠

淡水

興化海峽

海壇海峽之南口

北關港

吧羅庫港

大豐港北西之錨地

舟山羣島之定海內外二港

定家門港

岑港

長白島（一名捕魚島）

金塘北西側之大奧

第十三節 黑潮及潮汐

黑潮一名黑瀨川。又云日本海流。成脈自流而色黑。發源於恆信風皮流之內。北流於該島宮古羣島之間。長幅不過二百里。達於羣島北。忽擴張其南界。又灣島南岬附近支分一派。過該島之西。經澎湖水道。北折而至東北。再合本流。黑潮溫度較高。水色甚黑。於臺灣東岸。速力自五月至九月。由二十四里至四十二里。自十月至四月。由二十四里至三十六里。又於其東北岸。自五月至九月。由二十四里至四十八里。自十月至四月。則十八里。最高溫度。有八十六度。較太平洋高十二度。又由日月之引力。所起潮浪。由東岸香港至舟山。同時來襲。其漲落隨於北進。勢力益盛。日差亦大。至香港以東。

之蓮華峯。潮汐無一定之率。且勢力軟弱。因信風而生。亦隨風皮流而壓。至於該峯。卽折而北向。其升降所差。由七尺至十八尺之遠。閩江以北。潮之差別可定。北向直線。近於舟山以北之海岸時。其勢力大增。凡潮浪來。於朝鮮外島。八時十三分。同時中國東岸外島。波浪相擊。而達朝鮮外島。直入黃河。又於臺灣西岸。漲潮於北。落潮於南。漲潮乘黑潮支派增其勢力。落潮逆之減其勢力。又其北岸漲潮則西向。落潮則東向。其東流者。同乘黑潮之流派也。

第十四節 氣候

中國氣候。以版圖廣大。各地差池。概而論之。西藏高地。與蒙古高原。氣候略同。寒暑共烈。至黃河揚子江之水域。則帶濕氣。海風常由太平洋而來。溫度一式。此水域之北部。冬季迥寒。至夏季與他處略同。不至大有激變。夏秋間各處恒有大雨。西部四時早乾。由戈壁至西藏高地中。數月嘗無滴雨。故印度之克什米爾。與天山南路之葉爾羌間。山道四時不便旅行。羊馬斃於道側。皆乾枯腐敗。其空氣如何。可懸揣矣。雨雪雖如此稀少。寒氣亦頗凜冽。空氣熾微。因多瘴癘。冬季旅客及動物。甚遭困頓。東部自北緯四十度達於回歸線。遠橫於南方。較之中歐平均之溫度。無甚異同。大概本部氣候。其地

多屬於溫帶。僅南嶺以南。屬於熱帶。蓋中國本部地方。原在東亞恆信風域。今就該風域之關係。論其在冬季。高氣壓於大陸內部。風由西境向於東岸。遂生寒燥天氣。及至夏季。氣高壓於海上。低於大陸。故由海上而起。即生雲霧。降大雨。北部春季最乾燥。暴風時。即降雨。初秋。南風頻吹。低氣在中原之西端。此時亞細亞內部之高原。溫度極高。風由東海向於蒙古。晚秋。多西北風。每歲十月。取冬季之風向。轉遷夏季恆信風候。比之冬季恆信風候。轉遷於夏季恆信風候。猶急激也。一年中氣壓之增減。如北京一月與七月之氣壓。相差懸殊。由是趣於南北。氣壓愈減。最足奇者。上海卷雲之現氣也。由十月至五月。卷雲必由西而來。七八兩月。多由東而來。若夏季不降雨時。則仍由西而來。某學士以上海卷雲之運行。與馬尼拉之風向比較。以現出於中國中央之卷雲。爲菲律賓羣島冬季東北恆信風之原因。北京地方。氣象之規律甚正。冬季東北風時。雲雨甚少。春季雲雨漸多。然至六月中旬。猶非雲雨盛行之時。至六月末。勢益盛。及七月爲最盛。該地平均之最低溫度。由挖蘇府高。五月最高之溫度。三三八。殆與七月等。北京夏時。海風頻吹。降雨滂沱。溫度尙不爲低。直隸灣水熱灼。夏季空際雲多。可以遮蔽太陽酷熱。中國之氣象臺。今猶限於沿岸。雖無從詳悉內地之氣象。但據奚它顯氏所

觀測。四川省九十兩月乾燥。十一月雨少降。麥草生長。自十二月至正月。正少雨之時。二三四月。爲最乾之時。五月爲雨初降之時。六七八月雨乃大降。河皆漲溢。氾濫平野。雲貴、陝甘、山西、直隸。亦無大差異。但甘肅直隸地方。夏季多西南風。降雨甚少。故夏季往往大旱。有饑饉之災。江西、河南、湖北、廣西、浙江、福建諸省。雨期大異於北部。四月五月。西南地方較乾燥。中央東部。常多雨。今就河水與氣候關係述之。冬季諸川水少。四月山間融雪。諸川水稍增。夏季比冬季增一倍。每生漲溢。五月至十月正溢水之季也。今揭北中南三部之平均溫度高低表於左。

一 北京

平	正月	二月	三月	四月	五月	六月
均	三、八	二、五	四、二	五、八	六、七	七、七
表	九、〇	七、三	六、一	五、五	三、九	二、七

二 漢口

平	正月	二月	三月	四月	五月	六月
---	----	----	----	----	----	----

均 四六四 五〇六 五三二 六八五 七五六 八二一

七月 八月 九月 十月 十一月 十二月

表 九二三 八六七 七九二 六七四 五三七 四三九

三 香港

平 正月 二月 三月 四月 五月 六月

均 六〇六 六〇五 六〇〇 七三四 七六七 八二六

七月 八月 九月 十月 十一月 十二月

表 八三六 八三一 八二八 七六三 六九九 六四四

茲復就颶風颱風之事說之。

甲 颶風

颶風者。起於北太平洋中之旋風也。中國謂之大風。此風中國北海部巴西水道。臺灣之東西。及臺灣日本恒多。而廈門福州。及其海岸。比之他處蒙此風害者較夥。然每年必有一二次也。過此而至臺灣水道。此地商船遇害。必在七月至十一月間。五六月亦起此風。不甚兇猛。以八月秋分時與月地最近時為最甚。中國海岸。大風暴發。屢在秋

分時。船舶大都破壞。蓋颶風者。旋轉與前進相并。在其風域。旋轉於中樞。或螺旋。而颶心通例無風。外面旋轉。猛烈兇險。實有意所不料者。

乙 颶風

颶風亦有時候。中國海南岸附近。九十月或由東北或由北東。連日勁吹。在北部十二月與正月中。有時起強颶於偏北。經三四日始息。颶風起時。天氣必怪黯。海南與東京灣。自五月至八月。有時遭此烈颶。該時中國海中央。南西或偏南。亦必有強颶陡起。颶風有謂之大風颶者。旋轉歷時。風威強猛。來去飄忽。不可預測。俄然轉黑。雲雨浮於四方。其形尖舌。有如龍舞長空之勢。晴雨鍼絕無所用矣。

第十五節 天災及蝗害

中國氣候。不可謂不良。然古來天災慘烈。旱荒水害。歲恆有之。如光緒八年。山西、陝西、及蒙古一部地方。遇大饑饉。比洪水氾濫之災。猶甚。山西飢民。至有七八十萬。糧食絕於旦夕。其生存者。皆割死屍而食。流離困頓。轉於溝壑。斃於道路者。項背相接。哭泣之聲。聞於四野。且秋季白河水溢。決堤防。流民屋。浸沒田圃。一望無際。餘波侵襲於北京之郊野。當時朝廷聞此慘況。曾宣詔曰。若鐵道四通。速於移民移粟。未必有今日之悲。

慘也。云云。

中國最可恐者爲飛蝗之災。青草原野。一朝變爲赤地。此意外之大饑饉。亦光緒十八年之事也。是年安徽省太平府東鄉十里之地。忽然飛蝗發生。至東北江甯接壤。縱橫數十里。山岡平野。飛蝗瀰漫。日使天役數千人。盡力驅除。卒難殲滅。嗣後蕪湖北岸亦發。災域五百餘里。久之山東省萊州府濰縣又發飛蝗。災域互數百里。其慘害莫可名狀。聞之老農經驗者曰。蝗蟲初生時。蛻三次。始能振飛。出土時紅色。一蛻卽變青色。再蛻變黃色。三蛻卽飛揚爲害。而不可制云。

第十六節 歷代年數及中日年號

中國疆域最大。人口最多。歷史最古。可謂特出之國。太初天皇地皇人皇之時代。所謂洪荒草昧。無由窺其人事。自有巢氏燧人氏出。事業稍見於史冊。然尙渺茫無稽。至太昊伏羲氏御宇。始開社會結成之端。至黃帝軒轅氏之世。結成告實。人事漸有可觀。中國社會史之紀元。自太昊伏羲氏登極時以至國朝。其世紀年數。試稽查之。

大古世紀

九百七十六年

自太昊伏羲氏至帝嚳高辛氏之子帝摯廢位。揭之如左。

太昊伏羲氏 在位

百十五年

炎帝神農氏 同

五百二十年

黃帝軒轅氏 同

百年

少昊金天氏 同

八十四年

顓頊高陽氏 同

七十八年

帝嚳高辛氏 同

七十年

帝摯 同

九年

上古世紀

二千一百零六年

自帝堯陶唐氏至周室滅亡。更揭之如左。

帝堯陶唐氏 在位

一百年

帝舜有虞氏 同

五十年

夏 代間

四百三十九年

殷 同

六百四十四年

周 同

八百七十三年

中古世紀

秦始皇併六國一統天下。至宋室覆亡。分別於左。

千五百十六年

秦

代間

十五年

西漢

同

二百十四年

新莽

同

十六年

東漢

同

百九十六年

蜀

四十三年

魏

四十六年

吳

五十九年

晉

同

五十二年

東晉

同

百四年

南北朝

百八十四年

隨

同

二十九年

唐

同

二百八十九年

五代

五十四年

宋

同

三百二十年

近古世紀

三百五十九年

元

同

八十九年

明

同

二百七十年

現世紀

二百三十年

自清世祖順治元年至今帝光緒二十年。歷代之年數如左。

順治

在位

十八年

康熙

同

六十一年

雍正

同

十三年

乾隆

同

六十年

嘉慶

同

二十五年

道光

同

二十九年

咸豐

同

十一年

同治

同

十三年

合計伏羲氏以來之總年數。實五千二百零二年也。

第二章 本部十八省

第一節 中國本部之位置及疆域

中國本部。所謂禹畫九州之地。屬於中國之直轄者。故又稱爲直省。古來中國人自稱中國。又曰中華。又曰華夏。妄自尊大。以爲宇內萬國之中心。凡外此者。皆以蠻夷戎狄視之。其區域。起於北緯十八度二十分。至五十三度。發於東經七十四度。達於百三十四度。滿州蒙古在其北。西藏緬甸在其西。東南臨於海。南西鄰於安南。

第二節 分域及十八省概表

本部域內。分爲十八省。各省置總督巡撫。節制軍務。管理民務。省下設府。府中置知府。同知通判等官。管理民務。府下設廳州縣。廳州縣置同知知州知縣。管理廳州縣之民務。又有不屬於府下。直隸於省下者。爲州廳。稱爲直隸州。又云直屬州。有多少縣屬其治下。至其管轄區之廣闊。與府不相上下。蓋直隸州者。設於各省四通八達樞要之地。特以督撫直接管治。中國全國十八省。府有百八十。直隸州七十六。縣千二百二十九。

州廳百四十一廳爲最少之數。今以各省之面積人口及國都北京之里程揭表於左

省名	面積 <small>方里</small>	人口	距北京之里程 <small>南 西 南</small>
直隸	四五六九四	三三八七〇〇〇	
江蘇	三四大二七	三七八三〇〇〇	二四〇里
安徽	三七七二四	三六一六八〇〇	二七〇
山東	四一八三六六	二九九八八〇〇	八〇〇
山西	四三七八五六	一四〇〇四〇〇〇	一三〇〇里
河南	三三〇六九〇	二五〇五七〇〇〇	一五〇〇
陝西	三三四九二	一〇二〇七〇〇〇	二六五〇
甘肅	九六六二八九	一五二九三〇〇〇	四〇六〇
福建	二九九六〇九	一四七七七〇〇〇	六二五〇
浙江	三〇四六五四	二五二五八〇〇〇	三三〇〇
江西	三六二六一九	二五〇四八〇〇〇	四八五〇
湖北	三三〇八二九二	三三三三〇〇〇〇	三二五

湖南	五七八三三	一八五二〇〇〇	四五五〇
四川	二九九七七	二四三〇〇〇	五七一〇
廣東	六二八二九〇	二六七四〇〇〇	七五七〇
廣西	六〇七八一	八二二〇〇〇	七四六〇
雲南	八四〇二五〇	五八三〇〇〇	八二〇〇
貴州	五〇三三六	五六九〇〇〇	七六四〇

第三節 直隸省

直隸省乃京師所在。占十八省中之首位。又領本部之北面。省城東臨渤海。南界山東。北至沙漠。西達太行。古為冀兗二州之域。戰國時燕趙齊魏所并領。及宋置北京大名府。明定都於順天府。皆此直隸地方。國朝亦因之。域內河川甚多。大小有七十餘流。如白河。運河。灤河。琉璃河等。皆其素著名者。雖然。除白運二河外。水利工程。皆不其大。頗乏舟楫之便。商旅運搬。多資於陸運車馬。地力雖饒。氣候欠良。夏熱雖微。冬寒頗烈。河水概結堅冰。冬間絕水運之便。古昔為燕趙之故地。慷慨悲歌之士甚多。今日風俗。流於鄙陋。昔日氣概。蕩焉無存。所幸者。尚存醇厚之風耳。此處物產。以高粱。菽。豆。鐵。炭。鹽。

果等類爲大宗。順天府卽北京所在。古爲燕地。至宋置燕山府。金又稱爲燕京。關山繚繞。川澤流通。土地豐沃。古有天府之稱。保定府距京城西南七十里。卽直隸省城所在也。重山西峙。羣川東匯。商賈往來。百物雲集。風俗頗醇。民務農桑。有風蕭蕭之易水。有燎衣麥飯之滹沱河。二峯聳立於霄漢。爲堯縣之馬耳山。卽唐堯之城址也。永平府在京城城東八十里。明初置永平府。地勢險要。民俗勤儉。灤河發於塞北。合於漆河。過桃林口會諸河入於海。濱海之地。鹽田甚富。開平炭鑛頗著。山海關在府之東界。卽滿洲之咽喉。京師之門戶也。萬里長城起於其北。河間府在京城南六十里。介於滹沱河高河之間。故有河間之名。爲水陸衝要。送糧之徑路。物貨出入往來者。絡繹不絕。風俗雅美。士尙經術。民務農桑。紅杏園在獻南之西。乃河間獻王之宮址。景州爲隋之古塔。有開福寺。廣川之董家里。若詩佛之賈島村等。名跡頗多。天津府在河間府之東北五十里。正定府在京城西南九十里。明置眞定府。國朝改之。土地廣闊。人物蕃衍。順德府在京城之南百四十里。爲戰國趙地。乃河北之樞紐。河東之屏障。圓通寺之高塔。在南和縣。昔爲秦之鉅鹿郡。項羽破釜沈舟之處也。大名府爲古之魏州。宋置北京大名府。前明及國朝因之。在京城之南百六十六里。九河綿絡。四塞沃饒。民俗頗致力於田疇。開

州之南。有黃河之古金隄。瓠子口在其州南。廣平府。在京城之南百四十里。土地廣。事務繁。俗頗醇厚。昔爲秦之邯鄲郡。今尙有邯鄲縣。縣北有呂僊祠。宣化府。在京城西北五十里。其地近於邊疆。爲塞外之要口。風俗素稱勤儉。順德府。風俗最醜穢。其他有直屬之易州、遵化州、冀州、趙州、澤州等。

第四節 江蘇省

江蘇省以江甯府爲首府。占揚子江之下游。省城東濱於海。北接山東。西錯安徽。南連浙江。大貫江南。洋洋於高郵洪澤二湖域內。大小河川。縱橫羅布。地味肥沃。物產豐阜。富米鹽魚。爲其大宗。風俗非無勇悍。而奢惰者居多。氣候順適。夏熱稍盛。冬寒頗輕。古爲揚州之地。春秋爲吳越。戰國爲楚。三國之吳。東晉及宋齊梁陳。皆都於建康。卽今江甯府也。隋置江都於廣陵。明爲直隸府。國朝分爲江蘇安徽二省。江甯府。兩江總督所在地。卽明之故都應天府也。又稱南京。頗據地勢。大江連於重嶺。土地遂闊。民物繁庶。物產豐盈。其俗雖多才能。亦不免輕薄之風。蘇州府爲本省省城所在。古爲吳地。隋時爲吳州。唐時爲蘇州。明及國朝謂之蘇州府。其地多江湖。沃饒繁盛之處。巨商大賈。雜處其間。人情除上海以外。皆溫靜不獍。府城爲吳王之舊都。其東門謂之胥門。蓋因

伍子胥之故事也。其有名之楓橋。在城西一里。隔寒山寺十六丁。南北往來。必經此地。虎邱山。在城西北。頗擅一州之勝。有天平山。有費山。靈巖山。在城之西南。瞰太湖。望洞庭。亦形勝之區。城西六里。有姑蘇山。尙餘姑蘇臺故址。昔爲吳王闔閭所居者。太湖中有洞庭山。他如明月灣。長洲苑等。勝景不一。太湖爲禹貢之震澤。爲五湖之一。松江府。卽上海縣所在。平疇曠野。一望無際。除上海以外。風俗善良。常州府土厚水深。山高河清。俗侈訟繁。鎮江府詳於二十五港。部鎮江條下。揚州府。明初爲維海府。繼改爲維揚府。又復爲揚州府。乃當時風月繁華之地。綠楊城郭。十里珠簾。人心爲之放蕩。故有腰纏十萬貫。駕鶴上揚州之句。今雖大非昔比。然煙花之習。猶存。地勢重江複關。四方會達。俗耽奢侈。佚情成風。商民雜處。事務頗繁。徐州府。春秋宋國之地。戰國時屬於楚。項羽自稱西楚霸王。卽定都於此。泗水發源山東。過沛縣。至府城東北。會於沛水。達於淮。汴水自河南而來。由府城東北。通於泗水。此爲漢高起義之處。古蹟不勝枚舉。風俗儒雅。質直剛勇。淮安府。爲陸路之要衝。風俗勇悍。士尙氣節。其他猶有直屬之通州。海州及太倉州等。

第五節

安徽省

安徽省。以安慶府爲首府。省城北接河南江蘇。東接長江洪澤。西以沃野連於豫楚。南則連山重疊。地力頗饒。氣候雖良。物產欠豐。僅足供給本省。風俗節儉。時出俊秀之士。安慶府春秋爲皖國。宋以來名安慶府。大江環府城三面。太湖自太湖縣西流東南而入大江。沙河亦由西南而流。至沙橋渡。分而東流。入皖水。達大江。謂之皖口。水源有皖山。與潛山天柱相連。巒嶂層疊。爲長淮之障蔽。有鹹湖。多產鹹魚。小孤在縣南十七里。江水隘東。山下頗深險。桐城縣東有浮山形勝。其地風俗清雅。嫻於容儀。徽州府四圍環山。土地頗廣。宋元爲徽州。國朝置爲府。黃山在府城西北十七里。峯水溪澗頗多。松蘿山。時立休寧縣之東。松蘿紛錯。秋色尤佳。西有白嶽。頂上池。西有仙居石室。其風俗儉樸。產墨硯茶等。寧國府。國朝始置之。地廣人繁。閭里殷闐。池州府。古爲豫章之地。唐宋名池州。明及國朝皆謂之府。其地界於江濱。風俗敦厚。西南有秋浦勝景。長十二里。關四里。四時風景。宛如洞庭瀟湘。太平府。爲古之當塗。明及國朝置太平府。濱江。土味膏沃。最宜種植。風俗端雅。蕪湖卽屬於此。廬州府。爲周盧子國之地。隋唐爲廬州。明及國朝置爲府。當七省往來之衝。車馬絡繹。俗重農賤商。鳳陽府。爲古塗山氏之國。明初爲中立府。定爲中都。太祖建業之地也。風俗敦厚。崇尙古道。潁州府。唐始名潁州。明及

國朝置爲府。西湖在府城東北。汝水發源於汝州。東流至潁南。入淮水。其他直屬六安州。有三灄山。三灣港。梅子嶺等名勝。直屬泗州。有三臺山。三峯鼎峙。其中可坐十萬衆。又有平原。泗州漢初屬淮南國。北齊名和州。北有烏江浦。爲項羽敗死之地。又會山縣。東南有曹操止軍士渴之梅山。州南梁山。與大江南岸之博望山相峙。殆爲門戶之勢。又有滁州。廣德州。

第六節 山東省

山東省。以濟南府爲首府。省域東突出於海。西界河南。南接江蘇。北連直隸。東北隔於山東海峽。與滿洲盛京省相望。夙稱形勝之區。古爲青兗二州之地。漢置刺史。兗治於昌邑。青治於臨淄。元明置治所於濟南府。國朝則爲該省首府。域內乏水利。僅與運河黃河相貫。黃河古多水患。地力不肥。亦不甚瘠。氣候頗適。民俗勇直。物產不甚豐饒。惟絲、綳、氈、布、馬鈴薯、阿膠等爲著名。濟南府爲山東巡撫所駐紮。當京省大路。漕河之運河。民業牛屨織作。此爲戰國時齊地。又爲漢初之濟南國。明始置爲濟南府。國朝仍之。府之南有歷山。昔虞舜所耕者。大小清河與黃河共東流。入於海。泰安府爲中樞要地。民俗樸厚。好詩書。漢時屬於泰安郡。隋時謂之岱山。汝陽。唐改爲泰州。明屬之濟安府。

國朝始置泰安府。泰山在府城北。卽東嶽岱宗是也。武定府在濟南府東北十里。臨河沿海。爲通京大路。春秋時爲魯國。今猶有純美遺風。曲阜南有洙水。泗水在其北。孔子居洙泗間。至聖廟在城西一里之魯城內。卽孔子所居闕里之故宅。門廡齋宮碑碣幾難勝計。沂州府與兗州府之東五十二里。爲沂海之要區。淮徐之險隘也。風俗樸素。而剛勇好勝。蒙山去費縣之西北十里。在魯國之東。謂之東山。孔子登東山而小魯。卽此山也。曹州府距南海。扼魯宋之間。爲繁劇之區。漢高卽位於汜水。舜之生地姚墟。戚姬村。孝子村等故地不乏。東昌府爲淮水漕運之區。俗尙質直。四民具有勇氣。會通河。派由兗州。至臨清縣。入衛河。其地河流。平時乾涸。不通舟楫。而屢患氾濫。青州府。春秋時爲齊國。漢爲北海。魏爲益都。隋唐爲青州。明及國朝爲青州府。地肥物裕。民務農桑。士崇學藝。性情剛復。登州府古爲嶠夷。江淮之門戶。濱海之要區也。四面環海。風俗尙簡。僅西南一隅。接萊州府。沙門島在府西北九里。渡遼東之船舶。必錨泊於此。以避風濤。又城北海面。春秋二候。復現城郭樓臺幻影。土人謂之海市。蓋蜃氣樓也。萊州府古爲萊夷。亦濱海要區。沙邱又有卽墨等古城趾。

第七節

山西省

山西省以太原府爲首府。省城西有大行峻嶺。糾紛南北。北有恆山五臺擁衛。西南黃河環流。地高土瘠。道路險阻。不便交通。氣候雖佳。民計甚艱。俗尙樸實。有敬上之風。而嗜煙特甚。本省人在他省者與廣東人同。術工射利。皆能致富。蔓延宇內。物產以鹽、鐵、汾酒、阿片、皮類爲大宗。太原府四塞要衝之地。冠蓋絡繹。民俗慳吝。平陽府古爲堯都。襟山帶河。有奮志功名。不事產業之風。有姑射山。莊子所稱神人之居。時府城西有豫讓橋。乃豫讓伏而窺簡子之處。有介山。乃介之推隱逸處。蒲州府在平陽府西六十里。古爲舜都。明朝謂之蒲州。國朝置爲府。民俗樸實。而好學。有首陽山。又有媯汭二水。故蹟潞安府。古爲赤狄潞子國。後周以來。有潞州之名。明之嘉靖。置潞安府。國朝因之。地勢控山環河。風俗敦厚而尙禮。有產釀。曰潞酒。汾州府卽汾陽地。地勢風俗與潞安略同。產汾酒。大同府春秋時北狄所居。爲邊疆要地。俗尙勇。不知文。聳立於渾源州南。恆山卽北嶽也。又云玄嶽。上有玉華峯。形如削玉。極秀麗。寧武府在朔州南。地勢風俗略與大同府同。朔平府夙稱險要。民秀俗良。耽奔競。務耕耘。直屬平定州。在太原府東西十里。忻州在太原府北二十三里。代州在大同府東北五十里。保德州在大同府西北七十三里。解州在平陽府西南四十八里。絳州在平陽府南二十四里。吉州在平陽府

西三十八里。隰州。在平陽府西北四十里。又有沁州。遼州。同在此方。

第八節 河南省

河南省。以開封府爲首府。省域東控淮陽。北連趙魏。西有成臯。洛陽之固。南撫汝鄧。陳蔡之饒。古以此爲天下腹地。地味豐饒。氣候佳暢。風俗樸素。汴梁以南。人多狡侈。物產以絢絲。綢。錫。果。類爲大宗。其地古爲豫州。明朝置布政使司。治開封府。國朝遂因之。河南置巡撫。開封府爲禹貢兗豫二州之城。春秋爲鄭衛陳之境。元謂之汴梁。明及國朝名開封府。爲水陸交衝之區。漕駟河堤事務。共屬緊要。風俗醇良。士修經術。民務農桑。汴之故宮。在府城正北。就此建親王府。古來爲池苑游賞之佳地。鄭水發流於州之東北。田千餘頃。資以灌溉。餘水入汴。發源於滎陽縣之大周山。東南流至中年縣。北流入黃河。黃河之金堤百五十餘里。歷代修築以防患。若一決則淮南千里。悉成魚鼈。陳州府在開封府東南五十里。四通八達。五方雜處之境。俗尙質素。重節義。古爲陳國。孔子絕糧處也。府南築有厄臺。歸德府在開封府東五十里。平衍四闢之區。風俗敦厚。代出碩彥。春秋爲宋地。明始爲歸德州。國朝改爲府。彰德府乃戰國魏地。五代爲晉之彰德。府城西南有寶山。多產白石。作陶器。萬金渠發源於此山。溉田數十里。臨漳縣有銅雀

臺九華宮故墟。在太行山之府境三十餘里。羣山崔巍。起伏萬狀。隱然爲中土巨鎮。衛
輝府。山河襟帶。土地饒沃。民俗柔惰。府西北有蒼山。產珉石。懷慶府。山川綿互。俗尙任
俠。民風質樸。太行脈走其北境。泌河發於泌州。穿太行。達濟源。經武陟。入黃河。餘水東
流。至武陟。北流入御河。溉田二千餘頃。胡峩山。居人多姓胡。濟南縣北有盤谷。韓退之
送李愿序。取其幽勝。河南府昔爲成周之地。當洛水北。故云洛陽。洛水發源於冢嶺山。
東入黃河。伊水。瀍水。澗水等。皆會於洛水。此居天下之中。名山大川。列爲門戶。實虎踞
龍蟠之地。俗尙商賈。民性安舒。關邵雍。杜鵑。梁天津。橋於府城外。洛水爲僧寺之濼。鶴
白馬寺。在府城東北。邙山綿互於城北。山脈六十餘里。東漢諸陵。唐宋名臣之墓。多在
焉。嵩山爲五嶽之中。跨登封縣北。其他不乏。歷代有名之故蹟。南陽府。據荆襄上游。政
事尤繁。然民務本業。重詩書。風俗馴良。臥龍岡。起於嵩山南麓。綿互數十里。諸葛草廬。
卽築於此。山下平原數十里。爲孔明所耕之地。唐縣東南有桐柏山。淮水出其麓。爲天
下四瀆之一。汝寧府。春秋爲沈蔡之地。地勢險隘。風俗不良。民性鄙吝。沙河卽九曲河。
在府內大川。黃山。桐柏山。爲域中大山。其他直屬許州。在開封府西南四十六里。陝州。
在河南府西南十三里。有函谷舊關。光州。在汝寧府東四十三里。汝州。在南陽府北五

十三里。

第九節 陝西省

陝西省。以西安府爲首府。省城西界甘肅。南通楚蜀。黃河割其東。長城繞其北。山河四塞之地。地味饒沃。北部雖氣候不佳。而域內氣候。大概中和。俗好俠。善商賈。物產豐阜。鹽、羊、藥材、麻等。其大宗也。古爲雍州。自宋以來。始名陝西。及國朝分爲陝甘二省。西安府。四塞天險。五方雜處之地。風俗不一。此爲漢唐故都。長安遺跡極多。未央宮、柏梁臺之故址皆荒廢。立都章臺之桃柳。滿城觸目。最足動人感慨。渭水流於北。霸流奔於東。府南七里有終南山。渭南上林苑中。有阿房宮遺蹟。屬咸陽縣東。貴妃自縊之馬嵬坡。在興平縣西。臨廣縣西南。有坑儒谷。昔韓文公所賦之秦嶺。在藍田縣。藍田關。爲秦之饒關也。其他名跡。不可勝舉。大同府。爲西蕃密邇之區。風俗不良。民氣剛勁。力於農事。韓城縣東北。有龍門山。黃河至此。奔騰澎湃。唐時以鐵牛八。維其浮梁。鐵牛渡。在朝邑縣東河岸。太華創立於華陰縣南。此謂西嶽。縣東三里有潼關。鳳翔府。地勢險阻。土力肥美。風俗忠厚。士尙儒雅。岐山山勢。分爲兩歧。在岐山縣。寶雞縣有石鞍山。和尙原在大散關東。方山原。有隴關之要害。郿縣西有五丈原。漢中府。實爲秦蜀咽喉。漢水南流。

合於沔水。東爲漢江。至湖北漢陽府。會長江。府南有漢山。西鄉縣南有巴山。西接四川。沔縣東南定軍山。有諸葛廟。褒城縣東北有褒谷。出雲棧直至斜谷。長六十里。金牛峽始通於蜀。洛陽縣西南有嘉陵江。出大散關。西南流至四川之重慶。延安府爲五路之要塞。風俗勤儉。黃河流於東北。宜川縣北中流有孟門山。扼黃河之流勢。榆林府地當邊要。風俗果敢。興安府居吳越之際。風俗不良。賦稅極少。其直屬之商州。在西安府東南四十里。乾州。在西安府西北三十六里。大白山。峙於武功縣南。雪色皓然。峯巒秀傑。鄜州。離西安府五十里。古爲西戎之幽國。興安州。在漢中府東南九十餘里。鄜州。在延安府南二十八里。蜿蜒於長城西南。奔馳於三川州南。綏德州。在延安府東北五十四里。秦扶蘇所築朔方塞。在無定河東岸。

第十節 甘肅省

甘肅省。以蘭州府爲首府。省城北據長城祈連。距於沙漠。西界西傾山脈。隣於青海。南則岷山武都。接於四川。東則大白吳紫。錯於陝西。黃河本支。錯流域內。山巒縱橫。地味肥沃。氣候順適。風俗樸魯。物產豐饒。鹽、金、銀、皮類、魚族。其尤著者。蘭州府爲陝甘總督所駐紮。地勢平曠。足屯百萬軍旅。昔爲秦隴西郡。漢之西羌。卽居於此。廣殖田畜。勢雄

諸族。今尙民俗勇悍。力於農事。平涼府。爲西涼咽喉。風俗未美。鞏昌府。地勢遼闊。風俗
雖樸。事務甚繁。慶陽府。風俗謹敦。寧夏府。形勢四塞。半屬夷區。大有魚鹽之利。風俗勁
直勇悍。府西十里有賀蘭山。丹崖翠峯。亘數十里。西寧府。在甘州府東南二百餘里。古
爲西羌。謂之湟中。峽口山。爲湟鄯往來之咽喉。地勢極險。漢唐以來。設此要關。此謂綏
遠關也。涼州府。在蘭州府西九十五里。本爲匈奴休屠王之地。今尙有番民雜處。撫綏
甚難。甘州府。漢以前爲月支國。被匈奴占據。環山繞水。事繁難理。風俗雖樸。民極愚魯。
其直屬之階州。在平涼府南百餘里。秦州。在平涼府東四十餘里。肅州。在甘州西七十
餘里。

第十一節 福建省

福建省。以福州府爲首府。西北南三面據山。與江西廣東接界。東南濱海。與臺灣相對。
土壤肥沃。山峯頗多。田疇甚少。粒食必仰給於浙粵。氣候順適。風俗儉約。物產以麻、布、
茶、絲、綢、蜜、糖、油、鹽爲大宗。其地古爲閩粵。漢領揚州刺史。屬會稽。唐初隸於江南道。後
福建置觀察使。福州府。爲閩浙總督所駐紮。邊徼之重鎮也。其詳述於二十五港部。福
州港條下。泉州府。爲閩越要隘。風俗仁厚。士好詩書。江有晉江、洛陽江。城東瀕海。有泉

州灣。北有湄州灣。沿海島嶼最多。寶蓋山上。石塔聳拔。入航者視爲抵岸之標識。建甯府。兵民雜處。稅務緊要。風俗秀良。庶民樂業。本府爲閩茶產地。建安之北。苑焙爲中國第一等名茶。鳳凰山與龍山對峙。兩山之泉相引。焙製龍鳳茶。東溪一名建溪。亦產名茶。閩粵最勝之武夷山。在崇安縣。溪流九曲。旋折於羣岫間。汀州府。晉爲新羅。唐爲臨汀。地接粵壤。乃巡輯私販之要處。風俗古樸。雅尙義氣。汀江南流。流於府境。經險路五百灘。至潮州。府西新路嶺。爲閩中之天界。商旅艱於通行。興化府。濱灣船隻。出入甚多。民風勤儉。比戶業儒。有木蘭水。九仙山。九鯉湖等名地。邵武府。地多狹山。致力穀田。漳州府。爲海疆要地。風俗敦厚。屬於本府之廈門港。詳二十五港部。廈門港條下。福甯府。爲山海交錯之僻地。風俗鄙陋。其他直屬之永春州。在泉州府西北七十里。龍巖州。在漳州府西五十七里。臺灣島另詳下條。

第十二節 浙江省

浙江省。以杭州府爲首府。省城東濱於海。南連福建。西接重山。北至五湖。大小江流。縱橫域內。舟楫至便。土田肥沃。氣候順適。風俗亦美。秀士良多。物產豐饒。人民殷富。雖然物產之運出。反不及他省。古爲揚州之地。漢屬會稽郡。元置江浙行省。國朝置浙江巡

據杭州府。土壤饒沃。商貨雲集。風俗秀良。戰國屬於吳越。陳謂錢塘。隋謂杭州。唐謂餘杭。高宗南渡。都於此。謂之臨安。府城東南有吳山。有伍子胥祠。又云胥山。左有錢塘。右有西湖。煙景頗佳。鳳凰山勢如飛鳳。有宋之紫禁城。在慈寧宮下。孤山爲西湖上獨立峯。有林逋故趾。岳廟在棲霞嶺。西湖周圍五里。繞湖山川秀麗絕倫。錢塘流於城東。爲富春江。爲浙江。入於海。江口有三角州。海湖折而倒流。故名曰浙。嘉興府膏土沃地。鹽田相望。耕織最盛。西麗河爲蘇杭通路。航船糾紛。乍浦在海鹽縣東北。臨錢塘灣。胡元以來。外船入津。後以日本入寇。嚴備海防。湖州府當水陸之衝。政務極繁。卞山聳立北方。高六千尺。天青無雲。得見其頂。太湖跨蘇浙兩省。湖邊產石。磊落可觀。紹興府濱於江海。風俗勤儉。物產豐饒。紹興酒爲物產一大宗。有越王臺。有禹陵。又有禹廟。臺州府東接重洋。海防最緊。民俗儉樸。漢初屬於東甌。唐始名臺州。大陸兩端。突出海中。內爲臺州灣。金門山。臺州島。在其灣外。天台縣西有天台山。山路計一萬八千丈。環百二十餘里。山上方廣寺。最著名者也。金華府在越之西界。土田肥沃。俗好剛銳。往往傷害人命。衢州府爲越之西鄙。查察紛繁之處。名爛柯山。又云石室。昔樵夫王質觀仙棋處也。嚴州府宋始名之。民俗安輯。訟獄稀少。處州府漢初爲東甌之地。羣山環拱。地瘠民貧。

寧波溫州二府。詳於二十五港部各條下。

第十三節 江西省

江西省。以南昌府爲首府。三面負山。一面瀕江漢。吳楚閩粵相交。一省有五門戶。四鄰有事。每被兵災。氣候順適。民俗勤固。土雖不肥。物產頗裕。磁器、茶、麻、紙、筍。爲其大宗。南昌府。土廣人衆。水路四通。古時吳楚相交。南唐遷都於此。謂之南昌。章江由豐城而來。與富、詔、漣諸流相合。折入鄱陽。饒州府。環山繞水。土地豐沃。春秋爲楚國東境。秦謂之鄱陽。漢謂之豫章。隋唐宋皆名饒州。鄱江流於城南。會諸水。至於西北。復二分而入鄱陽湖。鄱陽湖一名彭蠡湖。有康郎山屹立南涯。廣信府。五方雜處。俗近質樸。鉛山縣有鳶湖山。山下有湖。湖中生荷。所謂鳶湖山下稻梁肥是也。南康府。背山面湖。土瘠民貧。建昌府。山水清高。幅員廣闊。風俗勤固。產麻姑酒。撫州府。土地平衍。人民稠密。有汝水一名肝水。由建昌而來。會諸水入鄱陽湖。舟車四通。風俗馴良。又有清江卽贛江。由吉安而來。合諸水入於南昌。吉安府。土廣民稠。事頗繁劇。民俗敦厚。多尙儒雅。瑞州府。地勢險要。俗不甚良。蜀江發於袁州。合於贛江。過府城。會象潭。入章江。袁州府。閩里蕭條。民務其本。秀江流於城北。下流入臨江府。合於章江。贛州府。爲閩粵咽喉。江湖之管鍵。

也。俗勁直向義。章貢二水相合。故謂贛江。流於城北。向於萬安。其間有十八險灘。寧都府。山川雄秀。幅員廣遠。北有梅嶺。南安府。通東粵爲門戶。俗尙質樸。率章江衆水入於贛江。大庾嶺。聳立府城西南。當五嶺之最東者。山上梅樹繁殖。故云梅嶺。九江府。詳於二十五港部條下。

第十四節

湖北省

湖北省。以武昌府爲首府。沿於揚子江流。省城西峙三峽。北帶漢水。南臨洞庭。北接河南。爲中原輿樞之區。南北必爭之地。氣候和順。地味頗沃。風俗勤惰參半。物產足於自給。其重者麻、棉、茶、絲等是也。古爲荊州。宋名荊湖。元明謂之湖廣。國朝分湖爲南北。武昌府。爲湖廣總督所駐紮。五方雜處。頗見繁盛。風俗好勇。赤壁山在江之北岸。與烏村相對。大坡山聳於興國之東。其地產茶。謂之坡山鳳髓。其他有鐘山、閻閻山諸脈連亘。漢陽府。帶湘溪。接巴蜀。俗勇悍。民多以農漁爲業。府城隔大江。東界武昌府。隔漢水。接漢口鎮。大別山聳峙城之東北。爲漢水右岸。山上有禹王廟。諸水環流。會於漢水。入於江。安陸府。爲水陸衝衝。舟車紛紜。民俗勤儉。士風頗盛。襄陽府。與鄖陽、荊門相並。爲全省重鎮。風俗驕奢。人多狡猾。隆中山麓。諸葛故宅在焉。西有避暑臺。爲昭烈帝故蹟。鄖

陽府。山川扼要。四達之區。民性樸實。德安府。爲周時荊州之澤藪。雲夢之地。其有陝隘者。有空關者。道路崎嶇。旅人易入歧路。黃州府。連雲夢。負大江。俗甚鄙樸。赤壁山在城西北。屹立江濱。直如截壁。壁色皆赤。故名赤壁。東有蘇東坡故居。荊州府。爲湖北上流之重鎮。水陸四通。施南府。與巴荊交界。地屬苗疆。瘴癘頗劇。沙山石岡。艱於種植。民俗惡劣。淫風流行。宜昌府漢口鎮。詳於二十五港條下。

第十五節 湖南省

湖南省。以長沙府爲首府。省城北控羣山。西擁連嶽。南峙五嶺之險峙。北列大金之脈。域內水脈。縱橫不一。土田肥沃。夙稱米粟天府。氣候溫和。風俗慄悍。而士林輩出英器。物產以赤金、鐵、炭、麻布爲著名者。長沙府。五方雜處。頗形富庶。湘水環於府城。合衆流而入洞庭。汨羅由屈潭入湘江。又有三十六灣水。紛流府內。岳州府。南極瀟湘。北通巫峽。風俗質直。在周爲三苗。三國時爲吳重鎮。劉宋名巴陵。隋唐名岳州。又曰岳陽。長江流於城西北。合洞庭諸水。又合大鯨水。洞庭在府城西南。匯沅漸元辰敘西澧資湘九水。又名九江。岳陽樓卽府城門樓也。南有青草湖。水漲則合洞庭爲一湖。水涸卽生青草。故云青草湖。寶慶府。屬於苗疆。風俗猛戾。言必踐行。衡州府。亦係苗疆。風俗尙良。有

衡山在衡山縣西。爲五嶽之一。盤繞百二十餘里。有七十二峯。十洞。十五巖。三十八泉。二十五溪。九池。九潭。九井。誠勝境也。常德府。五方雜處。爲八省通衢。民俗和順。有勤慎之風。武陵桃源。卽在該府桃源縣。辰州府。古爲蠻夷。今尙有獠獠雜處者。乃楚之邊境也。農田共力合作。有連至數十萬家者。辰水過城東。合沅水。西南流於常德。沅州府亦係苗疆。風俗不良。永州府爲楚之南境。苗民雜處。控御不易。幸民俗不甚惡。湘水流其城北。至於湘口。合於瀟湘。河水清澄。十尋之底。歷歷可見。永順府地勢堅固。四通八達。風俗頗佳。男女偶耕。其直屬之澧州。在岳州府西八十四里。州內水道頗多。桂陽州。在衡州府東南四十餘里。傍有靖州郴州。

第十六節 四川省

四川省。以成都府爲首府。中國本部之最西部也。省城西連西藏。南界雲貴。東接湖廣。北控陝甘。羣山爭秀。衆川競流。土肥物殷。足稱天府。氣候南北不同。西南溫暖。西北寒涼。物產如金、銀、鐵、炭、油、鹽、絲、茶、竹、木、綢、綾、麻、糖、藥材、紅花、白蠟、桐油、阿片等。其大宗也。俗概溫和。有伶俐之風。其地古爲梁州。蜀漢卽都於此。唐置劍南道。宋爲四川路。元置四川行省。成都府。山河重關。水陸交衝。土地豐沃。風俗良善。誠不愧爲蜀中之名都。昔

爲極繁華之地。明末罹張獻忠之亂。大被焚掠。元氣未復。然今尙爲全國之大都會焉。市衢輻輳。人民攘熙。有轂擊肩摩之狀。岷江爲揚子江之上流。名汶江。穿江路。通於成都。甯遠府。爲蜀省咽喉。風俗誇詐。保甯府。爲蜀中險要。氣候溫和。風俗稍良。嘉陵江。發於陝西。過劍州。至府南。有閬巴渝漢之稱。巴山十二峯。爲天下之絕險。兩壁峭聳。隘束之處。諸葛亮曾立劍川。關於此。有巴江。水勢如巴字。合流於嘉陵江。順慶府。地脈肥甘。民多務農。山河風物。頗形幽靜。敘州府。貢山濱江。府城與岷江之金沙江相會。岷江一名蜀江。金沙江又名馬湖。又名蘆水。夔州府。爲荆楚要道。風俗馴良。巫山險脈。崖懸千仞。如巫字狀。峭立江濱者十二峯。瞿塘峽在府城東。兩崖對立。遮掩天日。一江奔流其中。連亘百餘里。所謂三峽之險是也。瞿塘實當其峽門。綏定府。民俗秀野相半。龍安府。塞扼險要之地。俗尙質直。而務農。瀘川府。秦漢稱爲梓潼。地味潤澤。百姓繁盛。民俗專務耕耨。嘉定府。水陸交衝之區。風俗良美。峨眉縣西南。有峨眉山。周百五十餘里。雅州府。爲通西藏之咽喉。土脈苦寒。民計甚艱。其他直屬之資州。在成都府東四十餘里。綿州在成都府東北三十五里。茂州在成都府西北八十里。忠州在重慶府東十里。邛州在嘉定府西六十里。尙有西陽州。達州。眉州。瀘州等。重慶府詳於二十五港重慶條下。

第十七節 廣東省

廣東省以廣州府爲首府。省城東界七閩。南臨南海。西接廣西。北據五嶺。西北連於湖南。古爲百越之地。唐置嶺南道。宋爲廣南東路。元爲廣東道。土地廣遠。又極肥沃。水運所在。無不通達。氣候不良。恆多風溼。俗甚悍猾。巧於射利。跋涉地球。無不占其餘潤者。山地風俗稍樸。物產以麻布、絲、綢、蜜、糖、油、鹽、葵扇爲最著名。廣州府詳於二十五港部。廣州條下。韶州府與江潮爲唇齒。粵之咽喉也。俗尙勤儉。惠州府形勢險要。風俗特異。男則安於坐享。女則勞於奔走。有禮湖羅浮等勝地。潮州府連閩安境。士篤文行。俗喜奢華。練江發源於閩。過永定大浦爲汀江。自府東入海。江口有汕頭。肇慶府三江要口。屏蕃五州。風俗溫和。民物饒裕。高州府負山濱海。嶺南要地。民俗務農。崇儒重學。廉州府古爲南粵。亦濱海要區。物產豐阜。廉江卽南流江。由廣西至城北爲五江。入於海。府東南之海面爲珠母海。產珍珠。雷州府平野沃田。風俗敦厚。瓊州府及北海詳於二十五港條下。其直屬之廉州。在廣州府西北八十里。嘉應州。在潮州府北。羅定州。在肇慶府西。

第十八節 廣西省

廣西省以桂林府爲首府。省域東連湖水。南控交趾。西接雲貴。北踰五嶺。襟帶三江。城內廣闊。多屬獠獍之地。故人口甚寡。氣候不良。瘴氣紛集。風俗雖樸魯。而獠獍之地。不免榛狉之習。產物無多。惟竹、木、硃砂、銅、鐵爲大宗耳。桂林府。戰國時楚粵相交。控扼蠻荒。風俗尙不浮靡。湘灘二江。發於興安。分派南北。南謂之灘。入於梧州。北謂之湘。至於永州。灘一名桂江。柳州府爲諸蠻兵民相雜之區。俗阜物庶。民良訟少。柳江一名潯水。合衆水。東流至於廣州。入於海。慶遠府爲漢之交趾。日南之界也。亦獠獍所雜居。民俗儉直。思恩府。苗民雜處。控御頗難。視財帛若性命。泗城府惟有凌雲一縣。接於苗疆。水土甚劣。瘴毒更劇。平樂府。殷富之地。商旅雲集。民獠雜處。絕少禮文。梧州府爲蒼梧之地。廣西之咽喉也。民俗樸質。務於耕耘。有桂江、藤江二水。江岸鱉魚最多。潯州府依鬱黔二江。當水陸要衝。地瘠民貧。風俗馴良。南甯府地隘民貧。俗惟耕種。太平府爲宋嶺南五寨之一。山川繚繞。地狹人稀。鎮安府峯嶺環繞。煙瘴紛披。爲苗疆密邇之處。又有直屬之隆州及鬱林州。

第十九節 雲南省

雲南省以雲南府爲首府。古爲梁州之最南疆。省域東接黔蜀。西南二方控於交趾。緬

甸。北距吐蕃。土地曠遠。林菁鬱茂。氣候不良。晴雨寒暑。頃刻激變。風俗質直。物產以金、銀、銅、翠玉、白鹽、阿片、藥材、茶、漆等爲著名。雲南府古爲滇國。控馭戎蠻之要藩也。民俗和柔。尊禮畏法。城在五華山上。五華寺之聚遠閣。係日本僧星演所建。大理府襟山帶河。地廣而險。夙有豪俠之風。有點蒼山。壁立千仞。連亘四十餘里。有洱海瀾蒼江。南流於暹羅。臨安府爲漢之牂牁郡。元收附之名阿焚。屬臨南。明及國朝謂臨安府。民俗力於稼穡。楚雄府卽宋元之威楚。明及國朝爲楚雄府。風俗樸實。潯江府土地饒沃。風俗樸質。事務甚簡。廣南府領寶甯一縣。俗樸直。民富厚。牌頭山脈起伏於府西北。蠻民設寨。棲息山上。廣西府古爲滇國之東南境。唐卽烏蠻之居。順甯府領一州一縣。曲靖府爲全省鎖鑰。盤江潤流數百里。麗江府爲蜀道之北門。其他猶有姚安、鶴慶、武定、元江、普洱、永昌、開化、東州、鎮沅、昭通、永北等諸府州。

第二十節 貴州省

貴州省以貴陽府爲首府。省域東鄰湖南。南接廣西。北西錯於滇蜀。地瘠而窄。山箐峭深。爲中國本部中之最僻地也。諺有三人無善人。三日無晴天云。則本省風俗可知矣。貴陽府雖爲一省之首府。久屬盜藪。此外有思州、思南、鎮遠、石阡、銅人、黎平、安順、興義、

南龍都勻、平越、大定、遵義諸府。

第二十一節 國都北京

直隸省順天府。是爲帝都。卽北京也。位於北緯三十九度五十七分。東經一百六十度二十八分。城郭跨大興宛平二縣。分內外二城。周圍有十里十町。人口百八十萬。內城一云包城。乃包皇城接於外城。四面建城門九座。南爲正陽、崇文、宣武。東爲朝陽、東直。西爲阜城、西直。北爲安定、德勝。城內又分八區。布列八旗。護衛皇城。正陽門內之棋盤街。爲百物雲集之通衢。西北有都察院、太常寺、大理寺、刑部等署。東北有宗人府、吏、戶、禮、兵、工各部署。并有翰林署。其他如會同館、文廟、辟雍宮、順天府署等。及各國公使館。皆在內城中。外城接內城南面。長四里。四方建城門七座。南爲永定、左安、右安。東爲廣渠、東便。西爲廣甯、西便。自永定門至正陽門之街路。爲正陽大街。乃外城中之最繁昌者。官民日夜羣集。商戶殷繁。街西有園地。其中有供皇帝祭祀於天壇、先農壇、祈年壇等之堂宇。皇城在內城中。城垣周圍有二里半。四面皆建城門。南曰天安。東曰東安。西曰西安。北曰地安。天安門東北有皇帝大廟。西有社稷壇。城西有苑地。稱爲西苑。池名太液池。古名西海子。南北半里。東西二百步許。池中有小島。南有瀛臺。池上架九竅石

橋。東西有華表。北有五龍亭。燕園、紫光閣。東西對峙。夾岸皆榆柳古槐。已閱數百年矣。又有景山小假山。神武門外女牆之內。本係煤炭築造者。山形爲五峯。高百五十尺。各峯頂上。設一小亭。以玻璃瓦葺覆。養珍禽奇獸。許衆庶觀覽。皇居卽在紫禁城內。更劃一皇城於其中。南北六町。東西八町。四面有門。正南爲午門。東爲東華。西爲西華。北爲神武。其中宮殿。以太和、中和、保和、三殿爲外朝。乾清、交泰、坤甯、三宮爲內廷。若御花園、甯壽宮、西華苑、慈甯宮、內務府、武英殿、文華殿、文淵閣、內閣等。千百無數。不可勝舉。又有南苑。在外城永定門南三十里。爲皇帝大閱之地。廣甯門外有天甯寺之高塔。西便門外。有白雲觀。北有暢春園。圓明園之御苑。圓明園者。咸豐十年之役。被英法同盟軍燒毀。其他勝地不乏。以西山爲絕境。蓋北京爲中國帝都。五方咸集之大府。街區規模。非不廣大。惟不加修繕。使堂堂道路。污穢難堪。晴則沙塵飛揚。雨則泥濘淹沒。宮殿寺院樓閣。朽壞欹斜。見者莫不有衰世之感。其地既無物產。又無特殊之製品。雖由風土之關係。實北鄰中國人乏開明之性質也。無製作伎倆。日用物品。皆仰給於他省。氣候則寒暑皆烈。春秋無溫和之天。

第二十二節

南京

南京者。遠望之如彩霞。八面八稜。重重疊疊。巍立雲表者。有名之磁塔也。宏壯華麗。足以徵前明京都之遺址。南京隆盛。概可想見。今則蕭然一舊都耳。江蘇省江甯府城。跨上元江甯二縣。爲江南三省首府。人口四十萬。府城爲六朝舊址。舊城近覆舟山。去秦淮河一里。五代時楊氏改築之。跨秦淮南北。及明更加擴拓。東盡鍾山之麓。周迴十四里。今城中隙地雖多。市街屋宇。構造亦頗閑雅。多織綢製絹之技。特稱精巧。書肆綢鋪。尤有大者。蓋此地以文華風流。足冠中國。文人墨客。往來羈留。總督署及駐防八旗。皆設於此。又有金陵機器局。金陵城爲明之都城。宏壯堅固。髮匪擾亂時。悉被蹂躪。遂致荒廢不堪。近年劉坤一奏議修築。邇來已半復舊觀。朝陽門外。有明太祖廟陵。規模偉大。星霜既久。亦既摧殘。其他著名古蹟。不勝枚舉。自髮匪亂後。大報恩寺之磁塔。亦僅留故址而已。

第二十三節 中國本部之南北

中國本部南北。大有差別。人人所知。其所以相異者。不在疆域。而在事實耳。一邦之內。同稱華夏。南北相隔。殆如異域。其故何耶。得無有當然之原因在歟。蓋古來中國五千年前。人種繁殖之初。最有勢力者。有二大人種。由南北進於中原。其由北方蕃殖於黃

河河畔者。謂之漢人種。其由南方蕃殖於揚子江江畔者。謂之苗人種。兩種衝突。至於戰鬪。漢族勝。苗族敗。中原卒歸漢族。其事情既如前所述矣。南北相爭之初。革命戰亂。經幾十百次。興王建業者。必非南人。全地主權。多爲北人掌握。南人座於敗衄之地。長受壓制。後世本部域內。合南北爲一大南人。更與塞外北人相爭。南人亦不能抗強。如宋取敗於北胡之元。滿人南進。覆朱明之國家。統制禹域。豈不奇哉。若更有北方之強者。直入長驅。張圖南之羽翼。而爲南人者。且將何以處之。某氏於南北之差別。察其實況。約有數節。今摘錄於左。

黃河邊(北)兩涯平曠。極目渺茫。殆無涯際。雖有大行山脈。不足以壓其廣漠也。揚子江兩涯(南)則異之。峻嶺層巒。前時後聳。晝有方域。河邊極乏樹木。江邊則鬱蒼繁茂。江邊多水潤。空氣溫暖。河邊則乾燥。冬寒酷烈。河邊多旱。江邊多雨。河邊無材木。構造房屋。必需甄瓦。小民艱於需用甄瓦。乃穿小邱穴居。河南陝西地方。徧處皆是。江邊饒於竹木。故得建築房屋。室內空氣流通。河邊穴居。非甄瓦密閉居住者比。住於暗處者。其氣質自黏重。乏爽利。江邊之民異之。河邊水濁。洗濯衣服器具。故皆不潔。江邊美楚。黃河兩涯。乏灌溉之便。故作陸田。種高粱蜀黍。極費勞力。揚子江邊

反之。氣候溫暖。灌溉自在。水田收穫甚豐。蠶絲茶業等物產尤富。河邊乏舟楫之利。專仰車馬輸運。江邊則不然。舟船利用極廣。河邊利少勞多。故有強建忍耐之風。江邊勞少而生活多。故有俊敏巧慧之風。

南北勝敗之理。於此當灼然矣。中國言語。通計有五十餘種。如北方滿洲、蒙古、西北西藏、南西苗子、獠、獍、之言語。皆包含在內。今僅就中央部而區別之。有江邊語（吳、楚、越、蜀）、河邊語（燕、趙、魏、秦、齊）之差異。彼此言語不相通用。即交通之最要樞機。一大障礙也。言語不統一。其人性亦決不能統一。中國國內所以不統一者。雖異心異性之人民。彼此猜忌。以致南北互抱胡越之念。然言語不通。亦一大端耳。

第二十四節 各省地之別名

各省地本有一定名稱。然平常所記於文字者。往往有異稱者。或以一地方名呼爲一省。如直隸呼爲順天。江蘇呼爲蘇州。或不用現名。仍依故稱。如四川稱爲蜀。湖北稱爲楚。又湖北四川併稱楚蜀。不通其概略。則言論之際。未免不便。今舉平常慣用者。如左。直隸稱燕京、薊州、順天、保定、北京、天津。南京稱江南、白門、白下、江甯、秦淮。山東稱濟南、齊、魯、山左。江蘇稱姑蘇、蘇州、吳。山西稱太原、晉、雁門。臺灣稱臺北。陝西稱西京、長

安、咸陽、秦、西安、終南。浙江稱上杭、餘杭、西湖、杭州、浙越。甘肅稱甘涼、玉門。福建稱南臺、閩省。新疆稱伊犁、回疆、天山。江西稱南昌、豫章。四川稱西川、蜀、成都、容城、棧道、峽門。廣東稱廣州、東粵、珠江、嶺南。雲南稱滇池、滇、麗江。安徽稱安慶、淮南、皖北。貴州稱貴陽、黔、苗疆。河南稱京東、汴梁、開封、豫。湖北稱武昌、江夏、楚荆。關東稱盛京、遼東、奉天。湖南稱長沙、星沙、湘。上海稱上洋、申江、滬尾。廣西稱桂林、西粵。揚州稱維揚。漢口稱漢鎮、漢皋。重慶稱巴、渝、川東。

第三章 二十五港

第一節 各港總表

今中國之公開貿易港。總數計二十五。各港之管轄經緯度、人口、開港年月、及最近之貿易總價額列表於左。

港名	管轄	經緯度	人口	開港年月	貿易總價額
上海	江蘇省松江府上海縣	三二一五〇〇	六〇〇〇〇	道光二十二年	一四九一七八
漢口	湖北省漢陽府漢陽縣	三〇三〇〇〇	七〇〇〇〇	千八百六十一年	三八四八五二
天津	直隸省天津府	二七三〇〇〇	六〇〇〇〇	咸豐十八年	三七〇四八五

廣東	福州	甯波	重慶	九江	蕪湖	鎮江	宜昌	芝罘	牛莊	溫州	廈門	汕頭
廣東省廣州府	福建省福州府	浙江省甯波府	四川省重慶府	江蘇省九江府	安徽省太平府	江蘇省鎮江府	湖北省宜昌府	山東省登州府	盛京省奉天府	浙江省溫州府	福建省漳州府	廣東省揭陽府
一三三〇七二〇	二六〇二二四〇	二九四九〇〇〇	〇七〇二三五〇	二六〇八〇〇〇	三二一八〇〇〇	三三二一〇〇〇	三〇四九〇〇〇	三九三五〇〇〇	四三三五〇〇〇	二八〇一〇〇〇	二四四〇〇〇〇	二六三三〇〇〇
八〇〇〇〇	六〇〇〇〇	六〇〇〇〇	五〇〇〇〇	五三〇〇〇	七八〇〇〇	三三〇〇〇	三五〇〇〇	二六〇〇〇	一〇〇〇〇	一〇〇〇〇	九六〇〇〇	四三〇〇〇
道光二十一年	道光二十二年	同	光緒十七年	咸豐十年	千八百七十六年	咸豐十年	千八百六十年	咸豐十年	同	千八百七十六年	道光二十二年	同
四五九五七〇九二	二〇三〇〇八〇	二八七三三〇四	二八五四七二三	一三八四三六八〇	一〇三三三〇五四	一五八二五四〇〇	三九三九三三一	二三八〇〇四七四	一七〇六四七三	六三九八七六	一〇七七二五八	二六三二二三八

第三章

三十

商務印書館印行

九龍	廣東省廣州府	二二二〇〇〇〇〇〇〇〇	五〇〇〇		二二八九七三
北海	廣東省廣州府合浦縣	二一九二〇〇〇〇〇〇〇〇	二五〇〇	千八百七十六年	四一〇一七三〇
瓊州	廣東省瓊州府	二〇〇〇二二六〇〇〇〇〇〇	三〇〇〇	同上	二〇七九六六
龍州	廣西省	二〇九四八〇〇〇〇〇〇	—	千八百八十九年	
蒙自	雲南省臨安府蒙自縣	二〇六四五〇〇〇〇〇〇	一〇〇〇	千八百八十六年	
安平	福建省臺灣府臺灣縣	二〇三三六〇〇〇〇〇〇	二〇〇〇	千八百五十八年	二七四六四六
打狗	福建省臺灣府鳳山縣	二二二四九〇〇〇〇〇〇	二〇〇〇	千八百六十三年	
淡水	福建省臺灣府淡水縣	二二〇二二七〇〇〇〇〇〇	—	千八百五十八年	五三六五〇四
雞籠	福建省臺北府淡水縣	二二五〇一〇〇〇〇〇〇〇〇	一〇〇〇〇	千八百六十二年	

第二節 各港大別

各港之部位大有區別。即北部、揚子江沿岸、南部、臺灣島、陸上貿易港之五部也。

(一) 北部諸港。即牛莊、天津、芝罘、三港。爲渤海灣內對峙之勢。而北部地方物產甚乏。富商亦稀。風俗樸魯。貿易事業不甚慣熟。又缺運輸交通之便。故不能如南部商業之

盛大天津爲北京咽喉芝罘爲北門管鑰牛莊爲通滿州之要津西伯利亞爲貿易之通衢。非可忽也。

(二) 揚子江沿岸諸港。卽上海、鎮江、蕪湖、九江、漢口、宜昌、重慶、七港。皆國內至富至重之區。而以上海爲最。漢口亞之。乃內外物品。輸積分運之主府。故富商巨賈。盛營商業於該處者。儼然對於六港。大有勢力。重慶開港日淺。不能與漢口相抗。以位置之樞要。察之。將來可並漢口。爲雄視東西各方之商鎮。其他諸港。皆散點其間。共領一部之要。以維全部活動之通脈。

(三) 南部諸港。卽甯波、福州、溫州、汕頭、瓊州、北海、九龍、廣東、福州、九港。夙與外國通商。貿易事業。頗有經驗。商民之機括亦敏捷。足爲全國之冠。加以物產豐饒。工業日進。而商運更有駁駁然不可及之勢。

(四) 臺灣島諸港。卽淡水、雞籠、打狗、安平、四港。土地肥沃。物產豐饒。亦將來可興之港埠也。

(五) 陸上貿易港。卽龍州、蒙自二港。如廣西、雲南之陸上貿易。因法領安南開有市場。其利專爲法國所據也。

第三節 中日條約港

碧眼虬鬚。萬里遠來。開拓貿易區二十五港。新海關更。大抵為其占領。舊海關。亦有半稅之特約。可謂占貿易上十分之地步矣。而碧虬兒尙不厭足。更於珠江近岸。公開新港。數年來。頻畫何策。日本見外人布此勢力。亦起貪心。於是有條約港十五處。即上海、鎮江、漢口、九江、甯波、天津、牛莊、芝罘、福州、廈門、汕頭、瓊州、廣東、安平、淡水。其他乃日本商人不得出入貿易。十五港中。除上海外。皆甚蕭然寂寞之區。漢口固為物貨集散之主府。更為日本輸送物品之主要。對於海產物。尤為緊要。日本政府。先年既撤去其領事。商民所在。若昏夜失燈。迷惘不知所措。故年來日本人處處鑽營中國者。當深思之。

第四節 駐紮各港之各國領事

今中國各港。所駐各國領事。副領事。及領事代理。列表於左。

港名	國名	領事	副領事	領事代理
牛莊	日本	領	副	
天津	德	領	副	
芝罘	美	領	副	
	奧	領	副	
	法	領	副	
	丹麥	領	副	
	比	領	副	
	英	領	副	
	意	領	副	
	葡	領	副	
	俄	領	副	
	西	領	副	
	巴西	領	副	
	布哇	領	副	
	秘魯	領	副	
	魯	領	副	

淡水 臺灣 北海 瓊州 汕頭 廈門 福州 甯波 宜昌 漢口 九江 蕪湖 鎮江 上海

總

領 領 領 總 領 副 副 領

副 副 代 代 副 領 領 領 代 總

副 副 副 副 副 副 副 代 總

代 代 領 領 領 領 領 領 總 總

領 領 代 代 代 領 領 領 領 總

代 副 副 副 代 領 代 總

代 領 領 副 領 領 領 總

領 領 領 領 領 領 領 總

領 領 代 代 領 副 領 領 領 領 總

代 領 總

領 副 總

領 代 領

副 副 總 副 代 總

第三章 三十一 商務印書館印行

澳門	香港	龍州	蒙自	廣東
	領			領
領	領			領
	領			領
	領			副
	領			領
總	領			領
副	領	副	領	領
	領			領
	領			
副				領
副	總			
	總			代
	領			
	領			
	領			
	領			
	總			
	領			
	領			

第五節 寄居各港之外國人及商店數

國名	人數	國名	店數
美國	三九二	英國商	三三
美國	二二二	德國商	六
日本	一〇七	日本商	五
法國	八三	美國商	三
德國	七三	法國商	二
葡萄牙	六五	俄國商	一
西班牙	三五	葡國商	七

瑞典諾威	二六六
俄國	二四三
意大利	三三三
其他諸國	三三八
通計	九九四

第六節

寄居北京及各港之日本人公私異用

左一表係光緒二十六年冬所調查者。

地名	北京	天津	芝罘	上海	漢口	寧波
男	八	三	五	九	五	〇
女	一	三	〇	五	一	〇
男	五	二	二	一七九	二	一
女	〇	〇	〇	三	〇	〇
男	〇	八	四	二八	五	一
女	〇	二	二	六	〇	一
男	二	〇	〇	一〇八	〇	〇
女	〇	九	八	三五一	四	四
男	五	三	九	四四	〇	二
女	一	四	〇	三三〇	五	五

其他
通計
七九〇

總計	廣東	福州	蘇江
六	〇	二	〇
二	〇	一	〇
一	二	一	〇
七	四	〇	〇
一	二	六	〇
七	四	〇	〇
二	〇	〇	〇
三	〇	八	六
四	四	九	〇
三	八	九	六

第七節 上海

上海為江蘇省松江府上海縣所在之地。跨蘇州江與黃浦江又名申江之交會。揚子江口右方。望崇明之三角洲。由江口四十八英里左折入吳淞。更溯十三里達於上海。地勢平坦。四望廣闊。惟濁流滔滔。泛濫縱橫。縣城在浦江西岸。環約二里。郭門七座。街路狹而污。司道署縣署皆在焉。貿易悉在租界。城內惟雜貨零賣。租界在縣城東北郭外。分英法美三租界。英租界南自洋涇浜。北達蘇州江。東至黃浦江。北至防禦溝。廣袤一英里。通於東西。有大街六條。分爲北京路、南京路、九江路、漢口路、福州路、四馬路廣東路、五馬路大馬路爲最繁盛。四馬路爲烟花繁靡之地。通於南北。亦有大街六條。卽四川路、江西路、河南路、福建路、廣西路。全體市區。整齊不紊。屋宇壯麗。比之歐州。不愧爲三等都府。法租界在縣城英界之間。通南北之街道六條。架橋於洋涇浜。連續

英租界之六大路。其初廣業洋行。有三四日本商店。美租界沿蘇州江北岸。臨浦江。稱爲虹口。蘇州江有本地船及小蒸汽船互相輻輳。日本領事館。郵船公司支店等皆在其處。租界長四英里。又對岸浦東。既爲外人之借地。設有倉庫棧橋製造所等。浦江流縣城及居留地之前。船舶絡繹。橋影紛錯。現河幅凡五丁（一丁爲中國三百六十尺）餘三四千噸許之大船。皆積於其埠頭。謂之申江。此江昔爲春申君所鑿。故名申江。又呼爲上海。蘇江爲蘇州要路。在昔河幅有三英里。今不過六七十間。一間爲中國六尺。黃浦江會於揚子江之處有沙洲。謂之吳淞淺洲。船舶稍大。必待滿潮始能出口。至月杪。每有不能出口。徒費時日者。居留之外國人。皆勸浚渠。中國官吏。輒阻之。遂不得開鑿焉。近時英人奮發。測量該洲上下揚子江水勢。要求總理衙門。由國庫發給測量經費。中國政府。已允許之。尙欠半額。自英界而西。郊外謂之湧泉路。有馬車道。兩側皆外人別墅。亭榭花樹。鬱蒼馥郁。英美兩界。一由河岸達徐家滙。有六英里。一達覺斯飛。有七英里。旁設英領事館。居留之外國人。皆遊玩於該處。中國人不得往遊。而分擔其費用。國門口特書中國人不可入數字。若粗忽入其間。則居留地巡捕。直毆打之。放出欄外。以是物議囂然。頗知奮氣。遂卜地於蘇州江畔。建築園亭。專供中國人遊覽。有

水道謂之水局。係千八百八十一年所設置也。一週間（即七日）給水有一千萬石之多。有造船所。汽船公司。碼頭公司。各國郵便局。及電信局等。詳於下條又有西洋旅館。日本旅館。如東和洋行。矢野旅館。常盤舍三館。皆在虹口。外國新聞有數種。曰北清日報。曰上海瑪魯斐利。曰北清黑拉兒。曰思列士帝阿兒。曰變德蘭思。曰同文滬報。中國新聞有字林滬報。中外日報。新聞報。蘇報。申報。數種。其他小報及遊戲報等。不可勝數。氣候寒暑。由華氏二十六度至百度。冬季乾爽多晴。若遇東北風起。則俄然寒冷激變。又有數項及各種事情。記述如左。

第一項 居留地人口

居留地人口。多有增減。據千八百九十年六月二十四日所調查者。洋涇浜以北之居留地。在英美二界之外國人數。凡三千八百二十八人。其中英界千四百二十一人。美界千九百七十三人。浦東及居留地外。四百二十七人。今將男女小兒以十年前與二十年前之人口比較於左。

男	千八百七十年	千八百八十年	千八百九十年
	二六一	二七三	二八七
		減 一〇四	增 六四〇
		比較	比較

女	二二六	五二〇	增三〇二	九七九	增四五九
小兒	一六七	五二四	增三五七	一〇三三	增五〇八
計	二一六六	三三三一	增三三三	三六六六	增一六〇七

洋涇浜以北之人口即合法租界之人口

洋涇浜以北

法租界

計

男	一八二七	一一七	一一七	一九三四
女	九七九	一一三	一一三	一一〇三
小兒	一〇三三	一〇一	一〇一	一一八
計	三六三九	三六八	三六八	四二二六

又國別於左

英國	一六六二	亞美和加	三三〇	眞菲	七二
葡萄牙	五八四	德意志	二二五	印度	九六
日本	四〇三	法蘭西	二二二	其他諸國	二二二
西班牙	二二九	丹麥	六六	合計	四二二六

中國通覽上編
三二五
由是觀之。千八百七十年以來。人口增加。男子四十分之一五。女子四倍有半。小兒六倍。外尚有無從計數者不少。據同時所調查。中國人住在三租界者。總數有十七萬九千餘人。今區別其住所於左。

英租界

九萬八千七百十九人

美租界

四萬四千四百三十五人

英美兩租界之外國人商館內

七千一百十三人

郭外附近及河上船舶內

四千五百二十八人

法租界

二萬四千七百二十二

多。中國人中。上海人最少。強半自沿海地及內地各處移住。以廣東人、福州人、甯波人爲多。

第二項 居留地制度

上海爲東洋第一互市場。居留地體制最爲整齊。諸港之居留地。概模倣之。外國人特呼上海爲模範居留地。英美法三租界。爲居留外國人之自治制。其自治體。英美兩租界爲一體。法租界爲一體。英美兩租界。皆在洋涇浜以北。併稱爲洋涇浜以北之外國

人居留地。現行之土地規則。係千八百六十九年居留外國人總會所決定。經各公使請於國朝政府而得其準行者。市會即居留地會。其行政機關。議員由居留外國人投票選舉。該會支出一年經費。約五十萬兩。是款皆徵收於居留外國人。及在居留地之中國人。每年四五月間。開納稅總會。是為議政會。市會議員之選舉及被選舉權。不問何國籍人。依土地規則。納一定之稅額。惟中國人雖納稅額。不得有選舉權。居留地稅。如洋式房屋。課八分。中國式房屋。課十分。其先土地規則。居留地內。禁中國人雜處。及千八百五十四年髮逆之亂。因避害而移住者二萬人。髮逆圍上海時。各地避難而移住者愈增。今已至二十萬餘人矣。中國人居住租界。生命財產。較為安固。居留地市會以土地家屋。貸貸於中國人之利益最多。故不拒之。法租界雖別有一體自治區畫。比之英美兩租界有異。何也。行政事務。總歸於法國領事之監督內。居留地會。有議決之事項。非得該領事之許可。不能實施。若該領事認其決定為不當時。直命停會。稟於北京駐紮之該國公使。公使與領事同意。即令解散居留地會。請本國政府處分。

第三項 居留地警察及義勇兵

洋涇濱以北之居留地。其警察權全在市會。警察署通英美兩界。設部署六所。置警吏

四百三十名。其中歐人五十九名。印度人六十一名。中國人二百六十一名。其初自治獨立之權。無論地方官吏各國領事。不得於居留地內攬行警察權。居留地內現行犯罪者。居留地巡查。直以其職權逮捕之。解送該官署。若非現行犯罪者。則由犯人所屬之國土官吏發令狀。解送於居留地警察署。是皆有賴於巡捕者。法租界警察署。歐人巡查有四十人。中國巡查有六十二人。警務皆聽法國領事之指揮而行之。上海有身長七尺。頭纏紅巾。腰掛短棒。伫立街中者。卽居留地警察署之印度巡查也。彼等服其本國之兵役。真率直。頗富腕力。壓制蚩蚩無智無恥之豚尾奴。外人皆罵中國人爲豚尾奴而中國人甘受屈辱。願爲奴隸之奴隸。不亦異乎。本港居留地全體警備。有義勇兵一隊。兵員士官。三百四十餘名。分騎礮步三兵。以陸軍少佐爲司令長官。此兵由上海居留之壯夫。願充此役者。而募集之。外尚有消防隊一團。

第四項 居留地裁判所及會審衙門

與中國結條約之各國。皆以治外法權。對於居留之外國人。民刑一切裁判。歸被告人所屬之領事館或裁判所審理。然除英國外。上海皆無裁判所之國。英國特置高等裁判所。不惟裁判英人一切訴件。卽中國各地日本朝鮮等處。亦皆受英國裁判官之裁

判。中國人及他國人之市會。提起訴件。當受理於裁判所者。於居留地會。立居留地制度。連合各國領事。組織特別裁判所。每春於各國領事中。互選判事三名。任裁判之責。又因由外國人對中國人裁判訴訟。設有會審署。置內外合議裁判所。是三十年前駐滬英領事巴古思氏所勸立者。中國與各國條約。凡由外國人對中國人訴訟。必由原告之該國領事照會中國地方官。會同裁判。今立會審署。則進於簡便矣。其會審之外國判事。以英美德三國為會審員。計外國人之利益。使中國裁判官強從其意。且貼用印紙於其訴狀。又原告致敗。無訴訟之費。是可謂特為外人所設之裁判耳。何益於中國人乎。

第五項 上海內外貿易

上海之地。本有上海下海浦二部落。所謂下海浦者。初為商業貿易之地。乃中國北部南部及中央諸省商業之中樞。為江南富裕之海港。且為東亞與揚子江商業最要之市場。此處始被歐人所知。於廣東東印度商社特權廢絕後。該商社員英國林多塞。乘軍艦赴上海。求通商埠。初受種種陵辱。後得道臺准許。購絹布類數百弗。一弗合中由是上海為外國人取消之濫觴。經數年中國政府。不但不許英國通商。益虐待外國人。

千八百四十二年。英國政府發軍攻擊中國。先侵廣東海岸。略取廈門。礮臺破壞。下浦之壘。若占額定海地方。舟山亦陷。繼而鎮海。甯波。乍浦。皆乘勢破竹。遂奪吳淞。更進略鎮江。此報達於北京。朝廷惶恐。即派使臣至南京。結假條約。僅整和議。所謂道光二十二年之南京條約是也。依該條約。於上海外公開四港。爲各國互市場。當時外人居留地之區域。西限於寶山海角之畫線。西南限於吳淞江下流河口之礮臺。自蘇州江至縣城背後。爲港內之船舶定繫所。後更限定。東起浦江。南至洋涇濱。北至北京路。西境因太平賊猖獗。更移轉其位置於西方。至咸豐間。以法人鎮壓中國民亂有力。酬以一居留地。同治間。美國亦照英法二國之例。借一居留地。故定立爲現時之三租界。今市場不惟大致體面。且依天津條約。許長江沿岸及北部諸港通商。日本亦列入此約。上海貿易事業。煥然一新。致有今日之盛大矣。千八百八十九年。外國貿易總價額。有一億四千六百九十一萬七千八百四十六兩。以銀價換算。實有二億四千六百二十五萬三千四百八十二元。更圖別其同年之輸入額如左。

英國

二〇九〇三

歐洲

三七〇四二

香港

一五六七三

澳大利亞

三〇九七七

內更以輸出於外國者國別計之如左

新加坡	一二四六二八四
亞美利加	九三七〇〇〇
印度	七八七四〇三〇
日本	五五四〇八九
英國	一九四四八
香港	二九二六八四
合衆國	四三八
西伯利亞	二七三三四六
日本	二〇三九六四〇
瓜哇	一九六

合衆國	三七八六七三
其他諸國	二七六一六五
上下合計	六〇三四七六九

新加坡	一四一六二
印度	五二八八一
歐洲	一三二〇六
朝鮮	三八五八一
非律賓羣島	九〇三五
上下合計	三三四八五七

又再輸出於中國各港之價額總計四千二百六十九萬二千三百二十二兩。再加以外國之輸出額。由本港輸出之總額。四千四百九十三萬五千八百八十三兩。控除尙餘千四百四十一萬二千四百八十六兩。是本港之正輸入也。而外國輸入品中。其價額

七百萬兩以上者爲生金巾石炭及美國粗布。有二百萬兩以上。其他五十萬兩至百萬兩者。其品類最多。爲英國原細斜文布。美國產石油。印度製綿絲織。英國綢緞、鐵板、錦板、日本昆布、英國雲齋、釘鐵、俄國產石油等。又十萬兩以上者。棉羽綾、手巾綾、綢、色金巾、緋金巾、肥皂、檀香木、針、日本火柴、燕窩、草梗、贛鑰扣子、黑海參、日本銅、錫塊、鐵線、鐵條等。更由內國輸出之物品中。一千萬兩以上者。白生絲。棉花至四百萬兩以上。綢緞百萬兩以上。

第八節 漢口

漢口在湖北省漢陽府漢陽縣。據上海之上游。位於長江（一名揚子江）左岸。與武昌相對。夾漢與漢陽爲鄰。三市鼎立。宛如一大都府。人呼爲漢鎮。與朱仙、景德、佛山並稱爲中國四大鎮。中以漢口爲最盛。地勢山高水深。溯長江入於四川沃土。下至安徽江蘇。北上則達陝甘。又通河南。江水以下則入鄱陽湖。若由洞庭湖沂湖南之水脈。則達於廣西雲貴諸省。中國內地水運之通路。非大半由漢口乎。市街連於長江之西。漢水之闊。長三里。幅僅二十五町。有三縱街。名河街、中街、後街。店舖稠密。路狹而污。居留地在長江西岸。其南界一馬路。對於中國街。有英美法俄德蘭日本各領事館。此自古爲

五方雜處之區。近來五市繁昌。商旅往來如織。風俗慄悍。恆有喧鬪。且多無賴之徒。一朝有事。雲集響應。長江騷動。深爲可憂。蓋此地當天下之衝。人烟如麻。貧民住屋矮小。夏時炎熱。勞役者皆露臥。盛暑時。華氏寒暑錶至百度以上。極寒時。至三十五度。有汽船公司三四所。常有十四五號汽船。上下出入。以便外國人搭乘者。爲太古怡和兩公司之汽船。長江漢水兩岸。中國碼頭甚多。大小船舶。錨繫相連。約二里。水面幾無餘地。朝去夕來。計以千數。中國各港中。除上海外。殆罕其匹也。近來重慶開口。聲價益加。將來盛運。尤不可測。其貿易初不通於外商。致一敗而停業者。亦屬不少。其後漸有進步。千八百七十一年以來。十五年間。始見平均貿易年額。一年有三千八百三十六萬三千九百七十八兩之多。輸出之重者。如茶、油、生絲、烟草等類。而以茶爲大宗。紅茶輸於歐美。靛茶輸於俄領西伯利亞。至輸入貨。如各種織物、海產物、鴉片等。此等品物。輸入後。再藉水運。送於襄陽府之樊城。四川省之重慶。湖南省之常德。湘潭等處。更分運於各內地。若鐵、表、銅、鐵、煤、油。及各種外國雜貨。歲有增加。誠中國之要鎮也。

第九節 天津

天津在直隸省之天津府。距北京不遠。近大沽海口。在運河永定二水相會之左岸。爲

戰國齊燕之地。明初置天津衛。國朝改爲府。地勢平坦卑溼。附近不見山岳。樹木最少。河流混濁。市街互於府城內外。以北東二門爲最盛。白河停泊之船舶。常有數百艘。帆檣林立。蓋本地不僅爲北京通路。且爲南北漕糧之管鑰。控保定大名德州之大市場。貿易之盛。殆與漢口相伯仲。前總督李鴻章。每年以白河解冰之候。駐紮於此。內外機務執掌。是亦政治之一要地也。外國人居留地。隔白河南岸一英里。在紫竹林。居留人口。有六百十二人。有日本商店三處。卽三井物產公司。樂元堂。武齊號是也。汽船公司。招商津局與怡和輪船公司外。有日本郵船公司之代理店。該地風俗。狡猾慳悍。無賴痞徒。橫行街市。氣候烈暑。昇於百六度。嚴寒降於六度。陸路通車馬於陝甘山西及長城外。水路則由白河運河。運河通於南方。白河利用汽船。航於芝罘。上海。朝鮮。日本。惟白河淺底狹幅。喫水十一尺以上之船舶。卽不能容。每年自十一月下旬。河冰凍結。必至來春二三月間。始能航行。本港之開港。成於天津條約。當時約書耶爾丁於一廟宇。廟印。故該廟呼爲條約廟。又呼爲耶爾丁廟。今猶膾炙人口。千八百八十九年之貿易總額。有三千二百二十四萬五百十五兩。內輸入者一千五百三十七萬八百四十五兩。輸出者八百七十六萬四千六百五兩。

第十節 廣東

廣東爲廣東省廣州府治所在。在珠江口上游數十里之北岸。珠江口爲東江北江合流之處。江水甚深。足泛數千噸之大船。上流連於西江。遠達廣西各地。爲五嶺南之大都會。乃海峽諸港之中樞也。此地爲戰國揚越之地。舊稱羊城。吳始置廣州。明改爲府。城內外有市街。街路布石。闊六七尺。雜沓不堪。最可奇者。艤船而終年住於河上者。凡六千三四百艘。水上錢糧。河上迎春。眞別有一世界。外人之居留地。在府城南。卽珠江岸之沙基。土人呼爲鬼基。此爲河淺淺處。英人築島於此。法人亦供費用。竣工後。均派所費以爲分領。南臨珠江之白鵝潭。直對府城西關。東南二方架鐵橋。又設鐵門。禁絕中國人出入。白鵝潭爲往來上海之巨船。及外國軍艦之繫泊所。凡香港澳門之通路。皆繫泊於其上下。珠江北岸有稅關。關中雇使洋人二十七名。洋人貨物。寬假不檢。中國人日本人之貨物。則必盡其底蘊。蓋爲中國各口之通弊也。氣候炎熱。由華氏寒暑表。八十七八度。上半年爲百度之間。冬寒由五十四五度昇降於七十度之間。風俗慆悖。惡徒結黨爲盜。劫掠旅商者。多出沒於此。外國貿易。由來最久。第十世紀時亞刺比西之航海者。已往復於此地。通東西亞細亞之交易。千五百十九年。葡人始開交通。後歷

百年。荷蘭人亦來。千六百三十七年。英人代荷蘭人來此。彼之東印度公司。派設支公
司於該地者。實六十四年矣。邇來一百五十年間。相繼互市。千八百三十四年。國朝政
府。覆該公司之特權。遂有鴉片戰爭。英人陷廣東。一旦得償金。撤去其兵。未幾又來侵
襲。攻掠南京。所請兩京和約者。即訂結於是時。然本國人與外國人。凌轢之勢不止。土
人暴擊。焚毀外人館舍。明年英軍又先陷廣東。與法軍合。閱四年。復爲英法聯軍所占
據。國朝償金以講和。邇來商運屢廢。貿易日繁。千八百八十九年。貿易總額。有三千九
百五十七萬三千七百七兩。內外國產輸入有千八百八十二萬八千三百九十一兩。
內國產輸入有九百六十萬五百九兩。而輸出者。有一千八百七十九萬二千五十二
兩。

第十一節 福州

福州爲福建省福州府治所在。在閩江北岸。一名榕城。城內外皆有市街。街區最闊大
者爲南臺。位於南臺與南臺島之中。及閩江江上者爲中洲。有一小島。煙戶頗多。商賈
繁盛。架一橋通於本街。是橋南岸。即外國人居留地。又由南臺東端。數丁之下流。謂之
馬尾。爲輪船之碇泊所。土人長於造器皿。巧於雕刻花卉禽獸。該地產茶。古來著名。夙

爲外人注目。土人亦於開港以前。竊得奇利。送其茶於廣東陸路。是爲海外輸出。千八百四十二年。依中英和約。雖爲開通商港之一。然力則不振。今已大有進步。爲中國貿易茶業之一大港。且商賈勤儉。頗能勉勵。貿易額亦巨大。自千八百八十五年至千八百八十七年。三年間。貿易額平均。每年輸入額有六百零六萬九千三百圓。輸出額有千四百二十八萬八千八百圓。內茶價占六百十四萬七千零十三圓之多。近年印度得茶之勢力。福州茶因之減色者不少。歲所輸出。大非昔比矣。

第十二節 甯波

甯波在浙江省之甬江口。上流數十里。據會稽之東。爲浙東門戶。四面廣漠平野。川流分布其間。風物蕭然。在昔阿部仲麻呂。詠三笠山之歌。寄萬里故國之感慨。卽此地也。甬江一名甯波江。又云大浹江。流於府城傍。江幅凡五丁。水深至五尋。喫水十有七尺。以內之船舶。四時皆得進駛。城內店舖。櫛比鱗次。街衢清潔。商船甚多。直航貿易甚遠。東至日本。西至印度暹羅。製絹造船之業最盛。魚鹽之利亦饒。傍有紹興府之名釀紹興酒。製額巨大。多輸送於各地。本地藍染最爲著名。千八百四十二年。本港與廣東共開爲互市場。然地近上海。貿易因難盛大。千八百八十九年之外國輸入物產。有五百

七十萬兩。品類之重者。如金巾、諸布、絲綢、羅紗、毛布、火柴、石油、日本昆布、赤白糖等。而輸出及再輸出之總額。有五百二十六萬六千二百五十六兩。以綠茶爲大宗。

第十三節 重慶

重慶一名滄州。又云固陵。乃四川重慶府所在。會於嘉陵江及岷江大江。去上海上游千二百十五英里。漢口上游四百六十五英里。有三峽之險。西南達於雲貴。西北連劍門龍泉諸峯。嘉陵之水。由北而來。岷水由西而來。會於城東。入於峽中。所謂山川水陸之處。沃野千里。天府之富。人物必輻輳於此。更必分輸於四方。今由宜昌達於此地之江。峽水迅激。舟運不便。他日能泛汽船。長江千里。必與漢口相對。共爲爭雄之商鎮也。英人早已注目。久派駐紮之理事官。掌四川貿易研究之事。又勸說中國政府。遂有開港之舉。卽光緒十七年之事也。夫開港日淺。不足論其大勢。同年中之輸出入總額。有二百八十五萬四千七百十三兩。輸入品之重者。各種海產物及雜貨類。輸出品之重者。如茶、銅、鐵、藥材、蠶絲、砂糖、木材、麻、紅花、牛皮、棉等。每年輸入日本之海產物不少。

第十四節 九江

九江屬江西省九江府德化縣。臨於長江南岸。在上海上游四百五十二海里。漢口下

游百八十七海里之間。西南南門湖下流。十七海里。有鄱陽湖。東西五里。有女兒灣。均足容船。府城南三里半有廬山。景色甚佳。行者莫不翹望。而在城內。昔時頗爲繁盛。自髮逆亂後。變爲荒涼。氣候夏初多雨。春初雖降雪。然積於地者頗稀。寒暑不甚酷烈。居留地設於城西江畔。居留之外國人日多一日。輸出品輻輳於本港者。以茶、紙、麻、麻布、烟草等類爲大宗。每年輸出各種。不下十萬兩。千八百八十九年。茶之輸出總額。有二十一萬九千八百五十兩。又景德鎮製造磁器。屬於浮梁縣。製造品多經本港輸出於內外。輸入者如棉布、鴉片、絨、色布、金類。每年至少亦有千二三百萬兩上下。

第十五節 蕪湖

蕪湖屬安徽省太平府。居九江鎮江之間。揚子江流之要樞也。去上海上游三百四十英里。鎮江上流百十里。南依運河。通甯國府。西南八英里。達於太平縣。爲米、茶、蠶絲之產地。古河船交通之咽喉。將來繁盛。其勢可待。市街清潔廣闊。構造房屋。頗不粗陋。百貨賤實。商旅駢集。外商開店者不多。惟有一日本商店。專販賣日本雜貨。千八百八十九年。貿易額。有七百三十二萬四千四百六十八兩。其中米爲輸出品中之最。絲貨次之。棉花亦好。石炭將來大有可望。

第十六節 鎮江

鎮江屬江蘇省。去上海上游二百三十英里。沿揚子江南岸。在會流於大運河之處。山岳頗多。江水雖混濁。然縱橫條達。富於水利。且爲運河之管鍵。江寧之門戶也。府城橫於運河長江間。市街平坦。前峙江上。爲焦山島。風光頗佳。昔爲繁盛都府。髮逆亂後。商業沈滯不振。對岸瓜洲。鹽船所集。備船有千八百艘。舟子有三萬人。居留地爲西銀山。鎮江岸一帶地。千八百四十三年。英將瓊休加劇戰。曾奪此府。中國政府議和。是謂江甯條約也。所開五港。本港實居其一。蓋鎮江爲當時滿洲八旗死守。勢頗強矯。一朝爲英軍所破。八旗不能當此銳器。乃將軍不察。斬殺婦女數千。守兵自殺。眷族集合自焚。亦可謂慘矣。及本港既開。地有運河之便。江浮巨船。他日當爲江岸第一要口。夫昔所難望者。雖有商運進步之狀。而漢鎮開港。形勢一變。其利悉移於漢口。今僅有一千二三百萬兩之貿易額。

第十七節 宜昌

宜昌屬湖北省。去漢口上游三百六十三英里。在揚子江北岸。東南有荆門。北岸對於虎牙。扼東湖下流。南方隔江山脈爭起。其間有幾帶溪流。夏日多水時。可運舟。此爲春

秋楚地。明稱彝陵。國朝改爲宜昌府。縣名東湖。市街在城內。有中國船塢頭數處。每處停船不下二千艘。富蜀楚交通之衝。髮逆亂時。大被殘毒。民氣至今未復。人情頑固。外人莫不惡之。文武官員更甚。此爲入蜀之咽喉。中外貨物。送於蜀地及其近傍。又由蜀地與其近傍。送於他地者。皆必換載蜀船。貨物通過稅關。其數雖巨。其中殆五分之四。送於蜀地者。稅關報告。謂每年平均輸入二百五十三萬圓。輸出二百七十萬圓。上下云。

第十八節 芝罘

芝罘屬山東省登州府福山縣。在渤海口端山東岬之北。而芝罘港出於北。爲一小半島之名。本曰烟臺。古之奇山也。由上海二晝夜可到。去朝鮮仁川二百七十二英里。由日本橫濱航程一千一百六十海里。地勢平坦。自北灣出於東南。有靈芝狀之半島。故名芝罘。西灣爲船舶停泊之地。島形廣大。水深且闊。可容五十軍艦。又可修繕船舶。惟冬季北風凜冽。波濤搖撼。市街由烟臺連於西南。接於海濱。戶數一萬五六千。氣候在北部中爲最良。山水風土。能適人意。外人避暑遨遊於此者頗多。土人頑固。往往較量錙銖。爭鬪於路。甚惡外人。運送貨物。多用驢騾。冬季白河封結之際。郵信送貨於中國。

中國通覽一編
北方者。皆於此登陸。而輸送之。本港外國貿易。始於天津條約。千八百七十一年七月。結中日條約。選通商口。此港亦居其一。千八百八十九年之貿易總額。有千二百六十六萬六千五百七十八兩。其額頗大。是因一時之寄泊船多。而實際輸入。不過四百二十萬九千一百五十七兩。其輸出者以蠶豆豆餅爲大宗。

第十九節 牛莊

牛莊屬滿洲之盛京省。在遼河十三里之左岸。中國各港中極北口也。牛莊與芝罘同。以牛莊爲滿洲所在之地名之。本港即營口也。同治初年。各國始置互市場。西方下流爲土人街。名西營子。東方上流爲居留地。名東營子。遼河橫其中。營口下流二十海里。有灣名東弓者。更下一灣。名西弓灣。營口以南。爲曠漠下濕之野。屬於下流之地。惟一面蘆葦。泥滓鹹鹼。冬季河冰凍結。除電線一縷外。交通一切斷絕。平時每週每週爲一禮拜有一大汽船之便。雖往復於芝罘上海。期限究難確定。甚至二週餘。船無往來。該地金、銀、鐵、炭。諸礦山頗多。將來必開一大富源。今商品主要者。以豆類、麻油爲最。又製鹽在營口賣買。至冬季。車輛往來頻繁。東自鴨綠江崖。東北自吉林黑龍江。西北自內蒙古一帶。皆積雜穀而來。載鹽而歸。千八百八十九年之輸出額。有五百五十七萬二千三百

十五兩。輸入有二百二十萬四千零四十一兩。而其輸入之重者。爲鴉片、棉布、二種。近來鴉片頗爲減少。

第二十節 温州

温州屬浙江省温州府永嘉縣。在甌江口上游二十五英里。當甌越要之衝。山巒連於四方。地味饒沃。沿海地勢凹凸。海水灣入。卽温州灣也。灣之內外小嶼最多。商船便於避風濤。市街概在城內。街路清潔。修繕周至。爲中國所稀有之地。府城北門外。爲甌江之中心。有孤嶼山一小島。有一寺。名江心寺。宋末文天祥廣招四方豪傑。會於此。不成。留詩辭去。卽其故跡也。物產有牛皮、甌綢、橘餅、穀物、乳橘、柑等。本地向爲茶品貿易處。千八百六十一年前。既許茶品貿易。而髮逆亂後。國朝政府恐落其利於賊手。沿岸數處亦許之。商勢一轉。而移其利於福州甯波等地。開港既久。今尙無外人居留。電信之利器不備。汽船往復無定。究難應於商機。市場遂漸衰頹。千八百八十八年。貿易總額有七十萬二千七百四十三兩。明年減四萬三千兩。

第二十一節 廈門

廈門屬福建省泉州府廈門廳。俗名露島。本島在鎮海角與圍頭之間。大灣曲之北部。

其東有金門大島。金門北爲圍頭灣。各船舶繫泊所。在本島與鼓浪嶼之海峽。鼓浪嶼南北長一英里。環約四英里。嶼上最高巔。有三百餘尺。由港外而望。如一大圓石。居留之外國人。概構住宅。置商店倉庫於此。本島人口。約九萬六千。居留人有三百名。外國商店二十三舖。中國街除雜貨舖小錢舖外。有百八十三四之貿易商。六七之票號。銀印商況有蒸蒸日上之勢。市街雖布石道。而無溝渠。大雨則滿街水溢。新聞有二種。一名加塞多。一名科幹達赫爾。風俗狡猾。惟於外國人。尙不加輕侮。氣候每年分二大期。一日雨期。自二月至六月。一日燥期。自七月至明年正月。寒暑由高點百五度昇降於低點四十度。酷暑在七月中旬。嚴寒在三月下旬。本港夙與西洋各國通商。如葡萄牙人於千五百四十四年既通互市。與內商舉動殘暴。中國官吏怒逐葡人。焚其船舶十三艘。英人向亦通商。千七百三十年。國朝嚴令。廣東以外。特許西班牙人貿易。而禁止其他諸國。然葡人英人等。尙犯禁私行貿易。千八百四十二年。中英和約告成。本港亦爲五港中之一。自公開貿易港以來。商運日漸發達。今香港、汕頭、福州及海峽諸地。有定期船通航。千八百八十九年。輸入額有六百二十萬三千二百九十八兩。日本品輸入者。有八萬五百十七兩。以石油自來火爲大宗。是年之輸出額。達二百五十一萬四

千三十一兩。以茶與砂糖爲大宗焉。

第二十二節 汕頭

汕頭屬廣東省潮州府澄海縣。在韓河江之左岸。地勢斗出於東南海中。對於北方澄海縣南。中央卽本港也。對岸崖石壁立。突出河上。舟人呼爲喜望峯。本地赭巖。列峙四方。人家錯雜其間。勢若假山。頗有奇觀。氣候中和。寒暑適人。本港外國貿易。其初僅有鴉片船出入。南澳島定爲市場後。移之於汕頭。上流四英里之達甫兒島。開港之時。外國人誘拐力役者之說起。人民囂囂。潮州知府諭外國人曰。行爲非道。則民怨達於極點。而危險不可測度也。又諭漁民曰。距海岸四海里之內。歐人妄逞暴力。捕拿人民。與酒泥醉。迭移於殖民地。汝等慎之。一時嫌疑外國人。禁其出入汕頭。爾後漸感貿易之利。遂致有今日之盛云。千八百八十九年。貿易總額。有二千一百九十八萬六千七百零三兩。內外品輸入者。七百三萬零零八十七兩。內日本品之輸入者。有十萬四千六百二十二兩。內品輸入者。七百八十萬兩。輸出總額。有七百二十萬五千九百十八兩。再扣除輸出十二萬七千二百七十兩。則正輸出有七百七萬八千六百四十八兩。

第二十三節 九龍

九龍爲廣東省廣州府新安縣南郡之半島。與香港相對。恆有汽船往來。千八百八十九年。外品輸入額有千二百八十九萬四千七百六十三兩。內品輸入有三百七十一萬一千七百零七兩。輸出有千四百十九萬四千五百九十八兩。

第二十四節 北海

北海屬廣東省最南境。在廉州府合浦縣。接安南境。臨東京灣。雖爲一寥落海港。實當兩廣及安南之要衝。經西江及沿海各地。爲外國分派輸入品之處也。市城在一小半島。面於西北。負峻壁。夏遮風涼。冬受寒風。惟其港內水深。灣面又闊。無暗礁之險。亦將來有望之一港也。千八百七十七年。通過關稅。貨物價額。僅一萬二千兩。明年忽增價額。至八十四年。有四百十四萬六千六百十六兩。八十九年。更增至四百六十萬七千二百零六兩。

第二十五節 瓊州

瓊州爲海南島一港。距大陸十五里。其港名海口。距瓊州府三英里。船舶繫泊所。在海口河口上游二英里。潮水漲落無定。且北面一堤防。常爲風濤侵害。岸邊水淺。非滿潮不能搭卸貨物。然有外國汽船運輸。則貿易自日見其盛。千八百八十九年。貿易總額。

有二百二十九萬五千九百四十九兩。內有外品輸入一百零二萬八千四百十七兩。內品輸入二千六萬九千九百兩。輸出及再輸出有一百萬七千四百三十三兩。

第二十六節 龍州

龍州爲廣西省西部。在松吉高平二流合處。其合流名左江。東流三十英里合西江。接交趾。頗當要衝。故各處設兵營。嚴修警備。電線通廣東西河沿岸各地。接續東京各線。千八百八十九年。與法領安南開陸地貿易。雖不足記。而該地與東京地方。盜賊橫行。商旅危險。如有警察。則不足畏矣。

第二十七節 蒙自

蒙自屬雲南省臨安府蒙自縣。沿盤江上流。接安南北境。原非海港。因河舟通利。中法戰爭後。與法國結特約。定爲陸地貿易市場。地勢四面渺茫。縣西四里半有目則山。十二峯橫列。頗有奇觀。縣東四里半有雲龍山。其脈盤迴數里。有極大石室石洞。都涵幽趣。城市去安南境有十八日程。昔爲繁盛之區。回匪亂後。民物蕭條。今更索落。氣候溫暖。熱病流行。每年斃於瘟疫者甚多。將來貿易必可繁盛。千八百八十九年八月開局。據蒙自稅關報告。半年貿易總額。有二十八萬三千一百五十兩。

第二十八節 淡水

淡水在臺灣北部。屬臺灣府淡水縣。溯淡水河口。瀕於十八餘丁之右峯。港口有大淺洲。船舶甚難通行。山岳紛列。風景絕佳。溯淡水河流。約十三英里。稱爲孟甲。有一市城。即臺北府。人口約四萬。接該地者。有大稻埕。爲外人居住地。內地茶葉。送出淡水口。千八百八十九年。貿易總額。有五百六十六萬六千四百零四兩。輸入外品中。諸布類。比前年減少。內國產布疋類。販路擴張。洋布年減一年。較日本布之輸入者。尙少四分之一。輸出物以米、砂、糖爲最。如烏龍茶。輸出額逐年增加。

第二十九節 雞籠

雞籠一名基隆。又云歧龍。屬臺灣島臺北府淡水縣。與淡水港相負。港內水深四尋。至六尋。足容船舶。惟北面露開。巨浪蕩搖。市街雖蕪陋。四圍山岳起伏。風景可愛。近來本地與淡水開通鐵路。運輸甚便。現惟輸出煤炭一種。各種礦物未開。亦將來有望之一港也。

第三十節 安平及打狗

安平在臺灣島西南岸。屬臺灣府臺灣縣。在府城東三英里。港內水淺。而港口廣闊。當

西南恆信風候。巨濤襲於港內。使船舶不能上下貨物。氣候頗良。打狗在安平港南北二十四英里。海岸之鹹湖口。屬臺灣府鳳山縣。距臺灣府二十三英里。地勢高峻。平坦者稀。此地商運消長。正反對於安平港。近來安平港。大增貿易要需。同時此地滅殺樞要。居留外國人等。皆撤其商館住屋。移於安平。台灣南部重要之輸出品。爲砂糖。其消費地。如日本、天津、芝罘、上海、香港等處。其中以日本爲多數。輸入品以鴉片爲最。與砂糖共居輸出入額五分之四。千八百八十九年。貿易總額。有二百七十六萬二千八百六十六兩。較上年減少一十餘兩。

第三十一節 香港

香港在廣東省珠江口九十英里之海中。爲一小島。屬北緯二十二度一分。東經百十四度五分至十八分。全島長十一英里。幅五六英里。面積凡二十九方英里。人口有二十萬。本島素稱香山。乃中國所領。自道光間。鴉片戰爭一敗。割讓英國。今儼入其版圖矣。邇來英國政府。以此地爲自由貿易港。出入船貨。皆不課稅。各國郵船商船。來往寄港者。逐年繁盛。實東洋第一貿易市場也。全島悉係巖石。山陵起伏。最高者有三四千尺。北濱開一港口。卽爲香港。港之口岸。左右最高。港內水深。闊五十里。港口出入。絕

無危險。且於入港之際。無曲折之苦。誠爲世界良港中之一。市街沿於港岸。樓館層層。環繞山麓。倚山懸崖。頗壯觀瞻。街路廣闊清潔。樹木葱蘢。極饒幽趣。中部爲歐人商區。西爲中國人里居。非僅爲東洋貿易之中心。實英國控制東洋之重要地也。有大船渠。常設軍艦。以備不虞。如亞拖米德齊之大鐵艦。亦能入渠。其他通常船舶。繫泊各處者甚多。又駐屯陸兵。置警吏六百人。工業逐年進步。最重之製造業。如製絲、製糖、製冰等。貿易品之重者。如鴉片、棉花、砂糖、鹽、麥粉、油、棉布、毛布、諸金屬陶器、象牙等。出入最盛。所謂自由貿易港者。不設稅關。物品價額。未得其詳。千八百八十九年。其出入船舶及其噸數。入港船有一萬七千三百二十四艘。計五百五十七萬四千六百四十噸。出港船一萬九千五百五十五艘。計五十八萬七千七百七十六噸。其他不載貨之船舶出入者。有一萬六千艘。

第三十二節 澳門

澳門在香港南。乃廣東河口一小島。久爲葡萄牙殖民地。距今三百四五十年前。葡人始行通商。昔中國沿海島嶼等。海賊出沒其間。圍廣東城。恣其劫掠。明末軍威不振。不能討平。葡人來者。直發兵艦數艘。乃歸鎮定。政府大嘉其功。準葡人久住本島。本島商

業。頗形昌盛。葡萄牙國勢衰微。海上權力。歸於英人。奪商權於香港。而此島近頗衰頹。然葡國政府。尙置政廳於本島。駐屯艦隊於東洋諸港。保護葡國商民。蓋明朝所準葡人永住者。非與其領土也。國初以來。中葡兩國。就此事開議。葡人矯明朝之惠。遂全行占領。純屬葡國版圖。國朝政府。不能與抗。是非大可恨者乎。全島面積。約二十八方英里。人口有五萬六千餘。最重之輸出品。如茶、油、砂糖、之類是也。

中國通覽上編終

中國通覽上編終

中國通覽下編

第一章 組織政治機關

第一節 政體

中國爲君主獨裁之國。萬機皆由皇帝獨裁。無相國任其責。雖有太師太傅太保。俱無定職。不過一贈官而已。有都察院御史。爲皇帝之耳目官。參議政務司法之事。以杜絕有司專權之弊。肅正官民風紀。政績用能。綱舉目張。凡地方官至按察使以上之官吏。能直對皇帝陳奏事件。如皇帝密諭。則不經內閣。直由軍機處傳達於地方官。如此深居九重。可以親聽地方之政治焉。

第二節 帝室

帝室分宗人內務二府。宗人府置宗令一人。左右宗正宗人各一人。掌皇族政令。皇族分爲二。一顯祖帝父之子孫。謂之宗室。一顯祖伯叔兄弟之子孫。謂之覺羅。爵列十二等。因親疎而降其次第。至無爵者。謂之閑散。又有以功勳世襲者。謂之世襲罔替。內務府置總管大臣。總理帝室庶務。掌三旗之政令。但任此職者。僅限於滿人耳。

第三節 中央政府

中央部者。中央政府全體之稱。辦理內外機務者也。即以各衙門分之於左。

第一項 內閣

內閣爲輔翼匡贊之府。以正一品大學士滿漢人各二人。從一品協辦大學士滿漢人各一人組織之。其大學士統率六部以下百僚。協辦大學士爲之副貳。而任爲大學士者。必兼殿閣之一也。

第二項 辦理軍機處

軍機處爲參決軍國機務之一樞密會議。置軍機大臣。以親王大學士以下各員兼任之。軍機處係雍正年間創置。國朝以西北兩路用兵。軍書旁午。閣務多端。內閣遠於皇居。事或漏洩。故特設軍機處於此。乾隆後。更以該處爲承旨出政之總匯。遂握內閣之實權。其於京內指揮部院寺監九門提督。京外指揮督撫學政提督鹽政。頗使將軍參贊辦事大臣。及總攬海外各國外交事務。

第三項 六部衙門

六部爲吏戶禮兵刑工。各部置管理一人。從一品尙書滿漢各二人。正二品左右侍郎滿漢各二人。吏部掌中外文職黜陟。及其封爵。戶部掌一國之土田戶口財穀鑄錢出

納之平準。禮部掌教育朝貢之事。兵部掌水陸軍政武官之銓選。及驛遞事務。刑部整齊法律。審斷罪案。肅正邦刑。工部掌土木建築兵船軍器之製造及鑄錢之事。國初之制。不置管理。故大清會典無管理之名。今有此者。乃近來之事也。

第四項 總理各國事務衙門

總理各國事務衙門。掌外國關係之事務。置王大臣。以親王大學士以下各部尙書等兼任之。請命皇帝。以處辦一切外務。置於咸豐十一年。

第五項 都察院

都察院。嚴察政治得失。及百官賢否。奏聞於帝。以肅紀綱。置從一品左都御史。滿漢各二人。正三品左副都御史。滿漢各二人。凡文武官吏之銓考黜陟。及九卿會議。皆得與之。且干涉重罪之會審。蓋本院實爲三法司之一。三法司者。合刑部本院及大理寺之謂。本院之左都御史。與六部尙書。通政使。大理寺卿。謂之九卿。凡國有大事。則會議決之。

第六項 理藩院

理藩院。掌內外蒙古伊犁西藏及其他遊牧部落之政令刑賞。置從一品尙書滿人一

人。正二品左右侍郎。額外侍郎。滿人二人。蒙古一人。凡內蒙古二十四部編制四十九旗。外蒙古四部編制十六旗。青海蒙古五部編制二十九旗。阿爾泰天山間之蒙古十部。編制二十四旗。回部編制二旗。伊犁亦有數部分旗。每旗置長。曰札薩克。西藏前後兩藏使喇嘛統治。若札薩克部落之民治。則使將軍大臣直轄。本院即管理其一切之事也。

第七項 通政使司

通政使司。出納內外官吏之章奏。洞達冤民之控訴。置正三品通政使滿漢各一人。正四品副使滿二人。漢一人。

第八項 翰林院及詹事府

翰林院。掌編史。講經。制誥。文章之事。置從二品掌院學士。滿漢各一人。以大學士尙書侍郎兼任之。稱撰文。修史之職。曰館局。本院又置庶常館。進士登第者入館。謂之庶吉士。要之本院常務。雖屬辭修史。而經翰林之選。則爲進仕之正途。其資格最清貴。編修以上者。論奏政治得失。官吏是非。政府有大事。九卿開會議時。得上封事。暴其意見。詹事府職務與翰林院同。本府蓋因皇太子而設者也。

第九項 寺監及太醫院

所謂寺者。大理寺。太常寺。太僕寺。光祿寺。鴻臚寺也。所謂監者。國子欽天兩監也。大理寺覆案重辟。肅正邦刑。置正三品卿滿漢各一人。正四品少卿滿漢人各一人。太常寺掌廟社陵寢祭務。置卿及少卿。與大理寺同。太僕寺統牧政。均賞罰。光祿寺鴻臚寺掌朝會燕饗之事。置卿及少卿。同上。國子監。乃養成文武官之大學校也。置管理大臣一人。以大學士尙書侍郎兼任之。監內設孔子廟及辟雍等。皇帝親臨。舉奠禮。欽天監。掌測候推步之法。正天象。占吉凶。授時之事。置王大臣。監正滿一人。西洋一人。太醫院統理醫政。置院使。左右院判。其他海運部。雖爲中央部之一衙門。然詳於兵制。茲略之。

第四節 地方官

本部十八省。各省分府州縣廳爲隸屬。二省或三省置總督一員。如江蘇江西安徽置一員。謂之兩江總督。湖南湖北置一員。謂之湖廣總督。福建浙江置一員。謂之閩浙總督。陝西甘肅新疆置一員。謂之陝甘總督。廣東廣西置一員。謂之兩廣總督。雲南貴州置一員。謂之雲貴總督。如直隸爲重地。四川爲大省。則各一省置一總督。謂之直隸總督。四川總督。而河南山東山西三省。但有巡撫。而無總督。巡撫每省必置一員。惟直隸

四川二省不置。督撫之下。有承宣布政使。一云藩司。有提刑按察使。一云臬司。每省各置一員。試說其詳。

第一項 總督及巡撫

總督爲地方最高最重之官。總管地方民治。節制管內軍務。定爲從一品。兼都察院右都御史。各總督中。惟直隸及兩江總督。以京畿之地。特選重臣任用。且兼南北洋通商大臣。直隸總督。非直隸省以外之出身者不能任用。總督本爲重臣。權力亦因之而大。巡撫亞於總督。亦爲地方重官。定爲正二品。兼都察院右副都御史。節制省務。撫養四民。監督民治。與總督同掌地方文武大權。故有半獨立之勢。隱然爲一大侯王也。一切政務。省各歧異。財賦不足。兵制不一。亦全因之。中央政府之政令。不能一貫。又有漕運總督。掌漕運之事。河道總督。掌河工修築之事。

第二項 鹽政大臣及鹽運使

鹽政大臣。爲無定品級差官。總統鹽政。洞察民情。掌富國利民之事。現歸督撫兼管。鹽運使從三品。綜理鹽課。現置於直隸山東江蘇浙江廣東五省。

第三項 布政使及按察使

布政使定爲從二品。掌巡視土田。課徵租稅。出納錢穀。每省置一司。惟江蘇設二司。爲地方財務之主任。按察使定爲正三品。掌肅刑名。察奸盜。判決罪案。凡地方裁判民事。則使廳州縣以上者審判之。刑事則於道府審理之。乃申詳本司。其特具奏於皇帝者。經督撫檢印而後上達。

第四項 府尹

府尹定爲正三品。置於順天奉天兩府。使掌民治。北京府尹。以各部尙書侍郎爲之。盛京以所駐將軍兼任。該二府。不統屬於督撫。獨立之衙門也。

第五項 道員

道員職務不一。屬於布政使掌錢穀者。曰分守道。屬於按察使掌刑名者。曰分巡道。管漕運通有無者。曰儲糧道。管河患防備之事者。曰管河道。糾察鹽法者。曰鹽法道。管軍務者。曰兵備道。其他道務甚多。大抵分守二道兼管。道員皆定從三品。管轄二三府。監督知府以下之地方官。亦地方之高官也。

第六項 海關監督及督理織造

海關監督。爲無定品欽差官。即稅關長也。大抵使巡撫或兵備道兼之。惟廣東之廣州

府。及江蘇之淮安府。特由內務府遣派。福州以福州將軍當其任。此三員。辦貢帝室所用品物。督理織造。亦爲無定品欽差官。屬於內務府。製造所管理。

第七項 將軍副都統大臣

將軍統治屬部無酋長地方之軍民。定爲從一品。副都統定爲正二品。大臣無定品。副貳於將軍。兼管錢穀屯田民刑郵務等事。但滿洲盛京將軍。晚近職制。兼任兵部尙書。都察院右副都御史。督理府廳州縣。至內地駐防八旗所在省之將軍。則不關於民治也。

第八項 知府同知及知州縣

知府定爲從四品。遵督撫之命。協合於諸司道。整理民治。同知亦管掌各廳民治。其官職不一。廳及府之同知。定爲正五品。爲知府之次官。與水利警察之事務。直隸州及散州。定爲從六品。直隸廳同知。隸於藩臬二司。掌錢穀刑罰。散廳同知。隸於道員。知府或將軍副都統。知州奉督撫之命。遵諸司道之約束。掌一州之民治。知縣掌一縣之民治。及其土田戶口。徵收賦稅。聽斷詞訟。

第五節 新置官職

大清會典無職名之官職有三。乃近年各國開交際以來。所新置也。曰南洋北洋通商大臣。曰船政大臣。曰開港場道臺。所謂通商大臣者。掌與各國通商貿易事務。現直隸兩江兩總督兼其任。船政大臣者。爲新式造船所之長官。乃無定品之缺。差官也。開港場道臺。掌理新海關稅及對於各國之貿易事務。兼理中國商民一切交涉。天津則使津關道任之。其他各港。則使該駐在之兵備道兼掌。皆隸屬其省之總督。惟新關稅裁理事務之事。則從戶部指揮。

第二章 海軍

中國舊有水師。長江水師。西自荆江。東至揚子江下流。凡八百五十餘海里之江岸。船數有七百二十六隻。兵員有一萬三千二百四十二人。其在各省。屬於駐防八旗者。有浙江福建廣東水師。二千九百七十人。屬於綠旗兵者。福建廈門有水師提督。浙江省定海縣水師。有一千四百人。廣東省水師。雖有二萬八千三百人。然皆中國古式之礮船。欲藉以助勢力。必不可也。以新式軍艦所建設之海軍。卽近年新設之海軍部。有北洋南洋福建廣東四艦隊。北洋艦隊。爲直隸總督所節制。任渤海之守衛。南洋艦隊。爲兩江總督所節制。任揚子江近海之守衛。福建艦隊。爲閩浙總督所節制。任福建臺灣

廈門之守衛。廣東艦隊。爲兩廣總督所節制。任廣東近海之守衛。並爲稅關所分轄。且任追捕海賊與逃稅船之責。與法國開戰之際。我軍抵抗法軍。所以不致全敗者。實賴此海軍之力。雖然。中國從來通習。規律不齊。如衣服。如將士之給額軍旗。如習練方法。各隊異制。光緒十一年。始置海軍衙門。先整頓北洋艦隊。以爲他處模範。使他艦隊水師。漸次布其劃一之制。以旅順口威海衛爲軍港。

第三章 八旗及常備軍

皇帝之祖起於滿洲。併四鄰。擴版圖。使佐領經理其籍田教育訟獄戎事。佐領隸於參領。參領隸於都統。八旗由此而來。後四分軍隊。以黃白紅藍四旗爲隊標。嗣復正其旗色。增饒四旗。是爲八旗。天聰九年。別分蒙古兵爲蒙古八旗。崇德七年。又分漢軍爲漢軍八旗。滿蒙漢共二十四旗之外。別設索倫錫伯察哈爾之兵。順治元年。自盛京移都燕京時。八旗從之入關。約二十萬人。以京師留防兵爲禁旅。以各省分鎮兵爲駐防。蓋八旗者。所謂世襲譜代之武士。朝廷養贖過厚。漸失其勇猛純樸氣象。而染軟弱奢華風氣。今則表率綠旗。及彈壓地方之實力。全行消亡。前嘉慶之役。及道光咸豐同治之亂。當敵衝者。皆臨時招募之鄉勇。而八旗毫無功力。道光以後。國事多端。庫帑匱乏。八

旗定例支給之錢糧遂減。昔日威名最著之驍兵。至此已困於貧寒飢渴。從事賤業。陷藍縷垢衣之境遇矣。嗚呼。弊習百端。豈忍言哉。惟稱爲神機營者。雖差強人意。然終不及鄉勇之精練。全國八旗三十萬。其與廢人何異哉。

第一節 禁旅八旗

八旗中之屬於都統者。僅驍騎營。其他諸營。皆有同營之選拔親軍。直隸於領侍衛內大臣外。別置總統。以滿蒙軍人編制之。滿軍之不得與者。惟蓋下之警察步軍一營耳。合團各旗。其下有一萬綠旗兵。凡全國四十二萬綠營。其屬於禁旅者。惟此一萬。禁軍總計有十四萬八千八百三十五萬之多。而從演練稍可稱爲兵者。不過神機營等三萬餘人。其餘皆不知兵爲何物。且其內能攜洋槍者。僅六千四百餘人。禁旅實力。可推知矣。

第二節 畿輔駐防八旗

畿輔駐防八旗。亦爲禁旅中之一軍。北京以外。直隸以內。分駐要隘二十五處。爲環衛京畿之守兵。兵員有七千九百人。皆攜其家眷。永住營所。南面分防九城者十九處。分左右兩翼。在京稽察大臣管轄之。東北面分防山海關。冷口。喜峯口。永平。羅文谷五處。

隸於山海關駐紮之副都統。北面分防密雲。古北口。昌平。玉田。三河。順義六城。隸於密雲駐紮之副都統。南北面分防張家口。獨石口。千家店三處。隸於張家口駐紮之都統。又熱河爲長城外離宮所在。通於滿洲裏道之要衝。故別置旗兵駐都統而捍衛之。兵員二千三百二十六人。有分遣所。曰喀喇河。屯入察哈爾八旗。以康熙十四年。蒙古之降兵編制之。常業遊牧。屬張家口都統旗下。以充京畿捍衛。兵員有百餘人。蓋以直隸地方。禍亂甚少。久不動兵。駐防部署人員等。乾慶以後。不復沿革。近年緊要海防。或抽練綠營。或徵集防勇。京畿兵備雖嚴。而八旗已置之度外矣。

第三節 禁旅練軍

此練軍禁旅中。編爲專練之兵。與神機營及外省駐防綠營之練軍不同。攜古兵器。演說舊陣式。兵員有一萬八千人。屬於神機營王公大臣所審察。

第四節 東三省駐防八旗

東三省爲關東滿洲之地。國朝龍興之處。與關內諸省。施設大異。奉天府置戶禮兵刑工五部。不置督撫等文官。以盛京將軍統之。駐各旗於城內要地。不設提鎮諸標之綠旗。舉鎮戍理民之事。委於譜代之軍人。光緒六年。中俄切迫。吉林黑龍省之地。駐兵二

萬。以二百年來。安享承平。元氣沮喪。軍紀廢弛。俄兵雖甚少。亦難抵抗。以是急集練勇。由三省之八旗中。擇精銳者。編制練營。操演器械。漸倣西式。比他省駐防八旗。大新局面。而本駐防之營區。位於聯絡旅順申島之地峽。東爲大連灣。西爲全州灣。大連灣爲盛京沿岸中之第一良灣。北洋艦隊繫泊所也。旅順港在此半島南端。爲海軍要地。即本駐防。亦設有水師營。然除練營以外。其他旗兵。亦皆有名無實。

吉林省東北。隔里島二江。接於俄領。是三省中之最要地。以是駐兵增減不一。如琿春。雙城增兵。新設五常堡駐防。其最著名者。雖然。積弱不足以防禦。咸豐十年。俄國占領烏蘇里以東之地。海參崴港。設陸海軍營。沿岸要處。各置分營。又分置哥薩克之屯田兵。頗張威武。於是邊防益急。光緒六年。中俄漸有戰端。朝廷更以練勇分防於琿春。三姓。甯古塔等處。駐防八旗。亦大改其面目。每年有多少練軍。其駐練於吉林者。謂之吉勝營。驍勇營。洋槍營。大約有千四百餘人。其他諸城堡。皆有練軍馬隊。數不過七百。是旗兵改練之端緒也。

黑龍江省。與吉林同。與俄國接境。康熙二十九年。中俄始生葛藤。國朝副都統薩布素。率兵進擊俄境。以關係最舊。駐防兵數亦少。近年已增設駐兵數次矣。

第五節 各省駐防八旗

順治二年。各省始置駐防八旗。後增設而爲將軍、都統、副都統、或城守尉、防守尉、所統。以爲綠營之規範。彈壓地方。當時韃靼騎兵。勇武赫赫。承平日久。遂成奢侈怯懦之風。嘉慶閒川楚教匪之役。既不堪用爲攻守。而洪秀全一起。江甯鎮江忽陷。回部之反。諸城不數日皆淪沒。迨鎮定後。漸次招集流亡。或由鄰省調補。亦難復舊額。且已積弱。更不能用以爲戰。

江甯爲從古必爭之區。國朝江北併吞之後。此地先置駐防。以爲南征地步。西安爲古來形勝。國朝先駐滿蒙之兵。太原爲河東根本。歷朝重鎮於此。德州控三齊之肩背。爲河朔之咽喉。杭州爲越國西境。乃吳越爭雄之地。三國以來。恃爲財賦之淵府。京口卽鎮江。乃金陵之鎖鑰。南北控制之要衝。道光阿張之役。英軍先拔此吭。不一月而南京之和議成。甯夏在甘肅西北。秦漢以來。爲北巴咽喉。福州爲南岸第一要衝。中國東南之財源也。廣東爲兩廣雲南總匯。防務亦最緊急。荊州爲四川湖南要道。又三國以來之重鎮。右衛在山西殺虎口外。歸化城之近傍。扼喀爾喀蒙古之要路。實北門之咽喉。河南平曠之地。成都古來形勝。金川之役。官軍動爲困頓。蓋因地勢之險峻也。乍浦爲

海疆要衝。涼州爲甘肅西北襟要。綏遠城爲山西口外七廳之一。亦朔漠之要路也。故於以上各處。皆分置旗兵。爲駐防焉。

第六節 新疆駐防八旗

由肅州嘉峪關而西。過安西州至哈密。爲新疆門戶。天山在其間。南曰天山南路。北曰天山北路。而烏魯木齊、巴里坤、吐魯番、古城、烏什。謂之東路。屬於烏魯木齊都統。舉伊犁全境。屬於伊犁將軍。嘗稱控弦百萬。侵陵強盛。至康雍間。席捲青海。漠北諸蒙古。入於漠南。類爲中國邊患。朝廷屢發大軍討之。乾隆二十二年。遂滅準噶爾。二十五年。降南路回部各城。新疆全土。乃隸中國版圖。於是始有駐防之制。又有換防者。定期限而瓜代之。伊犁、烏魯木齊、古城、巴里坤之八旗綠營。及吐魯番八旗。皆駐防也。塔爾巴哈台之八旗。由伊犁調發之換防也。又南路之喀什、噶爾、英吉沙、葉爾羌、烏什、阿克什等。皆換防兵也。八旗由烏魯木齊、古城、巴里坤。而調發者。綠營由內地分遣總鎮。伊犁兵備頗嚴。嘉慶以來。兵制漸弛。至道光有回部之亂。甘肅及天山南北路諸城。皆被回部淪沒。繼而俄國據北路之伊犁。浩干之阿克伯。併吞南路。朝廷乃興師征討。先平甘肅。至光緒二年。遂復南路。而伊犁尙爲俄兵所占領。中俄於是又生葛藤。六年。將開戰。尋

講和。朝廷出九百萬羅布。接收伊犁。此光緒八年事也。於是留楚湘皖蜀之勇軍數萬。以資南北兩路鎮壓。而駐防八旗。雖於平定後招集補充。終不能復其舊額。綠營亦頽廢無跡。今爲兩路守鎮者。僅內地勇軍耳。

第七節 蒙古兵

內外蒙古。分四十六部。百九十八旗。屬於各酋長。隸於理藩院。其無酋長散處於內外蒙古者。名內屬遊牧部落。分五十五旗。又有回部二旗。雖別於蒙古。其編制則相似。每旗以佐領爲編制之基本。卽以人百五十爲佐領。五十佐領爲常備。一佐領由佐領一人。驍騎校一人。領催六人。驍騎五十人而成。合其佐領卽爲旗長。謂之札薩克。以汗親王、郡王、貝勒、貝子、鎮國公、轉國公、台吉、塔布囊任之。每騎佐領之人員不等。由五十佐領至一佐領。因部落之人口而定。

第八節 俸餉

八旗各營武官俸祿。每春秋二季支給。謂之食俸祿。其餉銀爲月給。糧米每年四季分給。謂之喫錢糧。其所謂士族者。由一兵卒得進於都統將軍。都統將軍死時。嗣子無祿。八旗有家產者甚稀。數口生活。惟仰俸祿。所給固不足以糊口。百弊由此而開。賄賂公

行。莫可如何。如兵丁一曉騎。月給不過二圓。且銀兩本無定式。故所轄官吏。借翦傷爲名。可以乾沒幾分。故從事於賤業苦役。藉謀衣食。汲汲猶恐不足。其元氣沮喪。不知兵爲何物。不亦宜哉。至於米倉弊竇。更可驚駭。八旗各營。至給米之期。先製米票。分給官兵。各赴米倉。交換糧米。然近來管倉米之胥吏。豫爲灑水加土。使米爛熟。俟其腐敗。而後與之。令其不堪受領。傍置米商。以廉價購求米粟。至米倉交換上米。以分配於大小官吏。得收巨利。甚至有放里檔子。不待戶部之命。暗開倉門。私偷糧米。寅夜以大小車輛。滿載而出。棍徒成羣。執兵擁護。即警官知之。亦無可如何。尤甚者。不開倉門。踰牆而入。置車輛於壁外。由牆上以布袋盜糧米。此等行爲。實不減於盜賊也。

第九節 軍器

軍器除神機營外。皆古來襲用之器械。無新式適用者。其種類皆叢旗、鳥槍、排槍、擡槍、子母礮、牌刀、雲梯等。其鳥槍排槍。皆名小銃。鳥槍爲鐵鑄之火繩銃。排槍則鍛鐵條穿穴。近製之火繩銃也。又礮車前面備一車輛。後面附以二脚。其運轉者。以獨輪車之性質。僅一礮卒任之。

第四章 新式軍器製造所

中國通商...
新式軍器製造所。有二。曰造船廠。曰製造局。造船廠在各港中。多係外國人設立。本章專述軍器製造之概略。使知朝廷所設軍船及附屬兵器之製造焉。

第一節 造船廠

造船廠有三。一福州馬尾船政局。二上海江南造船局。三廣東黃埔造船廠。黃埔造船廠。由英人購入者。雖備有二船渠。其規模極小。無足觀者。今就馬尾江南二局述之。

第一項 馬尾船政局

馬尾船政局。同治初所創設。為中國船局最大者。特置船政大臣。管理局務。有三船床。有一運轉鐵臺。使用職工千五百人。經費歲額六十萬兩。延聘法人監督局務。內有海軍學校。造船學校。創設以來。所製造之船艦。凡三十隻。其鐵材皆仰給於外國。

第二項 江南造船廠

江南造船廠。在上海南一里半。江南機器局內。廠甚闊大。內有木工舍。鐵工舍。每製造一機器。必先使木工造其模形。付鐵工以鑄造之。創立以來。軍艦已成者計有十隻。尙能造小蒸汽機。結構規模。頗覺不少。

第二節 兵器製造局

兵器製造局。首創於北京、天津、保定、濟南等處。次則上海、杭州、廣東、南京、安慶、雲南、成都、吉林等處。亦皆設立。使用新式機械。製造銃礮彈藥及諸兵器。就中規模重大。稍足觀者。惟上海、天津兩處耳。次則南京、廣東兩局。其他皆不足記。

第一項 上海江南機器局

江南機器局。在上海南一里半。黃浦右岸高昌鄉。同治五年所創設也。局內分九廠。又置分局於龍華鎮。專製造水雷火藥。兩局使用工夫一千人。役長二百人。外國工師十人。經費歲額六十萬兩。本局機器廠。備五十實馬力之汽罐。製造各種機械船具。鍋爐廠。爲輪船廠之一部。銃廠製銃。彈廠製彈。礮廠備六十馬力之汽罐。製造艦礮海防礮。甲鐵皆由英國輸入。

第二項 天津兵器局

天津兵器局。有河東及海光寺兩局。皆同治初所創設者。河東機器局。製造礮彈銃礮火藥。並作銅鐵諸器。備汽罐大小十二。每日消費石炭四千磅。職工八百人。役長二百人。聘英人二名。經費歲額四十萬兩。海光寺局。規模小於河東局。改造銃礮小礮。及諸機械礮車之類。役夫凡五百人。經費歲額十萬兩。

第三項 南京機器局

南京機器局。同治七年所創設。備汽罐四箇。及汽鎚汽鋸。製亞唔士多朗。古鋪形之小礮。及加多林礮。又造礮臺礮彈火藥。其所製出之古鋪礮。每月一尊。加多林礮。每三月一尊。礮彈大小每日約三十箇。雷管每四萬箇。水雷每三月製出一箇。經費歲額七萬兩。

第四項 廣東兵器局

廣東兵器局。分三處。皆在廣州府。一名離明館火藥製造所。所內又分二部。製造火藥礮彈及諸機械。合兩部計使役職工九十人。一在文明門內。作礮身及諸兵器。此外則以四川杭州兩機器局爲稍大。歲額須七萬兩。其僅須三萬兩者。不過製造銅礮小銃彈丸耳。

第五章 驛站及漕運

驛站爲中國之官郵。漕運爲糧米所轉輸。兩者皆於軍事深有關係。本章述其概略。

第一節 驛站

驛站爲兵部所管。專以遞傳官信。選各省要衝之地置局。局內多貯馬匹。使地方官監

之。驛場有二種。所謂驛站者。當京城與各省域之通路。其他充於府州縣道之往來奔馳者。謂之里甲馬。然亦概稱爲驛站也。其往來馳奔之狀。一日殆馳百餘里。每遇河流。備官渡船一隻。以便通行。近來發明電汽。錯冗減去多少。然州縣近地。尙用此法。如陝甘山西河南。皆依驛里之舊。凡往復驛站之差使。有數種區別。第一曰大差。如欽差。主考。外藩進貢。督撫。將軍。提督。學院。調兵出境等。第二曰緊差。如臨時急報奏書上呈等。定限馳奔者。第三曰小差。卽散差。任滿歸籍者。第四曰流差。卽流送犯人者。若驛務有過失。兵部責之督撫。督撫責之布政使。由布政使而州縣。由州縣而里甲局紳。及差丁書役等。嚴重責罰。以是各差使或矯詔命。或額外請求。百弊千害。慘毒極矣。

第二節 漕運

漕運自山東、河南、江南、江蘇、安徽、江西、浙江、湖北、湖南、甘肅、盛京十一省。漕運糧米至北京。其運於京師。蓄藏於京倉者。是曰正兌。以供旗人兵食。其運於通州者。是曰改兌。以供百官俸祿。又漕運定額之外。稱爲漕糧耗羨。徵之以充雜費。漕運總額。每歲四百萬石。漕船九千九百六十隻。大抵由長江至通州。以七箇月爲限。運手爲一種勇兵。名曰運勇。

道光以來。漕制弛廢。運糧漸減。運勇亦狃其弊。於沿途州縣。酷索費用。貪婪無厭。司倉吏胥。亦藉運勇徵索。以爲口實。漁取浮利。是以近來變革漕制。改米納爲銀兩。官府自購入米糧而漕運之。且有汽船之便。漕糧多由江南招商局汽船積載。直送天津。其留運河轉輸者極少。因之河道漸次廢失。水路湮塞矣。

第六章 歲出入及諸稅

中國政府歲入。當乾隆極盛時。有四千三百五十九萬餘兩。歲出約三千一百七十七萬兩。剩餘銀千八十一萬餘兩。至道光中。不過三千六百餘萬兩而已。厥後髮匪亂起。國費多端。乃實施釐金稅。歲之入額頓增。光緒初。閩敬銘爲戶部尙書時。每年歲入銀額。不下八千五六百萬兩。光緒十一年之歲入銀額。有八千六百萬兩。然歲出驟增。尙缺二百萬兩。於是因補充年年設海防費獻金。黃河工事費獻金例等。以至賣官鬻爵。現時之歲入額銀。九千七十四萬九千六百四十三兩。米五百二十三萬四千三百四十六石。大半以供兵費。然此不過表面之數耳。其實際徵收於人民者。殆四倍於此。漢口之地。幅員有百七十二萬八千坪。昔時爲蘆葦繁茂沮洳之地。課其地稅額者。當時稱爲蘆稅。全體僅徵收二百萬兩。今其一坪之中。以徵收二圓核算之。由全體徵收。必

得三百四十五萬六千兩。查其納入於中央國庫者。仍照昔時二百萬兩。餘者非悉沒於官吏私囊。將歸於何處乎。

第一節 鹽稅

凡沿海有井地之地。皆收爲官有。政府開場製鹽。賣於鹽商。每場有一定之製額。若不滿其額時。場官補之。而鹽商之販運官鹽地方。皆有定限。且必有公許憑照。謂之引商。製賣私鹽者。懲以嚴刑。一切鹽務。歸鹽務大臣統管。此國朝以來之制也。厥後各省兼轄。弊端百出。無可奈何。迨經洪秀全之亂。引商等竄亡無餘。由是各省鹽政變革。改行票制。每票包數百引。爲票商者。依銷鹽地方納一定之銀兩。世襲其業。

第二節 茶稅

中國茶法之行。或官賣。或通商。其法雖變遷不一。然始終之爲官業。則一也。至國朝大弛禁制。茶業之面目一新。土民種茶無課稅。獨徵之於茶商。茶商亦有引商。否則沒收。凡頒引者。限於產茶地方。如甘肅、貴州、江蘇、安徽、江西、浙江、湖南、湖北、四川、雲南、福建、廣東等地。其他地人民。聽其適宜買賣。乾隆初。每歲所頒。不過三十六七萬引。及各國通商以後。茶卽爲中國輸出之大宗。今引額竟有六十四五萬引。茶稅已達於二十萬。

一千九百七十八兩之多。

第三節 農稅及地丁銀

國朝農稅。大抵仍明之租役調劑。有地賦、丁賦二種。地賦者。地租也。丁賦者。課男丁數。應於成年未成年。及區別貧富而徵收之。康熙五十年。下詔。丁賦定額。男丁不加課稅。與地賦合。謂之地丁銀。今改爲一切金納。分上下限。凡地租皆因地方肥瘠。其間輕重不同。最重者江浙湖南湖北等處。西部少輕。北部最輕。

第四節 新海關稅

新海關開設于江海各港。所謂洋海關也。海外輸出入品。莫不課稅。千八百八十三年。分江海全部爲十九稅關區。每區置稅務司。皆隸于總稅務司。關吏皆英人。經費極夥。全國稅關。雇外國人。總員五百五十五人。中國人千八百八十三人。貨物出入。全權概歸英人掌握。歐人於此。間接直接。得利不少。而中國人受其嚴酷。殆有不堪之狀。

第七章 郵便

中國內地郵送一切書信。皆寄於信局。飛脚票號之外。別無他道。而開港場各港間之通信。則有工部局郵便。又有稅關郵便。稅關郵便。又有各國之郵便局。聯絡于內外及

各港間。

第八章 電信

中國政府採用歐美文明利器。其最長足之進步。可稱爲新事業之重大者。莫若架設電線。咸豐元年。有馬我望者。陳電信事業。甚益於國。以意見書一篇。將中國文字。用於電報。屢向兩江總督兩廣總督。勸其施設。然中國政府。皆不爲然。其後伊犁問題一起。策應甚爲不便。中國政府。忽有所感。同治十年。標領哈始由中國政府得架設海岸電線之準許。於茲乃發架線之端焉。光緒七年。直隸總督李鴻章。與大北電信公司訂立特約。二十年間。中國陸地電線之聯絡於該社海底線者。舉任之於該社。不問中國人與歐美人。不許獨營此業。自是工事駸駸進步。各地相續。漸見成功。光緒十年。中法事起。越南接壤之雲貴地方。所處僻遠。策應乏宜。於是雲貴四川。亦有架線。同時戰雲。垂於天南。乃由廣閩臺灣。延至東京西貢。北境又年年多事。由是電線西至甘肅伊犁。東北至東三省。與俄相接。東及遼東之邊門。接朝鮮線於義州。遂使八十五萬方里之一大帝國。咄嗟之間。聲息立通矣。總之中國電線。乃由政事上軍事上而成。故爲政府所獨專。其民俗有不許使用者。卽因時宜而或許之。可有停其使用之時。今述詳如左。

東沿岸一帶。上海天津間之線路。光緒八年工成。供於一般使用。天津北京間。翌年竣工。

香港廣東間。及上海廣東間。亦同年相繼告成。其支線由南潯。經紹興。至餘姚。寧波。鎮海。及廈門線。亦於是時告成。由上海經揚子江岸。鎮江。南京。蕪湖。大通。殷家漚。九江。至漢口一線。成於翌年。由漢口。經沙市。宜昌。巴東。夔州。萬縣。至四川重慶。一線。成於光緒十二年十二月。更進而由瀘州分爲二線。一經資州至北方成都。一經奉節過宣威。達於南方雲南。蒙自。開化。成於光緒十三年。由雲南復西進。經大理府。至越騰南趨。由蠻耗及於河口。是橫斷中國東西之一大長線也。

廣東東京間。專爲軍事之宗旨而成。廣東防海間之海底線。成於光緒十年。陸上線。即經佛山。肇慶。梧州。潯州。橫州。南寧。至於東京疆上之龍州者。光緒二十年所成也。後依中法條約。與東京線接端。又於其中成梧州經北向胎平。達於桂林之一線。南海之瓊州線。亦起於是時。

臺灣福州間之水底線。成於光緒十三年。於陸得淡水基隆間之線。由臺南臺北間一端。至海中之澎湖三十六島邊。則成於光緒十四年。

天津芝罘間。更由青濟起工。經濟南周村濰縣沙河。此線成於光緒十一年八月。延而至芝罘與盛海之軍營間。是光緒十三年所成也。於此山東脈即通。

由北京至東三省間。在吉林省域就工者。乃光緒十二年事也。翌年八月。達於伯都納城。漸入於黑龍江省。過省域齊齊哈爾。由愛琿達於俄境之海蘭泡。此間有灤河。有松花江。年年暴決之患。不許設水底線。乃用架空線。同時由吉林東分出一線。至甯古塔。更東至中俄韓三國境之琿春。北至黑龍江之三姓。其支線一由營口經金州。貫通於渤海之軍港旅順。一由盛京經鳳凰廳邊門。接於韓境義州。其最近全通者。北京甘肅間之一大長線也。經保定、獲鹿、太原、平遙、候馬、潼關、西安、涇州、固原、蘭州。乃成於光緒十四年。更於涼州、甘州、肅州就工。其他由濟甯至開封府。由上海至吳淞。由沙市至襄陽。由九江至廣東等。亦皆架設。

此外通於四鄰之電線。數年間前後訂結條約。從事實行。光緒十五年。中俄兩國線。不問何處。得以連結。其結果致北京恰克圖間。琿春海參崴間。遂亦起工。又中法兩國線。亦於光緒十四年訂約。東京之敦譚。與廣東之鎮南關。東京之忙階。與廣東之東興。東京之拉阿解。與雲南之蒙自間。線皆相接。其他依大北線由上海而東。通於日本長崎。

西至香港。消息無不靈通。

第一節 中日兩國間海底電線

日本長崎與加都拉戶島。有二條海底線。各有一心線。其一以千八百七十一年所沈設。其一以千八百八十三年所沈設。二線共屬於大北公司。又加都拉戶島與上海間。有大北公司之海底線二條。備心線一條。其他備心線三條。此四條心線中。有二條係日本因與上海間直接。通長崎二線者。其他一線。接於香港加都拉戶島。又他一線。預備不時之障礙者。

第二節 寄報要件

中國電報局寄報者。其必要載在電報新編。中國各地書肆皆有售賣。一名中國電報符號字引。上海之中國電報局。大北公司與大東公司。共在一處。執電務。故交換內外電報。以通有無。最爲便利。用外國語。雖比中國價高。然與其全用中國語。仍不若用外國語之廉也。又以羅馬語綴日本語。於十箇字母字之範圍內。編成電語。雖極簡便。惟電報規則不許耳。

第三節 電話線

電話僅上海有之。其公司即倫敦電話公司之旁支。名曰中國日本電話公司。點燈料一年五十兩。以各租界之公衙諸公司銀行爲重。商店醫師等。不過引其線耳。

第九章 輪船及輪船公司

中國輪船之航區。大別爲中國沿海。長江沿海。中日間三線路。各航區之輪船。及輪船公司。其數夥多。概屬外國人營業。其全爲中國人所有者。僅一招商局耳。且招商局爲中國政府所有。不過官業。其所以未興一民設之輪船公司者。以中國人惟知於利己一邊著想。苟能利便於一己。即汲汲鑽營之也。

第一節 上海各輪船公司及其航船

上海據揚子江。與海最近。握中國諸航線之樞紐。商船買船。各港往來。大都經過此港。以是先依上海現在之輪船公司。類推以比測各港之便徑。

太古輪船公司。輪船之航路。由上海揚子江岸通於漢口。南岸往來於寧波福州汕頭。香港等。北部由芝罘天津牛莊。東至日本神戶。

怡和洋行輪船之航路。由上海揚子江岸通於漢口。南岸往來於寧波福州汕頭。香港廣東等。北部由芝罘天津牛莊。東至日本神戶橫濱。

招商局輪船之航路。由上海揚子江岸通於宜昌。南岸往來於寧波廈門福州溫州汕頭廣東等。北部由芝罘天津牛莊至北東朝鮮仁川。

般件洋行輪船之航路。由上海而南。航於淡水基隆。又南岸航於廈門。北部往來於芝罘天津。東至於日本長崎。

和興洋行輪船之航路。由上海揚子江岸通於漢口。南航於淡水基隆。南岸往來於汕頭。北部至芝罘天津牛莊。

以上法國輪船公司。往復上海神戶橫濱。英國輪船公司。往復印度香港上海橫濱。和來公司。往復上海神戶橫濱。又往復上海長崎間。仁記洋行。往復上海漢口。又往復上海日本間。禪臣洋行。往復上海漢口香港廣州間。老太沽洋行。往復香港上海長崎神戶橫濱間。協陸洋行。往復上海長崎海參崴間。新寶順往復上海日本間。麥邊洋行。往復上海漢口。華女洋行。往復上海漢口。德記洋行。往復香港汕頭廈門台灣間。其他外國輪船新開航路。始寄港於上海香港等處。爭航權於中國海者。不過二三耳。

第二節 日本郵船公司之定期航

中國諸港。日本郵船公司之定期船。有上海及南北三航線。其上海線即中央線。於橫

濱神戶馬關長崎上海間。每禮拜一往復。北方線。經長崎釜山仁川芝罘至牛莊天津間。每月二往復。南方線。經長崎福州廈門呂宋之眞菲間。每月一往復也。

第三節 由日本至中國各港之三航路

第一爲中央線。由日本橫濱航於上海。更溯長江。經鎮江、蕪湖、九江、漢口、宜昌。至於重慶。第二北方線。由日本長崎。經朝鮮之釜山、仁川。至於芝罘。達於天津。由天津陸路或水路。至於北京。南方線。由日本長崎航於香港。經廣東汕頭廈門福州寧波。出於上海。是卽各港之三航路也。

第十章 鐵道

中國鐵道事業。因李鴻章劉銘傳等。屢次請建。初爲諸保守論者所阻。未易就緒。而頑固之論。終不足抗世運之進步。光緒七年。遂見實設開平鐵路。卽由開平炭坑至薊河關莊九十里之線路也。光緒七年。與光緒十二年。兩次募集百兩股銀二十五萬股。建築鐵路。以轉輪開平炭爲目的。其後線路延長。南至天津。北達古冶。由關莊至於古冶。里數三百十二里。更由古冶至於灤州線路六十里。至光緒十八年始成。進而至山海關線路亦成。由是延長於木甸。經奉天府。達吉林。更有支線。由木甸南下。達牛莊。旅順。

港、臺灣。以劉銘傳之經營。淡水基隆間。有鐵道軌幅一適當之單線路。長二十英里。又湖廣總督張之洞。向有中原鐵道之議。即由漢口達於北京。長大線路之計畫也。因採用其意見。使其經營事業。特任以湖廣總督。嗣爲反對者力阻。一時中廢。後以政府無力。乃拓開其管下黃州府數處。炭礦鐵礦。起大製鐵所於漢陽府畔。以製造鐵道所用之軌鐵。因其基礎。惜製鐵所事業。不免失敗。是亦徒有虛名。不求實際者耳。

第十一章 南船北馬

中國水陸轉運。有南船北馬之語。蓋長江以北。地勢高。乏大流。交通運輸。不得不資車馬。若長江以南。水脈縱橫。江河錯雜。四方皆通舟楫。中國內地水運。自以中部爲最。南部次之。北部僅見陸運反是。

第一節 內部水運

十八省中。由屬於東部諸省而觀察之。江蘇爲長江幹線。雖不乏水利之地。其中尤以上海、鎮江、江寧。據長江要部。足以操縱四方之運線。由鎮江南北以入運河。又由揚州以入淮河。遠通安徽之中央。安徽亦長江之幹線。安慶蕪湖。當其鎖鑰。北經淮河。入於河南。浙江以錢塘江爲幹線。而杭州、寧波、潁州、溫州。爲其鎖鑰。杭州依幹線通於安徽。

南依運河。至江蘇諸州。寧波幹線。則以甬江統餘姚奉化二江。湖州控太湖溫州。擁甌江。江西以九江爲起點。鄱陽湖爲總匯。贛江貫流南北。統括四方水路。各省中最稱爲水利整饬者。山東省惟黃河與運河耳。至於西部諸省。甘肅僅有黃河一水。四川屬於長江。重慶成都。爲其總會。重慶爲水陸要衝。北有嘉陵江。乃由湖北宜昌至重慶之江路。夏季漲溢。灘石沒於水中。行舟極爲危險。由宜昌經激灘。泝於酒碗溪。更過兩灘。至於賸石。兩岸峻立。水勢盪激。雷聲怒號。所謂巫峽之一也。又過一灘。入於瞿塘峽。峭壁挿天。江水溢滿。束激如放萬弩。亦三峽之一。爲楚蜀之關門。自此以下。水流一急一緩。又經兩灘。達於重慶。雲南最乏水利。惟有滇池。南部蒙自。利紅河之上流。通於安南耳。閩粵諸省。水流縱橫城內。廣東以省城爲起點。由西北東三江。通於廣西。湖南。江西。福建。廣西依西江。統歸於梧州桂林。由桂象柳潯四水。傍通四方。福建以閩江之本支流。占十之七八。廣互於江浙。其次爲九龍江及大江江上流。北部諸省。水利極微。直隸河川雖多。其注於白河。運河。灤河。琉璃河。及三角淀。白洋淀者。僅二二三小河耳。由天津溯白河入大通河。達於北京。又入三角淀。浮白洋淀。至省城保定。沂南河至山東德州。遠通南方。山西則汾河以外。別無水路。陝西之可通舟者。惟渭洛及漢水上流。與涇陽河

耳。中部河南。河水雖多。能通舟楫者。不過五六流。黃河由孟津縣向山東。僅有運路。行舟寥寥無幾。衛河可至直隸山東羅灣河。湘沅資澧四流。遠通江西、湖北、四川、貴州、兩廣。其樞紐特推長沙湘潭岳州。爲湖江相通之咽喉。上游湘水。可至廣西。達於江西廣東。由常德沂沅江。可入貴州。水利中部與江西相伯仲。湖北爲全國水運之巨擘。以漢口爲總匯。濱於長江。控漢水。襄陽上流。更經老河口。達於陝西河南。湖澤相錯。沙市荆襄則上水有內河之利。下水有長江之便。

第二節 運河

漕運於秦漢時代。既爲一大經世事業。及漢開渭渠。迨渭渠廢。漕業不振。由長安之大興城。東至潼關。名通濟渠。卽後世之運河也。運河全長凡三百二十五里。合計支渠倍之。此之歐洲有名之運渠。其如斯延長者。亦甚罕見。通於此之大水路。一揚子江以南。由江蘇通於浙江者。一揚子江以北。由江蘇至於山東臨清州者。一由臨清州經天津抵於北京者。

第一項 揚子江以南之運河

由揚子江南岸之京口。繞鎮江府城。至東南丹徒鎮。有一口。名丹徒口。同治初年。京口

游塞。今出入於揚子江之船舶。皆由丹徒口。冬季水減。則由鎮江六十海里下流之江陰口。又由東南丹徒縣過閩城鎮。入常州府界。繞府城。經無錫。入蘇州。東通於驚脰湖。入浙江嘉興府界。此爲本流。浙江運河。於烏程縣之東。合諸溪水。流過舊館。抵南潯鎮。一入江蘇界。東經震澤平望二鎮。合於嘉興府運河。由德清縣界流出。經石門塘皂林鎮。至於斗門。又東抵西水驛。名西漕河。出嘉興府城東隅。爲市河。東北爲北漕河。又東北合江蘇運河。此運河達於太湖及錢塘江。又經嚴州。通安徽而屬江蘇運河。地方分流甚布。有數百條。諺有運河不通之地。在江蘇以外云。本流爲官船北漕之運路。河幅亦廣。水深九尺以上。次於本流之大者。則由上海通於蘇州之吳淞也。

第二項 揚子江以北之運河

此運河由甘泉縣之瓜州口而入。經揚州府沿邵伯湖之東岸。隔一帶堤塘。與運河接。由邵伯州至高郵州城。由西南北折迂回。而抵於界首。河身漸狹。經寶應縣至淮安府。與湖水相接。淮安府城。在運河東岸。西門直接河堤。清江浦。爲南北水陸總匯。頗爲繁盛。涉老黃河。至於楊莊。有洪澤湖。在老黃河合流處。而楊莊自黃河變流以來。爲運河之一港。舟車輻輳。自此以北。爲中運河。入中運河。經九龍王廟。至皂河。經邳河莊邳州。

河西來入於運河。以台莊爲江蘇山東之交界。由此抵濟甯州。隔西岸一堤。接於微山湖。十字河莊。四邊皆沙邱。彭口山河來注於微山湖。運河貫其中。爲十字形。卽運河之要區也。南北各有水關。此處爲運河中最高地。由珠海關。至南陽關十一里半。湖中設堤防。爲水路。東爲獨山湖。西爲昭陽湖。抵魯橋。則泗水注入。自此通於兗州府。由濟甯府抵新黃河。南岸十里鋪。水路則築堤防。於獨山南。臨兩湖畔。寺前閘之分水口。引汝水以增加運河之水量。運河口爲新黃河兩岸。或黃河怒漲。爲所破壞。又有泥土湮沒。而水路乾涸者。臨清州。爲南來之運河。與衛河之會點。由此以北。衛河一線。爲運河達於天津。本流水路之地勢。由揚子江抵淮安府。地形最類江南。水利亦宜。既過邵伯湖。地勢一變。愈北則水流愈少。由此入於山東省城內。地勢漸高。以人工引河湖充其運路。長富亦遜江南數等耳。

第三項 臨清州以北之運河

臨清州以北。經天津達於北京運河。於本州西門外與衛河會。經武城故城二縣。至四女寺。德州之西。有燒鍋市。河船淀泊甚便。經桑園鎮。入直隸界。過東光縣滄州。青縣唐官屯。靜海縣獨流鎮。揚柳青等處。至紅橋之下。入白河。亦通稱爲白河。又云海河。由唐

官屯南。過鹹水沽。至於大沽。亦有一水入於白河。曰小海河。白河乃由天津通於北京之運河。古名潞河。由天津溯回至於通州。泝大通河達於北京。大通河一名通惠河。發源於玉泉山之昆明湖。由海甸流入北京城內。稱爲玉河。爲城壕之水利。出東便川之水關。瀉於大通橋。爲大通河。

第三節 內部陸運

中國陸運。中南兩部。遠不如北部之便。蓋以南方恃水利。不注意於陸路。以故道路廢。車馬不通。北部則由衝要交會之區。以至邊僻之地。大抵築有車道。如直隸山東山西陝西甘肅河南六省。車運盛行。其中以直隸河南爲最。直隸地勢平曠。長城以內。皆得車行。春夏苦於泥濘。惟冬日往來最盛。黃米白麵。難下咽喉。店僕之輩。求茶錢太甚。殊可嫌耳。河南大路廣通。黃沙地多。行旅甚稀。山東水陸相依。旅行嚮便。惟路稍狹隘。有車運特少之憾。山西地勢頗高。大行山脈蜿蜒。與河南直隸分界。邱陵起復。險夷不齊。陝甘兩省。稍類山西。北部道路不佳。車轍馬蹄。深入地中。凹凸亦多。疾行甚爲不便。且路線北平地低。故大雨後。潦水溢於道路。殆與河流無異。中南兩部。惡路更甚。村驛荒涼。湖北襄陽樊城。本當通京衝路。今有輪船之便。道路敗壞。驛舍蕭然。安徽湖南江

西廣東福建浙江江蘇諸省。皆資水利。雲貴兩省。在崇山峻嶺之間。水陸輸運皆缺。行旅困苦。不可言狀。貴州較雲南稍便。四川水陸並盛。借路輻狹隘。不通大車。由北京至各省城。皆有一省國道。悉驛站之所在。先由北京至直隸省城保定。道路平坦。修理周密。道旁通溝。雨後絕少泥濘。至山東濟南府。稍過稠密之區。至白溝店。更由趙北口。通白洋淀之中。至河間府近旁。野無青草。四顧荒漠。遂過山東德州。入於省城。至山西太原府。由直隸保定過井徑口。行砂礫遼闊中。既過獲鹿縣。初進山路。愈進愈高。白石嶺西極險。道旁穴居之民甚多。至鳴謙驛。路稍平坦。達於省城。至陝西西安府。由鳴謙驛南進。稠密市區甚多。徐溝縣近旁煤礦。多出於蒲州。渡黃河。經華州。達省城。至蘭州府。由西安西北進邠州一帶。山嵐秀美。既而由陝甘之境。窰店鎮。柳植路旁。進達省城。至四川成都府。由陝西西安出鳳翔府屬益陽鎮。由此至四川梓潼縣。名曰棧道。所謂蜀之棧道是也。有二棧。一秦棧。一北棧。過此達成都府。至河南開封府。由直隸正定渡低河。赤地八九十里間。三處淤河。至順德府。南至黃河邊。地味漸瘠。植物減少。次達省城。至安徽安慶府。過山東。經江蘇徐州。由廬州府南行。達於省城。至江西南昌府。由安徽廬州越長江。漸達省城。至湖北武昌府。先出河南衛輝。達延津縣北關。輕沙尺餘。車輪

爲沒。由開封府南進。入湖北界。至羅山縣。一望爲開谿平原。人煙濃密。自此漸爲山坡。度五雲山。至黃坡縣。達漢口。隔江可望省城。至湖南長沙府。發武昌。抵湘陰。沿湘水東岸南行。達於省城。至江寧。則先由山東德州。至兗州。其間道路皆係沙泥。步行甚艱。其間曲阜之孔廟。及鄒縣之孟廟者甚多。春秋二季。行人往來。絡繹不絕。自此過徐州鳳陽。依滁州。由江甯縣渡長江。達於江寧。至江蘇蘇州。則經山東泰安府。由淮安沿運河。依揚州。南渡長江。經鎮江常州。達於省城。至浙江杭州。則由蘇州沿運河入浙江。經嘉興府。達於省城。至福建福州。則由杭州溯錢塘江北岸。經嚴州。渡錢塘。越仙霞山。入於七閩。由延平府沿江流達於省城。至廣東廣州府。則經山東江蘇安徽。過江西建昌縣。由省安府。越大庾嶺。入於粵界。從南雄韶州。達於廣州府。至廣西桂林府。則由長沙南渡湘水。沿西岸。再南過衡山西麓。經永州府。入於西粵。達於省城。至貴州貴陽府。則由河南新鄭縣。經禹州裕州。由南陽府過楚荆襄。渡長江。由湖南常德過晃州廳。始入貴界。經鎮遠越州。乃達省城。由晃州入於貴境也。山路崎嶇。必行石隙中。由黃平州三里。過江流兩岸。創立上架鐵索橋。貴州以此爲第一險要。至雲南之雲南府。則由貴陽府經安順普安廳。入於雲南。由曲靖府達於省城。

第四節 陸行及陸運之要具

陸行陸運。必需三種要具。車馬肩輿是也。車運用騾。又用牛馬。及一輪車。或使驢牽之。各車備帆以助行。甚厭陰雨風雪。若一遭之。必投旅店。待晴始行。途中遇雨。則以所豫備之草蓆。掩蓋荷物。尤不免沾溼。至客棧時。輕手車之外。不取入荷物於內。即以車載之。露置棧外。馱運有駝騾馬驢四種。畜騾一幫。有二百頭。騾驢較駝爲少。馬則僅居騾十之二三。日程十四五里。能行數月長途。驢行更緩。一日僅五六里。人運之法。亦有數種。有挑者。有背者。有兩人抬者。有數人共昇者。一人約可運六七十斤。日行數十里焉。

第五節 內地旅行及渡航要件

交通運輸。未得十分之便。客寓陋隘。大都不潔。往來不問晝夜。難免盜賊之患。蓋地方警察保護不備。風土不良。飲食不潔。旅行之艱。乃中國內地之習慣也。中國不問官用私用。非不得已。斷不旅行。遨遊四海。在中國人少此思想。故內地旅行者。必註意周到。防害未然。先善察沿途地方之風土人情。行裝不務華美。銀錢不敢多攜。夏日備棉衣。晴日具雨傘。所往之地。必告親友。非親密慣於旅行之人。不與同行。即途中遇有求同行者。亦常謝絕。投宿遇不良人。即顧而知他。雖四顧無人。勿拾遺物。早宿遲行。越山不

乘輿。船中不飲酒。車上不吸烟。棲宿時少出室外。必閉其扉。對他客必謙恭。不多談。夜半有扣門者。謹不開。不與他人同宿。勿入他人之室。鄰室火警。先自守之。鮮肯往救。訪問官吏。則衣冠乘輿而往。投以名刺。請其會見。民冤訟案。不措一辭。惟問民俗。有饋遺者。實其使者。其他虛禮。無不勝枚舉。同一國也。而有各省之分。然其大概殆無過於此者。

第十二章 外國貿易

第一節 外國貿易小沿革

中國與海外諸國相通久矣。東漢時。羅馬有使節往來。明之中世。葡人初來中國。西班牙人荷蘭人。亦相繼來互市。正德間。即千五百六十年。法蘭西人以朝貢爲名。入中國。在廣東省西岸廣州城外發磯。遠近居民。危懼騷擾。正德帝頒嚴令逐之。當時西班牙葡萄牙之弘教徒。法蘭西斯康派之徒。率其商船隊遠征中國。千五百二十二年。葡人又來青澳互市。忽構中國之民怨。浙江巡撫焚其居留地。乃遁於廈門。久屈於地方官虐待之下。至千五百四十四年。又被逐。遂於澳門設商。經營互市。此千五百五十七年事也。邇來三百七十餘年間。以澳門爲中國與歐洲交通之介紹。於是西班牙荷蘭人

等亦倣葡人之例。於廣東廈門。開一互市場。其後西班牙荷蘭人。漸退。代其來侵者。則爲英人。千六百三十七年。英之東印度商社。以維堆利爲隊將。編制貿易遠征隊。派遣中國。是爲英人侵略中國之第一發端。及貿易遠征隊之入中國也。礮擊各處海岸。礮臺至廣東。略礮臺。奪船船數隻。後對廣東官吏。通告其來港之好意。中國官吏懼其凶猛。不敢責問。乃聽許其通告。議定通商事宜。由是英國東印度商社。與中國交通。日趨月步之勢。遂流入慘毒烈害。中國國內。當初遠征隊之未侵。經百二十四年。於千七百五十七年。朝廷下詔。限定廣東一港。爲互市場。嚴禁外國貿易於他港。英人屢解其禁。欲施其開闢他港之策。不得奏效。千七百九十二年。梅刻勒者。以此宗旨使於北京。頻請開港。朝廷峻拒。令國內嚴守其制。當時廣東互市一港。中國官吏等。居爲奇貨。多立名目。於定稅以外。苛斂酷索。大困外商。中國商人。亦弄狡黠之計。介於外商官吏之間。兩奪其利。乾隆以前。鴉片輸入之禁甚嚴。外奸難犯其禁。嘉慶以後。其禁漸弛。英商來市於廣東者。一意輸入鴉片。及道光時。其弊更甚。嘗由東印度商社。呈出於大不列顛國會。後公布於歐羅巴全洲。據其報告。千八百十六年。即嘉慶二十一年。輸出於中國之鴉片。其價額有三百六十五萬七千西班牙兩。千八百三十年。即道光十年。有千二

百九十萬三千一西班牙兩。十四年關。價增四倍。又閱六年。增至六倍。英商犯貿易之規則。密輸鴉片以來。尙爲不足。更於廣東廈門以外。輸入於遼東灣岸之牛莊。毫不畏憚。英國政府。更欲得夥大利益。千八百三十四年。即道光十四年。剔除東印度商社之特權。許其與一般人民。鴉片貿易。該商會得英政府之保護。勢力頓增。當時英人亦有痛論鴉片貿易之非義者。中國患之。亦屢諭告英人。絕無功效。乃下嚴令。使林則徐便宜行事。林抵廣東。嚴禁販賣鴉片者。查獲英人輸入鴉片二萬箱。遂焚燒之。且捕英商於獄。加以壓力之壓制。鴉片戰爭於是起矣。英軍一戰。陷廣東。再戰掠香港。略廈門。溯長江。占鎮江。猛迫江甯。朝廷償金講和。即所謂南京條約是也。此道光二十二年之事。據此條約。開上海甯波福州廈門汕頭五港。爲互市場。後因亞爾羅號之捕擊事起。中英再開戰端。法軍亦與英軍同盟。陷天津。迫北京。朝廷驚駭。上下不知所措。皇帝避難熱河。不得已。講和於英法同盟軍。當時英國爲訂結委員者。耶爾丁也。彼以此葛藤之起。乃由於英軍之輕侮。實屬可恥。而朝廷亦爲不義不德之英法同盟軍暴燬掠奪。不得不繼天津條約。乃朝廷一時拒其批准。同盟軍兵脅迫。焚圓明園之夏宮。是宮費數千百萬兩所建者。朝廷乃確定天津條約之義務。條件。耶爾丁曰。英人此戰。令中國人

民抱萬古不忘之情。云。依此條約。英法兩國。常以公使駐紮北京。且約兩國人民。出入中國諸省之特權。又開港門五口。自後各國相踵而來。締交通商。致有今日也。

第二節 外國通商締約年月

當時外國與中國締交通商條約者。有十六國。其締約年月如左。

俄羅斯國 康熙二十二年七月議定條約

英吉利國 道光二十七年二月議定條約

瑞典國 道光二十七年二月議定條約

那威國 道光二十七年二月議定條約

丹麥國 咸豐八年五月議定條約

法國西國 咸豐八年五月議定條約

德意志國 咸豐十一年七月議定條約

暹羅國 同治二年五月議定條約

荷蘭國 同治二年五月議定條約

西班牙國 同治三年九月議定條約

比利時國

同治四年九月議定條約

意大利國

同治五年七月議定條約

奧大利國

同治八年七月議定條約

秘魯國

同治十三年五月議定條約

日本國

同治十年七月議定條約

巴西國

光緒七年八月議定條約

第三節 中國各港貿易額

中國各港貿易額。開港卽上二億餘萬兩。逐年增加。於千八百八十五年。達二億八千萬兩。經四年至三億八千萬兩。額亦巨矣。致算銀位。實有五億八千九十六萬四千四百八十圓。今揭各港概表與國別概表於左。

港名	千八百八十五年	千八百九十年	增減
牛莊	八二九八二五兩	九四三〇〇四兩	一一三二八九兩
天津	二六三四七五五	三二四四二二五	五〇〇九四七〇
芝罘	一五七九五〇〇	二六六六五八	一一〇九〇五八

宜昌	三三二七〇〇	四七四七三二六	四八四三八四
漢口	八二四六六八	四七二〇八九	六三六七六〇
九江	一〇二二〇六四	二四二八二八	一五六一五四
蕪湖	五三三三六〇	七三五四六八	二〇九九一〇八
鎮江	三二八七四三三	二二五二二七六	五三三九四五
寧波	二四二二〇〇七	二二七四〇〇〇	二二二九九三
上海	六〇二六二九六	一四二五四九九九	八五八七〇六二
溫州	四八七七八〇	六五九七七六	一七二九〇六
福州	一五〇九七七〇	一四〇五五二二〇	二〇四三六〇〇
淡水	四四九九二五五	五三六五〇〇四	六七五七四九
打狗	二四七八六八一	二七四六四六四	二六七七八三
廈門	二二九六四三〇	二二九三〇〇八	三三三三三
汕頭	一九二六八一五六	二二九八六七〇三	二七二八五四七
廣東	二八八〇四三四	五九七三二一七	一〇七六八九三

第四節 外國直輸出入價額

據千八百八十五年。中國出版之稅關報告。同年由諸外國直輸入之總價額。有一億千八百八十五萬四千三百五十五海關兩。一海關兩有一角八分。即一億六千三百二十二萬六千六百四十元餘。比之前年略減。今將輸出入於各港者分之於左。

港名	輸 入	輸 出	
瓊州	二七五七〇三六	三九五九四九	四六二〇七
北海	二五八四〇三	四六〇七二六	二〇三三三〇
計	二八〇七三七六	五七三〇九三二	二二八八三六
比較		一〇六五六七五八	五三九八〇〇
上海	三三三三三三〇	四〇三〇三三三	
九龍	一三六四七九三	一四二九四九九	
廣東	一〇九六八四四	一九四七六六四	
汕頭	六九六三三三	一八〇八八〇六	
廈門	六三三六六八	四〇七二〇六	

投巴

三三三三三

一三三三三

北海

三三三三三

八九五五八

蘇州

三三三三三

三五六五九

天津

二二二二二

〇三三三七

漢水

二二二二二

八四二五〇

芝罘

三三三三三

四三三六〇

打狗

二二二二二

六三三七五

瓊州

一〇九九一

三三六七三

牛莊

三三三三三

九九四四〇

寧波

二二二二二

八九六二九

蒙自

六三三〇〇

八九六二九

鎮江

三三三三三

一五〇八

龍州

一〇八六三

一五〇八

蘇州

九八六五

一五〇八

漢口

六〇四

五五七五九八

溫州

五〇〇六

九江

一九九五

一〇八五〇

又將各外國輸出入者分之於左

輸入

香港

六三三七一〇八一

英國

二二二六七三三七

印度

七九〇六五六八

日本

六六〇二八三三

北美合衆國

三八〇五六六四

澳門

三三三三三三三

歐洲大陸

三三〇九九八

在歐外國

新嘉坡

一八七四二五〇

英屬亞美利加

九四九九六七

俄國阿堆沙

五八六一七

濠州及牛咀郎島

三〇九九七

安南

三三〇一四

朝鮮

二〇四四〇

土耳其埃及波斯亞丁

二〇二四〇

俄國西伯利亞

七九九九

菲律賓島

六〇六八二

新馬達拉及瓜哇

六四〇三七

暹羅

五六一五

輸出

香港

三二二八六六四

歐洲大陸

在歐外國

一七五三三〇七

英國

一五六五九九七

北美合衆國

七〇八四三三

俄國及西伯利亞

六七九〇三三

日本

六四六九〇三〇

濠州

一七四四九九

澳門

一五四二二二

新嘉坡

九六六六〇

俄國

四九六〇六〇

暹羅

三五四八七一

瓜哇及斯馬達拉

三三三三三〇

菲律賓島

三三三三三〇

南亞非利加

二〇五九九七

朝鮮

二〇〇〇六六

土耳其

一八〇二七七

印度

一七七八〇八

牛咀郎島

一五五六〇〇

英領亞美利加

九六〇

安南

六二六

南亞美利加

三三三

輸入品之重者。鴉片、洋布、石炭、石油、火柴、硝子、毛織物、銅、海產物等。內金巾逐年增加。每年輸入價額。有四千三百萬兩。實六千五百萬餘元也。鴉片逐次減少。此非需用者之減少。因中國有製產耳。然每年輸入額。仍有三千四百三十餘萬兩。而中國物產輸出於內外之品類。其最巨者。茶、絲、棉、皮毛、藥材、砂糖、蠟、漆、果物等。皆足以博巨利。茶更盛大。十餘年來。被印度茶壓倒。每年輸出額稍減。使中國茶業商人。痛心疾首。近年銀貨下落。金位騰貴。勢必促中國物產之輸出。茶亦大受刺擊。能有輸入於英京之勢力。則其價額可以回復矣。

第五節 輸出輸入之真相

中國之外國貿易。輸入之超過輸出者。二千六百餘萬兩。其所得者。不足償之。鴉片、洋布兩種。品物最大。合其輸入額。七千七百三十餘萬兩。正占總輸入額五分之四。此兩種輸入品。其得永維持於將來耶。現鴉片內產增加。逐年減少其額。洋布漸為強且廉。

者。迥非外品之粗劣可比。官民共勵織布事業。其功稍著。外品輸入。失其勢力。是亦中國之外國貿易一轉機歟。果使鴉片洋布。失勢力於中國市場。則外國又將以何物續其跋扈之勢力耶。中國外品輸入額。鴉片占三分之二。其他純為歐洲產者甚稀。無非載中國產物於歐船。運送各地方耳。謂之貿易。未必為然。據奧大利亞所調查。外品輸入總額。及鴉片輸入額。歷年比較表揭之於左。以供參考。

年度	輸入總額	鴉片價額	外由香港輸入 之鴉片價額
千八百七十年	六三六九三六八	二六八八〇四五	三三六六〇〇〇
千八百七十一年	七〇二〇〇七七	二九二六一五三	二〇五七七五三
千八百七十二年	六三三二七〇九	二七六五三三四	一五四七五八三
千八百七十三年	六六六五七〇九	二九〇二六九七	一三七二六三九
千八百七十四年	六四四八〇八四	二八五六四八二	一二五九九四八
千八百七十五年	六六八〇三三四	二五三三〇六五	一二一八二七〇
千八百七十六年	六〇三六九四四	二八〇二八九九	一二三〇五七六
千八百七十七年	六三三三二七〇	三〇三七八二三	一二三四六九四

千八百七十八年

20802037

3329257

13105100

千八百七十九年

8333434

3556617

14360064

千八百八十年

7925433

3344628

16705803

第六節 中日貿易小沿革

中國與日本一筆相隔。勢不能無交通貿易之事。徵之歷史。唐之商船。曾至日本。太宰府。通商發端於此。唐船之互市者。必在太宰府。後宋之商人。屢被日本追還。乃禁通商。永承元年。有御原守武者。私入於宋。經營商務。翌年歸。流於佐渡。悉籍沒其貨物。後彼商人渡遼。定設規則。以他事廢止之。當時宋之商人。頻來邊海。屢請往來交易。彼乃渡航於宋。限船隻之數而交易。時僅五隻船也。閱時既久。彼太宰府奏於日皇曰。胡元南侵。宋室殆亡。我商船在其地者。恐遭險難。不若遁歸云。後果元兵大舉。襲其西邊。自是官船往來者全絕。歷九十四年。乃如初。明帝遣使覲見。彼贈物於明帝。答之。及其歸。求勘合符以得百通。又定貿易船數。閱數年。又求勘合符。及書籍銅錢。明帝贈之。後復求十萬緡。遣人來中國貿易。又遣僧等至明之沃甯。僧等爭入港之序。而門。尋占領甯波紹興二府城。以日本國號封府庫。後彼無賴之徒。掠閩浙沿海。無甯歲。明之南船。至日

本豐後。彼遣商船於明貿易。命某氏管勸合符。卒被兵火所失。干戈騷擾。復求於明。無有暇日。貿易衰替。明船至長崎通商。當時日本命藩主大村純忠。割地定境。移商戶於長崎。自是商船往來無止境。經年遣使於朝鮮。致其意於明。朝鮮不答。遂動干戈。彼慶長十一年。家康氏求勸合章於明。以爲商船之信。明船十艘。渡於薩摩。家康命上載貨目錄。翌年與朱印於廣東商人。許其貿易。又與書於南京人。又與書於福建總督。效足利民之故事。定勸合不得報。又長崎奉行贈書於福建總督。乃得之。數年間。令彼九州諸國。許明船來往貿易。由是鹿兒島、博多、五島、平戶、長崎等處。明船來往不絕。至彼寬文八年。送甲冑武器於中國。事被發覺。大坂商人數名處刑。閱二年。禁中國商人密賣積荷。並禁其船舶與中國交易。歷數年。長崎代官某。竊送兵器及日本地圖於中國貿易。船被破而還。奉行摘發之。流某於隱岐。厥後中國福州、廈門之商船十三艘。至長崎。有官員二名。奉行即諭止將來官船渡航。速使歸帆。乃置番人檢察中國人出入。又定中國船歲額七十艘。三年更許十艘。閱數年。中國船載耶穌教禁書去。被焚。又閱數年。設定中國船三十艘。給以信牌。後中國船四十二艘渡航。十二艘無牌。被逐還。此時中國船欲於長豐之筑洋上。謀密賣積荷。二年又泊於引島、白島之間。事被覺。又追還。五

中國通商史
年拔荷船至於藍島洋。又被逐。焚去船三艘。屢去屢逐。不知凡幾。貿易事業。甚難交通。彼國嚴禁。中國人犯禁者。不可勝計。甚至商人被捕。刑罪亦非一次。迄國朝同治間。始議定通商章程。共訂海關稅則。而違行之。後有琉球藩民六十九人。海上遭風。漂泊臺灣。被臺地生番殺害者五十四人。得生還者十二人。於是有征臺之舉矣。石門一戰。討平番窟。中日兩國。國際談判。償金五十萬兩。事始平。日本遂注意於臺灣。屢欲尋釁。朝廷不知振作。視臺灣非己有。光緒甲午一役。遂被割據。由是日本之勢利。漸普及於全國。而其於中國。貿易亦勃然興盛矣。

第七節 日本與中國直接貿易諸港

日本與中國。有直接貿易之關係。如牛莊、天津、芝罘、甯波、福州、淡水、臺南、漢口、九江、上海、廈門、汕頭、十二港。交易價額。逐年增加。於貨物需用之點。長江沿岸諸港。皆經由上海。上海以南諸港。皆經過香港。今不及記其價額。

第八節 輸出於日本三大品

由中國輸出於日本者。有三大品。大豆、棉花、砂糖。是也。大豆多出於牛莊。棉花多出於上海。砂糖每年由臺南直輸於日本。其他多經香港輸送。此三品中。大豆棉花。占輸出

額。四分之三。餘則皆砂糖焉。大豆豆餅砂糖等之輸出。不經上海。由他處直接向日本者甚多。故由上海輸出於日本之價額。比中國各港一般輸出於日本之價額。其地位固不及。然輸出品最重者。棉花爲首。其他各貨物。概由上海輸出。上海誠不失爲最要之地位乎。

第九節 輸出於朝鮮之貿易

中國輸出於朝鮮之貿易。亦以上海爲中心市場。每年有長足之進步。又外國之輸出者。多屬洋布。中國品多屬絹類。

第十三章 銀行及諸商店

中國官府無紙幣。以銅錢爲主。以銀塊爲流通之國柄。銀行大者。資本最裕。各省皆設有支店。由各省布政使納於戶部。綽有交通機關。其他各處。設有銀鋪錢店。流通以便商賈。貿易各港。設有外國銀行。爲數亦少。

第二節 中國銀行

中國銀行有三種。曰票號。曰銀號。曰錢鋪。票號爲大銀行。銀號次之。錢鋪最小。兼管兌換。皆以當地之券票融通。故商工業之重者。皆往來聯絡。至於票號。恃有五十萬兩。乃

至一千萬兩之無限責任。如換兌匯兌貸金貯金等。及出納之方法頗佳。規模頗大。銀號比票號之數爲多。而營業區域狹隘。錢鋪更多。市鎮稍盛者。大抵有一二錢鋪。若大都會。竟有數百戶之多。其資本。少則一千兩。多則萬餘兩。

第二節 外國銀行

票號以下之中國銀行。規約雖爲嚴重。然其方法則極簡易。數萬大金。惟憑信用。貸借足爲融通至便之利器。而外國人直不能往來出入。故各港中之重者。設有外國銀行。此等銀行。多爲歐美之支店。概由合資而成。外國銀行。換匯貼水銀。皆以一分爲定則。惟各港銀價。差異實多。不免變動。實際必以甲乙地之銀價比較。貼水銀一分外。有餘則返之。不足則補收之。通常由上海日本諸港取銀洋時。百元貼水六角以內。中國銀行之換匯法有二種。一全爲兌換。一送現金。現金貼水。如金一兩。付洋一角。銀每兩付洋二分。今內外之匯兌者。大抵依賴外國銀行。貼水銀每千兩付銀三兩。多至十兩。

第三節 銀行紙幣

各港外國銀行。發行紙幣。以便融通。其紙幣惟限於當地用之。不論何時。可以兌換銀貨。若於他處。縱有同行之支店。非貼幾分水。不肯兌換。中國銀行。卽票號銀號也。皆係

商人私設。政府無保護條規。發行銀票。助當地之流通。票有二種。一卽票。一期票。卽票者。不論何時。可以持兌。期票者。明記兌換日期也。其他各店。亦有發行票。皆視商人實力厚薄。如何爲信用耳。

第十四章 農工產業

第一節 農業

中國古來爲重農之國。然今則衰退矣。察其狀態。南部土地狹。人民多。山林藪澤之曠地。耕種無餘。西南部山岳多。平地少。農夫擇平地於山上。或倚崖側岸畔。築積土石。以爲耕地。北部土廣人少。耕地隨在可擇。而地味氣候甚劣。農民習於儉惰。故農事日見退縮。農具粗笨。其爲不便。蓋因守秦漢遺法。毫不加新意改良故也。南北皆稻田麥圃。北部主種田種麥。南部主水田產米。故北部皆麥。南部皆稻。北部細民不得米食。而麥爲南部貴物。知西南雲貴地方。貧民幾不知白麵爲何物。

第二節 農產物

米種不少。名亦各異。概而別之。有糯米黏米。二種。米質產於山西晉祠者極良。甯夏產亦優於南方。江蘇湖南湖北各省。稱爲秬種。皆爲上米。產額亦多。江蘇湖南湖北所謂

漕運糧之產地也。其他閩粵諸省亦產米之地。膏粱種類多產於旱燥之地。以四川爲最多。且其質良。又有蜀黍之名。豆多產於南北。牛莊最多。麥分大麥小麥蕎麥三種。其質甚良。北部多。南部少。而中央湖北河南其地高亢。麥產之良冠於全國。黍亦以北部爲最多。其柔者謂之糜子。北部之常食也。麻多產於南省山地。種類甚多。有苧麻苘麻大麻火麻青麻芝麻等。絲麻棉麻爲苧麻之最良者。四川產謂之川麻。其淡綠者曰綬定之川青。蠟有黃白二種。白蠟以四川嘉定產爲美。黃蠟以陝西同州產爲美。生薑及蔥。全國愛食之物。蘭爲南部織蓆之用。人參爲最貴之藥品。產於滿洲山林中。旗人採以供帝室之用。故稱其產地爲官山。其他藥草大抵各地皆產。

第一項 茶

茶爲中國農產物最重之品。實輸出品中之一大宗也。古來頗重栽培。茶有數種。曰綠茶。曰紅茶。又別有甄茶。茶末。雖然各種本同一類。其色所以有紅綠之異者。乃製法有不同耳。產地皆在南省。如雲南四川湖北湖南江西安徽福建浙江最盛。紅茶以福建武夷爲著名。湖南湖北亦稱名產。摘茶時候。總在清明穀雨前。最早者爲龍井。製運者則江蘇之六安。雲南之普洱也。採於穀雨後者。湖北羊樓峯之產也。此等專製爲甄茶。

近來俄人於漢口福州九江等處。設甄茶製造所。運轉蒸氣機關。晝夜製造。蒙古西伯利亞緬甸之北部等。皆需用甄茶之地。輸出最夥。有壓倒中國從來製茶家之勢。

第二項 棉花

棉花亦農產之一要物。於貿易上大有關係者。專產於南部地方。以江蘇浙江湖北四川最多。種類亦有黃白二種。黃種名紫花。產額極少。貿易亦不多。白種俗稱皮花。各地皆有。紫花多產於江南地方。紫花布即此產也。江花產於中央地方。名浙花。種類品名頗多。而品質最佳者為江蘇產。在上海製出者。名機器花。通州之棉花。古來有名。而湖北產次之。產於黃州地方者。價貴於通州產。概而言之。湖北產最良且多。

第三項 鴉片

鴉片原由亞刺比亞。及波斯。傳於中國者。明世漸用為藥材。英商由印度輸入。為最大貿易品。近來中國自行培植。各省皆有產出。以西南部為主要地。中國人通呼為洋藥。洋煙。所謂阿片。鴉片。阿芙蓉者。皆亞刺比亞語之假音也。而中國人嗜鴉片煙之形狀。實不可以言傳。各省各地。不染此毒者幾希。窮街小巷。烟館羅列。老弱男女。日夜出入其門。河岸則從大船延引烟客。無論官民。一應一酬。大抵以此物欺待。上海一隅。米鋪

不及烟館三分之一。亦可見其一斑矣。

第四項 蠶絲

中國蠶絲。亦輸出品中之一大宗。與茶並重。業此者。勢日增加。浙江杭州。爲蠶桑首地。廣東四川湖北。亦多產佳種。山東河南次之。江西亦在其下。山東山西貴州河南關東等處。爲養蠶無桑之地。山東山西。以他樹葉養山蠶。常得大繭。貴州以橡葉養蠶。以補桑之不足。品質亦佳。製出大定綢。河南以木蓼代桑葉。培桑法有壓修接三種。能長育桑樹。又有防治占三法。以豫防驅治其蟲害。及占定其年之吉凶。至於養蠶法。各地不同。不能枚舉。今能稍改良法。則輸出品更可貴矣。

第三節 工業

中國工業。分爲舊新二種。舊工業消沈已極。新工業現尙未興。舊工業。僅南方有磁器及紫檀細工等。彫刻繪畫。原爲中國人特技。綉綉綾紗等。織工稍有可稱。所謂新工業者。僅紡績織布自來火三種。其他屬於外人營業者甚多。不得稱爲中國之工業也。若官設工業造船術。製鐵工。每稱發達進步。凡此皆以南方爲主。中央諸省。僅製作日用器具等類。北部殆無工業可言。

第一項 紫檀細工

本工有大小。作房室家屋曰大木作。彫刻器具曰小器作。小器作中之著名者。乃廣東近旁之特產物。紫檀細工也。廣東之輸出海外者。製出椅子桌子及其他新器具之類。用材雖名紫檀。其實紫檀早盡。今不過煎熬紫檀之汁液。以塗山梔。擬爲紫檀耳。近來上海等。更以蘇木之煎汁。塗於他木。冒爲山梔耳。

第二項 製糖菓

糖爲中國輸出品。次於絲茶者。種類分爲白糖紅糖冰糖三種。製產地以兩廣江西四川爲主要。福建臺灣亦多。由廣東福建臺灣輸出於日本者頗夥。如臺灣糖以日本爲一銷路。今臺灣已被割。則缺一輸出品。此外河南有柿糖。又有飴糖。苕糖。皆各地以米麥製成者。

第三項 織布及紡績業

上海有機器織布局。棉布製造公司。雖係私立。亦出於政府所勸誘。專以防遏輸入洋布爲目的者。公司有政府特別之保護。該局創立十年間。禁他人營此業。製品販運他方者。僅收正稅。免除一切釐稅。經費每年需二萬四千兩。每日製出額。約八百疋。每年

除禮拜日。所製之額。有二十萬疋。湖北武昌府。張之洞建立織布局。爲光緒十八年。十月二十一日所開。其材料仰之本省外。有通州棉。又有紡織新局在上海。與機器織布局相同。其受保護。織工男女七百人。其原料取於某公司。製品則供給於上海。漢口等處。又甘肅蘭州府。有羅紗製造所。近年福州地方。以日本式一人手織機杼。製造棉布。斯業最盛。

第四項 湖北製鐵所

製鐵所。前述鐵道中已言及之。本所在湖北漢陽府城北。大別山之麓。瀕於漢水。與漢口相對。計畫爲中原鐵道之基址。製造鐵軌。又資軍備之一端。以製造銃礮軍器爲目的。隔漢水五百適當之岸頭。布運輸鐵道所。內分練鐵製礮二部。取鐵材於湖南。石炭取於黃州府之大冶縣。據實際試驗。大冶炭火力薄弱。強熱鐵材。計算甚左。結局恐終於衰敗也。

第四節 漁獲海產物

漁獲古有此制。近來不行。空有課稅法。海島設有漁團保甲。附以號票。供用船舶檢查。兼給其戎器。使防禦海賊。故無徵收漁稅之特制。一帶漁民。貧寒者多。自無漁區。乃出

租金借漁區。又受魚鋪之招販。遠浮數百里。冒盡危險。以求獵獲之利。今以關於海產物者。略述其狀況。如左。

魚翅 中國人賞美魚翅。且爲一種強壯劑。在中國則產於臺灣福建廣東甯波等處。由日本印度新嘉坡波斯等處輸入者。有黑白二種。以白者爲上等。海參 無刺之海參。無處無之。福建最多。有刺者僅浙海一部。名曰刺參。亦有黑白二種。黑海參爲上等。日本產色黑。肉薄味美。產於馬尼拉、蘇門答、刺馬拿兒等處者。亦多入於中國。

鮑魚 中國沿海皆產鮑魚。最佳者推廣東。其製法有明製灰製兩種。明鮑要乾燥新鮮。忌鹽而貴大。北京天津大形者始能流行。蓋官吏贈遺所用。烹調尙結搆華美。而粵閩等地。則嗜灰鮑。

魷魚墨魚 有二長鬚者名魷魚。無者名墨魚。浙廣沿海最多。其製品貴黃色。尖形圓形次之。肉喜厚。其形偏廣者。不適於用。

蝦米 廣東江蘇甯波沿海。及牛莊近海產出。乃將來有望之品。淡菜 產於福建廣東沿海。冬季爲佳。中國古來用饌料。又足助衰弱之補藥。近來

產額甚減。日本輸入於中國者。勢見增加。

鱈干 甯波近海。有人爲之蕃殖法。日本產名東洋鱈。銷路甚廣。

乾貝 名江瑤柱。又名貝柱。產於閩海一帶。

蜆皮 越海一部。及甯波近海產之。雖有由日本輸入者。而製法不佳。故聲價甚低。

第五節 牧畜

中國驛站。甲馬等多。蓋不僅要蹄力。卽地勢亦有必藉車馬之力者。且無肉食。畜獸養食之風尤甚。牧業所得不衰者。職此故也。

第一項 牧馬

馬有二種。由直隸張家口及山西殺虎口而出。乃蒙古諸部之產。名曰口馬。四川產名曰川馬。口馬軀幹大。其數多。各省皆用之。川馬身小。又少。僅供滇蜀山路跋涉之用。馬大抵爲蒙古人之私牧官場。唯有於張家口外者。編牡騾九十頭。驢馬五六頭。兒馬一頭。爲一小羣。合十小羣。或合百小羣。爲一大羣。以牧人三四名管之。至於夏季。除兒馬鬻於市。非官馬而爲民用馬。由口牧買取者。先由戶部得龍票。至於口外總買一羣半羣。或四半。羣價之高。一羣有出一千兩者。陝甘口外及關東等處。驢馬最多。貿易方法。

稍易。價高者。一頭值數百兩。驢與驢大抵多共產於一地者。乘騎套車。皆用牝。價之最貴者。可值千金。尋常牡驢。每頭三五十兩。北省各地有獸市。名馬橋。牧駱駝者多在沙漠。直隸山西陝甘地方。皆有駝廠。

第二項 牧牛

牛有兩種。一名黃牛。蒙古地方最多。南部諸省雖有之。農戶或僅畜一二頭。助耕耘而已。然體力甚弱。鮮能役於水田。一名水牛。即役於水田者。其性極溫和。中國人以牛爲農獸。故有禁食牛肉之令。

第三項 羊豚

羊有四種。其棉羊山羊。蒙古各部有大牧場。不下千餘頭。直隸山西陝甘地方亦多。其中古羊。產於蒙古之中古地方者。形若山羊。毛類棉羊。羚羊。產於蒙古之阿拉山一方者。豚即猪也。各地皆畜之。種類有黑白斑與淨黑二種。中國人恆喜食豚。羊次之。

第六節 山林

山林上古稱爲山農。制度整然。後世漸弛。元明以來。殆將全絕。今全國無一官林。民林亦毫無保護。內地諸山。斬伐無時。且無餘林。水源爲涸。旱魃之災。頻年相繼。今木材產

地。以廣西苗疆諸山。湖南及北西諸省爲重。大山深林。在廣西苗界。松柏柳杉。皆可爲棟梁。椴梨楠柚。皆雜木也。松柏以苗境。蒙古爲最多。香杉多出於四川江浙。楊柳各處皆蕃。多植水邊。梧桐多產於楚蜀貴陽連境。楮樹江浙爲多。漆樹則嚴州四川陝西雲貴湖北諸省爲多。竹以湖南爲最。概云南竹。梅多產於閩浙江淮之南地。桃多產於江西湖南湖北。李推四川。松林稱陝西。梨則自古稱淮北。紫蘇梨產於山東。國中之絕品也。楊梅爲吳中名品。葡萄有名於隴西河東。銀杏各省有之。橘以四川廣西爲盛。棗多產於浙江。胡桃多出於北省中央省。栗以山陰爲最有名。柿多出於西北地方。香櫞產於南西。枇杷以漳州爲多。櫻桃石榴。各地有之。惟石榴產於吳中者。形大而色紅。其他形小而色黃白。荔枝仰於閩粵。橄欖亦然。檳榔產於南海及粵南州郡。

第七節 鑛業

中國鑛業。上古既盛。中古漸衰。社會之進步。需用鑛品。益見增加。鑛礦逐次發見。數亦不少。國朝置鑛務官制。掌理採務。然拘守舊法。久阻開採之事。今則漸明開鑛要務。乃布鐵道。開道路。更利用新機械。以擴張鑛務。

第一項 石炭坑

石炭坑。中國最多。西部山中有大石炭脈。又有光輝石炭脈。據英國土木學士所測算。中國僅北部之地。有八萬三千方英里炭山。現開採者。直隸山東山西福建四川湖南雲南盛京等地。其中直隸山東山西四川湖南臺灣爲最著名。近來直隸之開平。江蘇之桐山縣。安徽之貴池縣。湖北之荊門州等處。產煤鐵。募資本。用新式機械。從事採掘。近時各省炭鐵坑。告開採者益多。東山坑每日採額。多至一千餘噸。林西炭坑亦同。

第二項 金銀鑛

金銀等鑛。各處不乏。然以雲南爲最多。其他則金在直隸甘肅四川兩廣臺灣滿洲。銀在兩廣貴州河南甘肅等處。而採金法。或由川底採取。或由沙地淘汰。又由地坑採掘。在滿洲於帝室所屬之金鑛。用美國之水力法。而各鑛之採額。固不知之。黑龍江省齊齊哈爾之西北。胡瑪爾河上流之金鑛。產出之沙金。量數尤多。以此一地之產額。可敵西伯利亞各處之產額。又雲南所出之銀。歲約有一千一百萬兩。其質亦極純淨。

第三項 銅鑛及諸鑛

中國全土。無非鐵脈。直隸山西湖南最多。安徽福建山西陝西四川雲南湖北兩廣產銅。足供全國需用。且歷年輸入日本者不少。錫則隨處皆有。而著名者。則廣東錫器也。

安徽、湖南、陝西、四川、兩廣、雲貴、產鉛。湖南、四川、陝、貴、產水銀。其他諸鑛石亦不乏。

第十五章 教育

中國教育制度。姬周盛時最備。隋唐以來。改用科舉。弊端乃起。講學爲應舉之基。至於養成人材。磨鍊士氣。非所顧也。由府州縣學。至國子監。極其所歸。無非欲以應科舉耳。統觀中國教育之宗旨。雖謂應全國之民。盡起爲官。亦無不可。教育全體既已如斯。縱能建設學校。亦無怪乎不能見整肅之秩序也。

第一節 學校之區別

夫學校區別甚多。有家塾。有義學。有書院。有府縣學。有國子監。有官學。有洋式學校。有海陸軍學堂。試詳言之。

第一項 家塾

家塾純爲家庭教育。凡中戶以上之家。童子至七八歲。家人聘適當之師。使其從學。資產薄少者。則與親族鄰保相合。共聘一師。托以子弟使教育之。此二法最廣行。

第二項 義學

義學創於國初。重在普及貧民子弟之教育也。世宗亦重此制。以義學必城市始設。鄉

村僅見。乃下詔設義學於鄉村。滇蜀苗蠻地方。亦皆設有義學。以教育蠻民子弟。義學經費。歸該府縣支給。今或由地方官吏及資產家取給。

第三項 書院

各省府縣。皆設書院。高等書院。專講經學史學。又專攻掌故輿地詞章等學。尋常書院。則備研考試之制藝。經費亦係官吏支給。今入股制藝既廢。各書院之肄業制藝者。當研究實學。參攷各國有用之書。將為四百兆人民。開闢靈府。輸入文明世界。實有厚望焉。

第四項 府縣學

府縣學。則設置於各省府縣。以府學教授縣學教諭管理之。每月考試。近時學則廢弛。加以入股廢絕。府縣學將成荒墟矣。

第五項 國子監

國子監教育優等學生。古所謂大學也。學生定員百五十六人。在外生百二十人。合計二百七十六人。學生資格。文官子弟。須在京四品以上。在外三品以上者。武官子弟。須在京在外二品以上。與死於國事者。此外各省貢監。可使入學。本監置國子監監事大

臣常使他部大臣攝之。祭酒則總攬一切監務。以司業爲之輔助。監丞掌學規。督勵教課。博士助教。兩明經史學業試驗。司業行月試。祭酒每三月行季試。以三年爲學期。

第六項 官學

官學設立於京師滿洲。以教育滿人者。分宗學。覺羅學。旗學三種。宗學爲聖祖所創設。專教育宗室子弟者。覺羅學爲世宗所創設。專教育覺羅姓子弟者。此二學屬宗人府管理。咸安宮官學。與景山官學二學校。乃教育內務府三旗之子弟者。八旗官學。則每旗設立一校。教育八旗子弟。此等學校。道光以後。學規不振。僅存其名耳。

第七項 洋式學校

洋式學校。教授歐美學術之學校也。如京師同文館。創於咸豐十年。聘外國人爲教師。專攻習諸學。理化學。卒業後。俊秀者命往海外留學。或令爲交際翻譯官。派遣海外。此學校爲中國西學之最舊者。上海有廣方言館。廣東有同文館。皆京師同文館之小模範也。天津醫學學校。以英語授醫學。學期以三年爲限。天津電信學校。因需人孔亟。目下最盛。此等學校之學生。卒業後不能得舉人進士之資格。不過爲外交官之通辦而已。已卒業者。不自以爲榮譽。而人亦未必加以尊敬。

第八項 海陸軍學堂

新式兵學校。近時新設者不止一二。北京武備學堂。光緒十三年創立。天津武備學堂。光緒九年創立。陸軍大學。光緒十四年創立。學期以四年爲限。又福建水師學堂。在馬尾船政局。專教養船隊乘員。生徒有二百名。廣東水陸師學堂。爲諸學校之巨擘。光緒二三年間。兩廣總督劉坤一。捐銀十五萬兩。以利金充教育費。後光緒十二年。張之洞更請於朝。擴張規模。改稱爲海陸軍學堂。聘歐美人數名。委囑教授。期限三年。陸軍生徒分爲步礮工兵諸科。授要用之學術。海軍生徒。授機關轉運二科。

第二節 考試

科舉之法。因襲既久。漢時取郡國之儒。以孝廉方正文學等科爲策試。厥後東西晉。南北朝。以對策取進士。及隋唐。以詩賦策論取進士。法益繁苛。經宋元明。愈極微密。更創制藝八股文。以是修選舉之學者。四書六經詩賦策論之外。一無所長。全國人材。大半消磨此中。其關於實用之事實。則一無所知。考試之弊。可謂甚矣。

第一項 歲試

家塾既卒業者。先冊報其姓名。業呈所管州縣廳。以應縣試。再經府試。再經院試。及格

者。卽爲秀才。一云生員。

第二項 鄉試

每三年於各省貢院。考試各府秀才。其及格者。謂之舉人。第一解元。第二亞元。第三四五稱爲經魁。各省定額不同。以省有大小之別。

第三項 會試

會試每三年舉行一次。以各省舉人往應。試驗官。政府特由大學士尙書以下及都察院副都御史中選用。使爲主試。而以內閣侍讀學士翰林院侍讀學士爲同考官。其及第者。通各省不過三百人。謂之進士。

第四項 殿試

會試之後。四月二十一日。皇帝召及第者。入保和殿。試策一篇。謂之殿試。勅大學士都院大臣八名監試。使內閣侍讀學士翰林院侍讀學士督試事。中試者。賜進士及第。第一狀元。第二榜眼。第三探花。此學位之最榮者。而此三人。卽時授以翰林院修撰。及編修之職。二甲賜進士出身。翰林院庶吉士。或授六部主事。內閣中書等職。三甲亦賜進士出身。主事中書。或有爲知縣者。此外尙有廩生歲貢恩貢優貢等特待生。

第三節 學政

學政爲禮部所統轄。各省置學使以下教授等官。統率於學政。普及教化。一省置提督學政一名。巡閱省內。按郡舉行歲科兩試。考取秀才。更由秀才中考取廩生。遴選歲貢優貢拔貢等。皆其權內所專銓。平素督率教授學正教諭訓導等。獎勵府廳州縣之士風。據其事理。會同該省督撫。申稟禮部。若地方官有非理之處。分則有抗爭之權。教授每府一人。通各省置百九十九人。奉承學使命令。督理府內學政。端肅士風。學正。每州一人。各省通計百九十四人。其職不異教授。教諭每縣一人。各省通計千六百人。其職亦不異於學正。訓導無定員。不論府州縣。置於學務繁劇之處。補佐教授學正教諭之職。其人員通各省有千五百二十六人。

第四節 學事雜記

官設洋式學校。前章已記其概。更有私設者。爲張之洞所創。設於兩湖書院之內。爲特色新式學校。其教科分算數、理化、體、聖、經濟、地理等。各有專修。其中生員。湖北有百二十人。湖南有八十人。茶商子弟。及他省人有二十人。謂之商籍。其特使茶商子弟入學者。以其義捐資金也。又四川重慶府道臺黎庶昌。亦創興川東洋務學堂。初設新式學

校。招聘英國學士。專授切實之西學。雖然。中國從來雇聘外國人爲教師。大都學力淺薄。志操卑鄙。不足以付托教育師範之重任。卽有學力者。亦主張自己之意見。議論紛起。究竟結局。尙不如淺學薄識之老實教師也。近年乃有派遺留學生海外之舉。

第十六章

宗教

中國所行宗教。其種類不一。有儒教、道教、佛教、白蓮、喇嘛、回回、天主、耶穌、八種。在人之所以奉而已。冠婚喪祭。不異其俗。而儒佛道天主耶穌以外諸教。引證各門各派經典。附會其說。或弄幻術。或貪香資。甚至貸金而貪其重利。制棺而強賣之。醜行不憚。或有隱抱革命主義。托布教而潛圖不軌者。儒教之弊稍少。政府不禁人民信奉。官吏士人。信徒最多。是亦可謂現象之最奇者也。

第一節

儒教

中國儒教。以孔子爲祖。儒教廣行各地。莫不有孔子廟。儒生皆附會大學中庸之理。究無有得其精微奧妙者。甚者以孔孟歷代之聖賢。與飛昇坐化同一視之。尤可笑也。

第二節

道教

道教由老子道德經五千言而出。末流行於四方。官吏亦不禁之。今分其派爲八種。各

派皆以莊子及歷代諸隱士爲教祖。道教三千五百門。各立其說。各述其理。各派修法之術。先分本身之階級爲三田。由下田漸次求三寶。進於中田。更轉輪至於上田。開天門始於此。得成仙亦始於此也。江西張良之遺裔。張道陵（呼爲張天師）者。卽爲本教之管首焉。

第三節 佛教

中國佛教。東漸於前漢季世。與黃老法力。並耀當時。唐代殊盛。元明漸衰。及國朝衰敗已極。朝廷雖不禁制。然比之喇嘛教。大加檢束。其教徒從來遍於天下。葬儀與道士相共。京師內外各府州縣。皆置僧官。佛教僧侶。欲擇一有學識通經典者。殆無有也。夫僧侶當然之職。掌講經教化之事也。乃竟捨而不顧。以是人人蔑視佛教。僅以爲一葬具耳。

第四節 白蓮教

白蓮教。原由佛教而出。乃其一變派也。又名在裏教。天津北京等處最行。政府雖極禁制之。然教徒置死不顧。益加信奉。本教教旨。統其本身之三乘。先集精神於下乘。轉至於中乘。再轉而至於上乘。名醜醜灌頂。始得成佛。今白蓮教之勢。漸見浸漫。山東直隸

山西等處。教徒愈多。民心煽動。輒釀危亂。如紅燈罩。卽其一派。曾騷擾天津。想此教派與哥老會相似。共爲政府之一大患也。

第五節 喇嘛教

喇嘛教亦佛教之一變派。周末由印度入西藏。漸入中國。共有兩派。一名黃教。一名紅教。其紅教後年稜恩稜者之別起一派。西藏、蒙古、滿州、直隸、山西、陝西、甘肅、四川等處最行。又黃教。國朝政府特優待之。其教祖名宗略巴。明永樂年間。生於西甯衛。於西藏之甘丹寺得道。當時紅教流弊漸甚。弄幻術。欺愚民。失宗旨。慨然突起一派。因別紅教。衣冠概用黃色。故呼爲黃教。有二高弟子。一名達賴喇嘛。一名班禪喇嘛。宗祖遺囑於二弟子。世世轉傳化身。使演大乘經。已臨圓寂。指示其再生之地。果有應驗。衆弟子近立其應驗者爲宗師。爾後輪轉不已。兩喇嘛互代其世。爲本教之宗師。達賴喇嘛居於西藏之布達拉。班禪喇嘛居於西藏之札什倫布。

第六節 回回教

回回教。由土耳其斯坦回斡之地傳來者。元代從軍入於中國。盛行於陝西甘肅直隸山西諸省。明代顯露幻狀。一時滅殺。其勢力遂分配於各地。自是回教遍天下矣。南方

沿海地方。回教徒嘗與舊亞刺比亞人通商。而本教之於中國。亦爲蠶國之革命主義之一教派。可謂與哥老白蓮。同爲亂黨。

第七節 天主教

天主教者。卽耶穌舊教也。其入中國者。已行於唐代。自明至國朝。此教盛流於國內。今全國分管五教區。本部置漢口上海。又設支部於各省各地。其布教焉。固甚踴勉。

第八節 耶穌教

耶穌教者。初侵海濱。漸入北京。延及全國各省。布教尙不及六十年。其勢力甚盛。各省總曾設置本部支部焉。

中國通覽下編卷終

中國通覽下編卷終

光緒二十九年閏五月首版

書經
存案
翻印
必究

譯者 商務印書館

校者 孫煊 祿

發行者 商務印書館

印刷者 商務印書館

上海盤馬路橋北錢業會館西文昌閣隔壁

上海棋盤街中市

總發行所 商務印書館

